



Resultado di
atletanan den
Try-Out di
hisamento
di peso

Lesa A15



E proceso di DPL
ta causa problema
grandi pa
existencia di salon
di beyesa

Lesa A6



Diahuebs 2 di Juni 2016 www.bondia.com Email: noticia@bondia.com Tel: 582-7800 Fax: 582-7044 1,50 Florin

Boksmento na crusada di Weng Kee



PIEDRA PLAT - Diaranson algun minuut prome cu 7'or di anochi, polis a bay na e crusada pazuid di Weng Kee supermarket pa un boksmento.

Na yegada polis a topa cu un Van y un auto Hyundai. Aparentemente e chauffeur di e Van lo no a pone atencion y a subi e crusada y dal e Hyundai na e banda di pasahero. Ningun persona a resulta herida.



Candela den cas

SERO PITA - Diaranson pa mas o menos 6:30 di atardi brandweer y polis a bay un cas na Sero Pita cu tabata sacando hopi huma. Na e cas aki ta biba un mama y su yiu.

Dos unidad di brandweer a presenta na e sitio y mes ora e bomberonan a bay den e cas. E candela lo a inicia pa motibo di un kortsluiting. Esaki lo a cuminsa den un camber parti patras y esaki a kima completamente. Elmar y Slachtoffer hulp a wordo pidi pa ta presente na e adres. E famia a wordo yuda pa Slachtoffer hulp y Cruz Cora.



Editorial

*Plan a y b pa San Nicolas
ta coriendo?*

**Kico ta gobierno su
plan, cu of sin
refineria...**

Lesa A4



Pedro Wilson:

**Ora cu Marlon
tabata
riba caya ningun
hende no a worry**

Lesa A6

Pronostico di tempo

Tempo:

Parcialmente te temporalmente hopi nubia cu chens pa algun awasero local.

Temperatura maximo 33 grado Celsius y temperatura minimo 28 grado Celsius.

Solo lo baha awe nochi 07:03 pm y lo sali mañan mainta 06:14 am.

Biento:

For di direccion oost te oost noordoost y modera te basta fuerte; forsa 4 te 5 (20 te 39 km/ora, 11 te 21 nudo) den dia de bes en cuando fuerte te duro den rafaga; forsa 6 te 7(40 te 61 km/ora, 22 te 33 nudo).

Situacion general di tem-

po:

Un ola tropical, situa den area oost central di Caribe, lo acerca y pasa den nos region local den proximo 24 ora. E sistema aki lo induci humedad den atmosfera local por produci algun awasero localmente riba e isla.

Condicion di lama:

Olanan di lama lo ta for di

direccion oost cu altura di 3 te localmente 6 pia. Temperatura di superficie di lama 28 grado Celsius.

Tempo tropical: un ola tropical tabata situa ayera merdia na 64 west y ta move west cu 15 nudo. un otro ola tropical tabata situa na 54 west y ta moviendo cu 20 nudo den direccion west. □



Prome caso entre Birdlife Conservation y Pais Aruba:

Ainda por scapa e tereno na Bubali Plas

ORANJESTAD - Diaran-son mainta e prome caso entre Fundacion Aruba Birdlife Conservation y Pais Aruba den cuadro cu rosamento na Bubali Plas a tuma luga. Presidente di Fundacion Aruba Birdlife Conservation, sr. Greg Peterson ta bisa cu nan ta purbando algo unico awo pa wak si nan por defende nos naturalesa a base di un caso den corte. Segun e abogado sr. Geert Rep, ainda tin hopi chens pa scapa e tereno cu a wordo rosa na Bubali Plas.

“Eigenlijk por gewoon rosa un tereno prome cu nan hasta haya cualkier permiso, esey ta un di e problema nan cu nos ta confrontando cun’e y banda di e esey nos tin e Ruimtelijke Ontwikkelings Plan (R.O.P.) cu ta para bon cla cu e area di Bubali ta Groen Gebied”, sr. Peterson a bisa.

E R.O.P. tambe tin un cierto splicacion bao di ki tipo di excepcion bo mag di traha algo eynan segun sr. Peterson, cu



no ta e caso den e momento nan aki. “Nos a purba diferente cos. Nos a purba di bin cu medida di ordo cu den todo caso e rosamento no por sigui entrante awe 1 di juni 2016”, sr. Peterson a bisa. Hues a bisa cu e ta compronde cu e parti di naturalesa aki cu a wordo rosa ta un area importante pa e parhanan anto cu e kier a pensa un tiki mas riba e proposicion aki. El a duna nos 2 siman pa e sentencia cual mi ta haya tambe ta algo nobo pa Aruba den e parti aki”, sr. Peterson a comenta.

Gobierno ta concentra



mas riba otorgamento di tereno cu riba naturalesa

Hues a scucha y compronde e argumento cu a wordo treci pa dilanti di parti di Aruba

Birdlife Foundation y Gobierno tambe. “Gobierno ta practicamente mas ocupa cu e parti di otorgamento di tereno y no ta concentra mes riba e parti di naturalesa. Mi ta kere door di esaki, e por trece un balans bek den dje y nos ta hopi optimista, nos ta sperando cu nos por haya un sentencia den nos favor pa scapa e pida tereno aki

“E lo ta algo completamente

por pasobra ta tereno cu ta pertenece na pueblo di Aruba anto manera hues mes a bisa, bo eigenlijk no mag di mishicun’e”, sr. Peterson ta splica.

Ta bay bin mas caso similar na esaki

“Mi ta sigur cu den futuro otro organisacion nan tambe ta bay bin cu cierto caso, nos mes ta bay bin cu diferente tipo di caso pa hasta bay wak y test diferente aspecto nan di otorga tereno di e forma aki”, sr. Peterson ta bisa. Un di e cosnan cu ta hopi simpel segun sr. Peterson, ta eigenlijk cu “Environmental Impact Assessment”, cual ta un proceso cu ta yuda bo midi e efectonan cu desaroyonan of proyectonan manera esun cu nan kier haci na Bubali Plas ta causa na medio ambiente. Segun sr. Peterson, esaki ta algo cu no ta wordo haci den e caso aki pa wak ki daño ireparable esaki por tin pa naturalesa di nos isla cual mester ta cosnan basico ora ta trata cu tereno nan asina aki □.



ORANJESTAD - Presidente di Aruba Reef Care Project, Sr. Castro Perez a bisa cu e fundacion aki su obhetivo principal ta pa conscientisa nos comunidad en general tocante e proteccion y prevencion

Cu introduccion di campaña innovativo y reto pa comunidad

Aruba Reef Care ta bay declara un guerra contra plastic

di bida marino.

Un trabou cu nan ta bin realisando pa 22 aña largo, caminda un biaha mas nan a haya sosten financiero di RBC Royal Bank den cuadro di su proyecto anual Blue Water.

“Nos ta hopi agradecido cu pa hopi aña consecutivo RBC Royal Bank ta reconoce e bon trabou como un patrocinado di e grandioso accion di limpieza cu nos ta organisa tur aña”, asina sr. Perez a bisa. El a agrega cu e fundacion cu e ta presidi tambe ta duna su

contribucion hobi bes den e proyecto di Blue Water dunaendo lectura na scol di diferente topico ya sea di reef, pisca, polucion di lama, etc... P’esey e no ta basila di bisa: “Hunto cu RBC Bank nos ta logra hopi pa comunidad di Aruba y principalmente pa proteccion di bida marino”.

Reto pa comunidad

El a bisa literalmente cu e aña aki Aruba Reef Care ta bay declara un guerra contra plastic. Nan ta bay cu un actividad di conscientisacion, y alabes di recauda fondo pa sigui e labor cu nan ta bin re-

alisando pa mas cu dos decada cu sosten di comunidad. E aña aki e fundacion aki ta bin cu e reto pa reduci plastic. El a propone e reto pa cada miembro y organisacion di nos comunidad conscientemente nenga di uza plastic desechabel pa henter un siman, y asina reduci uzo di plastic.

Cu hopi preocupacion sr. Perez a bisa cu plastic a bira un enemigo grandi pa nos bida marino. No solamente saco di plastic pero tambe boter di plastic, cup, strot, etc...

E reto ta pa nenga di uza plastic pa henter un siman. Cada bes cu bo ta uze consciente of inconscientemente, bo mester pone un boet pa bo mes den forma di donacion, esaki segun bo consenshi y cartera, pa fundacion Aruba Reef Care lo por sigui cu su tarea di conscientisacion y protege nos bida marino.

El a anuncia cu e campaña aki lo wordo lansa denter di poco den nan social media, caminda nan lo duna tur detaye riba e meta pa reduci plastic. □

Public: A5 02juni reto aruba reef care Br

Segun director di SVb, sr. Edwin Jacobs

Calculacion anual di deficit di fondo AOV pa ahusta prima no ta garantisa su sostenibilidad

ORANJESTAD – E formula di ahustacion of no di e prima di pensioen (AOV) a base di e calculacion di e deficit di e fondo aki anualmente -y mantene edad di pensioen stabiel entre 62 pa 63 aña- no ta garantisa e sostenibilidad di e fondo tan importante aki pa futuro, segun director di Banco di Seguro Social (SVb), sr. Edwin Jacobs.



Sr. Jacobs a declara na Bon Dia Aruba cu e sistema cu nan ta uzando actualmente ta asina cu a wordo palabra pa medio di un ley un reserva maximo cu e fondo di AOV ta mag di mantene cu ta un 35% di e gastonan.

El a agrega cu e reserva aki ta pa confronta cualkier recession economico cu generalmente ta bin compaña cu perdida di poder di compra, salario y empleo. Naturalmente e efecto cu esaki ta trece cun'e

cu e prima ta cay, y p'esey importancia di e reserva cu lo por wanta. "E reserva ey ta calcula cu nos por wanta dos aña", asina el a bisa.

Sistema y riesgo

E sistema aki ta traha di tal forma cu cada cinco aña bo por adapta e prima. Sr. Jacobs a indica cu den nan sistema mirando nan proyeccion pa futuro nan tin adaptacion di prima premira.

E ta haya cu traha solamente cu e formula di e deficit anual ta "implica riesgo pa gobier-

no". Un pregunta lo ta con institutonan internacional cu ta cualifica e finansa publico di gobierno ta bay mira e tipo di riesgo ey. "Si un riesgo ta bin di un aña pa otro cu deficit grandi, e tin un efecto riba finansa publico", segun director di SVb.

E ta haya cu por general un tipo di fondo manera esun di AOV mester traha cu un "reserva modesto cu bo por cumpli cu bo obligacion". Mayoria di nos hende grandi pensioen di AOV ta nan unico

entrada, y p'esey importancia di e sostenibilidad y garantia di e fondo aki pa futuro.

Solidaridad

El a splica cu si cu tempo cu e reserva ey ta bay genera entrada tambe cu ta wordo traduci cu menos prima pa hendenan. Un aspecto cu e halto ehecutivo ta considera importante ora cu nos ta papia di e sistema di AOV, ta cu e sistema aki ta basa riba esun di solidaridad tambe. Ta nifica -segun sr. Jacobs- cu bo tin cu percura cu bo tin un sistema di pensioen cu ta sostenibel y cu ta duna un pensioen adecua.

Y di otro banda, esunnan cu tin cu paga pe, mester considera e prima husto cu ainda nan por paga pe. Ta importante pa evita di pone e sistema aki bou presion; y evita asina cu e contribuyentenan di e fondo aki, no ta sinti cu nan no tin espacio pa hiba un bida, ya sea como hoben

of como mayor di muchanan jong. E balans aki ta cay den man di esun competente entre nan politiconan, gremionan, sindicatonan, etc...

Sr. Jacobs a indica cu den un caso asina no mester mira solamente esun cu a drenta den e sistema pa cobra pensioen caminda nan ta busca un beneficio maximo pa nan, pero tambe pa esun cu tin cu paga.

"Mas presion bo ta pone ariba esun cu tin cu paga ta yega un momento cu e por bisa: Pa kico mi ta haci esaki?... Por ta mañan mi no lo tin e mesun beneficio ey", segun director di SVb.

E ta enfatisa cu e sistema aki ta basa riba filosofia di solidaridad caminda ta wordo poni un banda e egoismo humano. Mantene un fondo di pensioen no ta algo facil y ta algo cu e lidernan sindical, politico y gremial ta habil riba esey pa trece e balans pa sali afo, segun sr. Jacobs □

Bureau Sostenemi:

Nombra como e punto central di denuncia di Abuso di Mucha

ORANJESTAD - Mientras cu tin un discusion si mester bin un punto di denuncia of no den Parlamento, e grupo di manifestante cu a trece manifestestonan Parlamento cu diferente peticion y ponencia kico falta, Minister Paul Croes a bisa den medionan di comunicacion cu e aspecto di un punto di denuncia no ta valido, mirando cu esaki ta existi den forma di Bureau Sostene mi.

Esaki, segun e mandatario, a keda informa den Parlamento durante un encuentro. Sinembargo e no a wordo formalisa den un ley den nos codigo civil, cu mester tuma luga ainda. E codigo civil ta acapara un cantidad di ley cu mester wordo cambia den un solo reunion.

E titular di asuntonan social y labor a splica cu den nos codigo civil ta haya leyman di labor cu tin cu wordo cambia. Sinembargo den capitulo number 2 ta trata abuso di mucha. Den e ley aki, e nombramento di Bureau Sostene mi como punto central di

aviso lo mester wordo formalisa den e lunanan cu ta bin.

Mientras tanto si Bureau Sostene mi ta fungi como e punto central di denuncia, unda cu tur persona na Aruba, cu por mira cu cierto abosonan ta tuma luga, por indica na Bureau Sostenemi pa asina nan tin un registracion central di e cantidad di abosonan y tambe por haci un chequeo despues, dependiendo e grado di e caso y tambe na unda caso ta. Sea cu e ta bao di investigacion na Jeugd en Zeden Politie of Voogdijraad pa check aspectonan social di e famia, sea cu ta na Spoed Eisende Hulp of ImSan of na Ministerio Publico, Bureau Sostenemi lo bira e link pa por sa e stand van zaken di loke ta e caso.

Hopi biaha por scucha e minister ta bisa tambe cu e comunicacion, comunicacion, coordinacion entre departamentonan mester ta mas eficiente. Si esaki sosode na e momentonan aki, tin por ehempel un pediatra, of por entrega un keho na polis. Di nan parti nan lo pasa e infor-

macion na Bureau Sostenemi. No ta un asunto cu Bureau Sostenemi tin cu haya e prome yamada, sino por bay polis y meld kico a sosode y polis lo pasa e informacion bek, pa nan tin un registracion di e caso cu a drenta na e momento ey cerca JZP, of a drenta na un pediatra. Den tur e aspectonan aki. Ta importante pa e comunicacion entre polis, pediatra y otro instancianan cu ta ricibi tipo di kehonan aki, coordina esaki bek na e punto central di denuncia, cu tin cu wordo formalisa den ley.

Comprension pa situacion Desde november aña pasa, tin un acuerdo y un protocolo entre 17 diferente organizacion cu ta trata abuso di mucha. Esaki ta e parti preventivo, sector di crisis, sector di cuido, y na momento cu el a sosode, ta bay den aspecto di crisis. Tin un coordinacion mas miho compara cu antes den veld, den e cadena di cuido di nos muchanan, pero manera tur momento e minister a sali afo, cu no ta na unda cu nan kier ta.

Gobierno ta haciendo su



maximo pa duna un man den e parti preventivo. Gobierno tambe ta admiti cu kisas cosnan por bay robes, pero ta bringando den tur su forza pa purba di evita cu cosnan por continua bay robes.

Ta haya lamentabel si cu ainda tin diferente vandalismo cu ta wordo cometi riba diferente luga na Aruba y ta sigui ainda cu e campananan negativo aki pa loke ta pintamento riba luganan cu e palabranan

"Pro Pedofiel". E minister no sa kico ta e intencion pa continua cu tipo di actividadnan aki. Ta penoso pa mira cu iglesianan ta wordo susha cu e vandalismo aki.

A bisa tur momento tambe cu tin comprension pa e situacion di mayornan cu ta pasa den e situacion aki y no solamente un mayor. Tin comprension pa tur e casonan cu ta sosode na Aruba, e minister a splica. □

BON DIA *Aruba***Editor**

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Hefe di Redaccion

Jaime A. Mata

Redactor Ehecutivo

Zulaica Maduro

Redaccion

Benjamin Romero
Nathalie Winterdaal
Leo Maduro
Nadien Philip
Margarita Els
Nicola Gonzalez
Dino Tromp
Efraim Odor
Fabiola Cardenas

Ehecutivo di Benta

Marijke Croes-Luidens
Mark Gomes
Elly Erasmus

Aviso y Arte

Sandra Loefstop
Lando Rafael
Gladis Palomino-Silva

Administracion

Xiomara Arends (Hefe)
Mariette Engelhart
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Yair Gambin
Francis Dirksz

Colaboracion

Sharina Henriquez
NoticiaCla
Associated Press
Ret Karibense

Afiliacion

Sociedad Interamericana
di Prensa (SIP)

DIRECCION

Weststraat #22

Tel: 582-7800 / Fax: 582-7044

email: noticia@bondia.comaviso@bondia.com**BON DIA ARUBA**

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia24.com

Editorial

*Plan a y b pa San Nicolas ta coriendo?*

Kico ta gobierno su plan, cu of sin refineria...

ORANJESTAD- Mientras ta parce cu tur cos ta 'color de rosa' den e proyecto di reapertura di e refineria, ta cuminsa sali señal di un 'Plan B' na San Nicolas, por si acaso no tin refineria mas. Esey riba su mes no ta algo malo; den tur cos mester elabora alternativa den caso cu e plan original no cristalisa. Y den e asunto di e refineria tin suficiente motibo pa pensa riba un plan alternativo.

Pa cuminsa, a pesar di tur e afirmacionnan di parti di gobierno cu tin un acuerdo y cu yegada di Citgo ta sigur, a sali den noticia internacional suficiente indicacion cu no tur cos ta canando manera gobierno ta pretende. E dudanan a cuminsa di biaha ora cu gobierno a anuncia, cu a yega na un acuerdo. Durante e rueda di prensa mes a haci pregunta tocante e altura di inversion den rehabilitacion di e refineria, unda ministro encarga cu Asunto Economico no por a duna cifra exacto. Mas interesante tabata cu el a declara cu ta awor no mas, desde 1 di augustus, Citgo lo bin haci su investigacion detaya pa 'assess' kico e rehabilitacion lo bay costa... Anto nos mester kere cu Citgo ta cana drenta den un aventura cu nan no sa unda e ta cuminsa ni unda e ta caba?

No ta straño cu a bin noticia di e parti Mericano di e gerencia di Citgo cu tabata sumamente rabia cu e deal aki, cu por trece e compania den problema financiero serio, sin cu e ta inverti den su 'core business'. Manera nos a comenta anteriormente, e prestamonan biyonario di ultimo aña pa pasa placa pa PDVSA y gobierno Venezolano a laga e compania caba sin espacio pa fia mas. Banda di esey a cuminsa sali diferente comentario tocante e estado di deterioro di e refineria, cu por haci cu e gastonan di rehabilitacion lo ta hopi mas halto cu ta calcula te awor. Hasta si bao presion Venezolano Citgo yega na firma cu Aruba, e pregunta ta keda si e rehabilitacion ta factibel financiero y tecnicamente.

Por observa cu PDVSA mes ta den problema asina serio, cu nan no por ni paga e carga cu barconan ta treciendo Venezuela na e momento aki y preocupa cu Aruba lo no ta riba nan agenda.

Pero loke mas a hala nos atencion ta e noticia cu Prome Ministro a anuncia na un medio di comunicacion local, cu banda di e parti di e tereno cu e refineria ta ocupa, tin un tereno grandi entre e

tankinan na Zeewijk y haf di San Nicolas, cu tin acceso na costa y cu gobierno lo haya esaki pa desaroya algo diferente. Esaki ta netamente e tereno cu den e plan alternativo cu Camara di Comercio a presenta algun aña pasa, unda a muestra riba e posibilidad pa establece un haf di container internacional aki, cu tin tur e posibilidadnan cu e haf di Barcadera no por brinda nunca, simplemente pasobra e ta demasiado chikito.

Tambe nos a publica algun tempo pasa cu Citgo a lanta un compania local cu tin den su metanan pa bira e autoridad portuario na San Nicolas, pero alabes a pone den su metanan cu e por bay haci negoshi di importacion y exportacion di container pa tercera persona. No a bin ningun reaccion di parti di gobierno riba e asunto aki. Aparentemente tin mucho mas ta bay sucede cu solamente reapertura di e refineria. Asina Prome Ministro a papia tocante un proyecto di panel solar cu por haya su luga na e parti mas cerca di Sero Colorado cu tambe gobierno ta haya pa desaroya.

Nos ta cuminsa haya e impresion cu tin dos plan ta coriendo pareu: un cu refineria y un sin refineria. Den e ultimo version e refineria lo keda desmantela loke pa basta tempo ta duna trabao pa varios contratista, cu gobierno ta scoge... Loke ta parece crucial den henter e asunto no ta si e refineria ta habri of no, pero si ta logra firma e acuerdo cu Valero pa gobierno haya e propiedad den su totalidad.

No ta bisa cu esey de por si ta algo negativo, pero nos no ta mira pakico mester tin tanto secreto asina riba algo cu por discuti abiertamente.

Talbes e problema ta cu a palabra un cantidad di cos cu partnernan tanto local como internacional pero no kier divulga ainda; esey no lo ta nada nobo pa e gobierno aki. Con tal cu ta cuminsa parce cu e asunto di Citgo ta birando mas y mas un cortina di huma grandi pa sconde loke ta bay tuma luga di berdad.

Por ta tambe cu e reservacion di tanto camber di hotel all-inclusive den e cambio di ley proponi pa ministro encarga cu turismo no ta pornada y tin di haci cu un continuacion di e plannan na Sero Colorado, si e acuerdo cu Citgo a lo largo resulta no factibel. Un gran parti di e cambianan lo bay anto pa realisa e proyecto di Bahia. Nos ta keda pendiente. □

Segun minister di Enseñansa, sra. Michelle Hooyboer-Winklaar Expectativa riba resultado na Colegio Arubano no ta un excepcion e aña aki

ORANJESTAD – Siman pasa studiantenan di HAVO y VWO a bin cla cu nan examen y expectativa ta grandi pa dia 16 di juni awor ora cu ta wordo divulgá e resultado final na Colegio Arubano.

Minister di Enseñansa, sra. Michelle Hooyboer-Winklaar a declara na Bon Dia Aruba, cu e tambe ta na expectativa di e resultado aki, y e ta spera cu e lo ta miho cu esun di aña anterior. Pero e

expectativa ta bira mas grandi mirando e turbulencia cu e institucion aki a pasa aden durante e aña escolar aki.

E mandatario a bisa cu e ambiente di expectativa aki ta tur aña y esaki tampoco no ta un excepcion.

“Mirando manera bo ta pone e turbulencia cu a pasa den e ultimo aña escolar, mi ta kere nunca nos a mira esaki den tal forma cu a sosode na un scol”, el a declara.

Minister Hooyboer-Winklaar

a bisa cu obviamente e kier mira esaki mas pronto posibel pa haya un bista ariba e resultadonan.

“Si esaki en berdad a afecta e cantidad di esnan cu ta bay gradua. Of si nos ta wak cu scol a sigui manera e mester tabata ta, y cu esaki minimal lo sinti esey”, el a bisa.

Nan ta –segun e mandatario– tur e preguntanan cardinal cu nan ta wardando riba dje y nan ta sperando cu pronto nan lo por haya un bista ariba esaki. □



Hefe di Duana : Unda cu yega tin cu haci control

ORANJESTAD - Durante fin di siman cu a pasa tabata tin papia den algun medio di comunicacion, cu tabata tin un caos na aeropuerto y cu turistanan mester a para den rij largo pa nan warda pa wordo controla. Esaki siguramente no a cay den bon tera cerca e trahadonan di Duana, kendenan ta hura-menta pa controla nos fronteranan pa cualkier eventualidad.

Esaki ta conta tanto na aeropuerto como otro puertonan, caminda cu diariamente ta mira un fluho di turista, como tambe tripulacion di barconan cu ta drenta pa comercio na waf. Control ta algo normal. Unda cu yega, tin cu haci control.

Control tin cu wordo haci riba tur hende y depende di e riesgo cu tin tambe. Por tuma como ehempel un Colombia, cu ta productor di cocaina. Ta bay controla mas riba cocaina. Si ta haya por ehempel si acaso cu avion por bin di Jamaica, sa cu tin marihuana eyan, ta controla riba marihuana. Si ta haya cu avionnan cu ta bin di Merca, di Miami, etc., sa cu hende ta cumpra hopi paña eyan y eyan ta invoerrecht cu tin cu controla e ora ey. Paña nobo cumpra e ora ey. Asina ta haya diferente control cu por wordo ehecua na cualkier momento.

Control extraordinario na aeropuerto

Durante e fin di siman manera ya menciona, a opta pa haci un control extraordinario y manera ta di spera, turistanan tabata para den rij. Segun director di Duana, Ricky Croes, esaki tabata casual, pero esey



a wordo resolvi despues.

Pa henter e situacion aki, Croes a splica cu a haya droga, pero naturalmente no por generalisa. E droga no a wordo haya riba ningun persona si. E pensamiento si cu mirando cu duana tabata controla, a dicidi di lag'e den baño.

Den e caso aki tabata algo specifico. E tabata hustamente e turistanan cu tabata biniendo pa Soul Beach a wordo controla. Den e caso aki tin cu tene cuenta kico nan lo trece pa nos economia, kico ta locual cu a haya y pone den balansa pa dicidi con e control lo wordo efectua den futuro den e casonan aki.

Sindicato no mucho contento Ta sinti cu for di sindicato, pasobra miembronan lo a bati na nan porta, cu ta interumpi nan di haci nan trabao den cierto sentido y cu tin hasta papia cu minister lo a duna instruccion via nan hefe. E director a splica

cu cada trahado di duana tin cu mostra su responsabilidad na un majoor, cu ta mas halto cun'e. E lider di servicio ta duna cuenta na su hefe, na inspector, director y dje minister. Den e caso aki si nan haya un tarea, no pa stop esaki, pero pa haci esey na un manera miho, segun e director, nan no por cuestiona un peticion of un tarea, cu ta bin, pa motibo cu loke ta wordo mira cu si por pone tur cos den balansa, den e caso aki ta wak kico e accion tabata, kico su meta ta, kico por a logra cun'e y di otro banda tin cu wak economia tambe. Kico el a produci pa duana. Si pone eseynan den balansa, por bisa cu awor aki tin cu haci'e di un otro manera. Ta haya tambe e pensamiento di e director, cu dounan mester cuminsa controla 10 hende 100 por ciento y no 100 hende 10 por ciento, di manera cu e control mester ta efectivo, basa riba riesgo y no controla tur hende.

Libertad pa turistanan di Merca

Tin manera un libertad pa e turista procedente di Merca. Riba e resultado di e control aki, Ricky Croes a splica cu a haya algun cos ilegal y a haya mas entrada cu ta normal. Pero un biaha mas, tin cu pone tur cos den balansa. Wak kico a haya como entrada adicional y compara esaki cu kico e economia di Aruba lo sufri. Ora cu pone e dos nan aki den balansa, ta bisa cu si ta bal la pena sigui cun'e, para esey of haci'e menos. Den e caso aki a dicidi pa controla menos e ora ey.

Molester na turista?

Pa loke ta EEEE control di duana, varios keho, cual segun presidente di SADA, no sa di unda, cu ta molestia turistanan durante control. Esaki Eduard Maduro, no ta compronde dicon ta defini molestia, pasobra una bes un hende, ken cu e porta, cumpra un ticket pa bin un pais,

nan ta somete na tur control, pa loke ta entrada di e pais cu nan ta bayendo.

Cada ken cu cumpra un ticket nan sa cu ta bay un pais, nan sa cu nan tin cu pasa sea control di emigracion, di di siguridad y di duana. Esey ta algo cu no ta ningun secreto. Pa e turistanan, tanto Mericano, Venezolano, di tur parti di mundo cu ta bin Aruba, nan sa cu ora nan yega Aruba, nan por wordo someti na un control di duana, emigracion y siguridad. Pa e parti ey, ta di lamenta cu ta hinca den un contexto asina, pasobra si esunnan cu ta papia di molestia, si nan busca e informacion corecto, ta haya sa cu e control ta na su luga y no tabata den ningun forma pa molestia ningun turista.

Maduro a sigui splica cu a haya keho di coleganan, cu ta asina cu tin un lider di team, esta esun cu ta eherce e control di e trabaonan e dia ey en cuestion. Cada dia ta evalua e personal cu tin y kico por haci. Ta logico cu si no tin personal pa haci un control completo of 100%, logicamente no ta bay over pa perhudica e turista. Esey ta hopi hende cu ta keha of ta duna di conoce cu duana ta stroba e importancia di Aruba, loke ta trata control di turista, duana tin di experiencia di e banda aki cu no ta bay perhudica esaki sin mester.

Duana ta haci su control dependiendo na e personal cu tin presente, ta bay evalua cuanto hende of con, ki control ta bay haci. E dianan en cuestion tabata tin hopi personal. Tabata tin hende suficiente cu a dicidi e ora ey cu por haci un control completo, sin perhudica e fluho di turista, Maduro a splica. □

E proceso di DPL ta causa problema grandi pa existencia di salon di beyesa

ORANJESTAD - Rafael de Cuba tambe ta forma parti di e comision cu a lanta pa e Salon y Spanan. De Cuba tin hopi aña haciendo e trabao aki.

Den su palabranan, el a splica cu locual cu ta reina na e momentonan aki pa e aspecto pa locual ta e parti di DPL ta uno hopi dificil, pa motibo di companianan cu ta laborando pa hopi tempo caba ta yega cierto tempo cu e empleadonan ta bay den e area aki di beyesa pa traha riba nan mes,

den nan mesun luga, nan mesun cas, cual ta nan derecho, pero e ora como doño di nan propio empresa ta haya man maza pasobra e procedura ta hopi dificil.

E ta hopi largo aparte di esey y na final e resultado ta bay ta negativo. Pakico, pa motibo cu e empleo na Aruba ta globalmente duna na hendenan local primordialmente, pero locual ta den e area di beyesa no ta haya loke e empresa ta exigi cu ta personanan completamente profesional pa e servicio cu kier trece pa

comunidad, no ta haya hendenan local ekipa cu esaki y esunnan cu ta ekipa ta traha riba nan mes.

E ora ta bira un parti hopi dificil, cu tin cu bisa con ta haci na e banda aki pasobra nan no ta bay duna permiso na un hende cu por a entrevista of bay afo busca un hende.

Ta haci e procedura legal y sinembargo na final no ta duna resultado positivo. Aki ta habri caminda pa ilegalidad. Den hopi aspecto e por bira asina pasobra of tin u



cera e negoshi, of e no ta bay. De Cuba ta purbando di dos aña caba pasobra tin metanan cu tin cu yega na nan, pero

pa e parti aki di locual ta trata pa establece stilistanan, trece nan di afo, no por haci esaki, el a comenta. □

Pedro Wilson:

Ora cu Marlon tabata riba caya ningun hende no a worry

ORANJESTAD - Pedro Wilson, boluntario pa asistencia di adiccion na Aruba, tabata traha cu gobierno pa 17 aña yudando na yega na e adicto nan na Aruba pa manda nan afo pa rehabilitacion incluyendo Marlon den pasado. sr. Wilson ta conta Bon Dia cu ningun hende a preocupa cu Marlon tempo cu e tabata riba caya pa awo haci manera nan semper tabata worry cun'e.

"Marlon tabata tin hopi aña riba caya, nunca mi a tende cu e la coy mesun hopi fama cu

awo. Famia ta preocupa, esaki ta preocupa, e otro ta keha, anto con a para ora Marlon tabata riba caya? Ningun hende tabata preocupa ora cu e tabata drumi riba caya y awo cu e ta hayando chens pa recupera, no kier duna e homber un chens pa e rehabilita!" sr. Wilson ta splica Bon Dia

Sr. Wilson ta lantando su fundacion y e ta bisa Bon Dia cu e no kier hinca su mes memey di un guera cu Marlon su recuperacion. "Tin un grupo cu a lanta anto nan

kier a haci algo anto nan a scoge Marlon, ningun hende a acerca ningun hende pa puntra bo sa, sikiera un conseho. Nan a logra hiba Marlon afo, el a yega Hulanda, bueno. Despues mi ta tende noticia cu Marlon a scapa y e ta comportando su mes malo y despues mi ta tende cu nan a saca Marlon for di e luga cu e tabata kedando na Hulanda," sr. Wilson ta splica.

Yudando Marlon rehabilita no ta un tarea facil sr. Wilson ta splica Bon Dia cu

e conoce Marlon for di hopi aña caba. "Van Der Straten, a topa Marlon na pomp di gasolin San Nicolas anto el a tuma un cariño pa e guy anto el a pidi nos pa regla tur e papel nan pa Marlon bay bao di curatela den 2007. Marlonchi su papel nan ta na Ministerio Publico for di basta tempo. Pa mi, Marlon mester di un luga special, un luga cera, e no por bay den un luga habri pasobra e no ta un persona facil pa rehabilita," sr. Wilson ta bisa.

Marlon no a keda riba

caya

Segun sr. Wilson, despues cu el a tende di e problema cu Marlon a haya cu e mester a sali for di e iglesia, el a busca contact cu e tin anto a haya luga pa Marlon keda un rato te ora cu e contact nan di e otro centro di rehabilitacion wordo confirma. "Mas importante pa mi ta Marlon su siguridad y recuperacion, mi no ta worry tur e papiamento ey di placa. Mi no ta papiando contra ningun hende pero, bo no por bisa mi cu bo ta bay yuda un adicto na Aruba pa bay afo y despues no sa unda e ta," sr. Wilson ta splica Bon Dia.

Sr. Wilson ta agrega cu el a yuda busca un centro na Rotterdam caminda Marlon ta bay keda pa sigui cu su recuperacion.

"Si Marlon kier tuma contacto cu cualkier persona, e lo haya contacto cu nan. Esaki ta pa gobierno na Aruba lanta for di soño sr. Wilson ta splica Bon Dia cu esaki ta algo cu mester cuminsa lanta gobierno for di soño na Aruba pa cuminsa haci mas pa yuda combati e problema di adiccion. "E ta un berguensa cu e cosnan aki mester pasa. Nos tin centro akinan y manera pa yuda adicto nan na Aruba pero nada no ta wordo haci. Cu un grupo mester lanta pa manda un persona afo, anto e ora e cosnan aki ta pasa. Marlon ta su so! Marlon ta un mayor di edad berdad, pero den su mente e ta un mucha chikito aworaki. Droga a cuminsa sali for di su curpa anto e ta hopi spanta sin haya niun yudansa drechi." Sr. Wilson ta splica. □

Have vacancies open for:

<p>LANDSCAPING Groundskeeper</p> <p>FRONT DESK Front Desk Agent</p> <p>HOUSEKEEPING Public Area Supervisor Night Supervisor Room Attendants Houseman Public Area Attendant</p>	<p>SECURITY Security Shift Leader</p> <ul style="list-style-type: none"> Minimal Mavo or equivalent Must be able to write in English Minimal 3 years experience in similar position <p>Front Desk Front Desk Manager</p> <ul style="list-style-type: none"> Minimal HBO or equivalent Must be able to correspond in English Minimal 3 years experience in similar position Knowledge of TSW is a plus Outgoing personality
---	--

- Must be able to work a flexible schedule, including weekends, nights, and holidays.
- Able to communicate in English and Spanish; Papiamento and Dutch will be a plus.

For more information please contact the Human Resources Department at telephones 527-9176 / 527-9144 during office hours or pass by to fill in an application.
E-mail address: careers@troparuba.com

Departamento di Labor a haya hefe di Inspeccion nobo

ORANJESTAD - A nombra hefe di inspector di departamento di labor. Riba esaki minister di labor, Paul Croes a comenta cu durante conseho di minister a keda aproba despues di un proceso unda a habri un vacatura, unda a busca diferente persona profesional cu a busca pa e trabao aki, un total di 9 candidato a solicita pa e funcion di hefe di inspeccion di labor.

Siguramente un rol hopi importante den gobierno, finalmente a yega na e candidato kende ta Sr. Giovanni Coffie. E ta emplea na AAA, pero cu lo ta entregando su carta di retiro na aeropuerto cu un periodo naturalmente pa por cumpli cu su tareanan eyan. Pero ta contento pa tin su persona abordo, pa siguramente como hefe di inspeccion di labor, e rol di dje ta importante den mira cu cumplimento di nos leynan laboral ta wordo cumpli. Leynan manera "Arbeidsverordening", tambeCodigo Civil, na momento cu ta trata

contractonan laboral, sueldo minimo cu mester wordo paga, cumplimento di dianan di vakantie, basicamente cumplimento di tur ley laboral, inspeccion di labor, pa mira pa e cumplimento di esakinan. Hefe di inspeccion den e caso aki lo mester guia e grupo di inspector pa por yega na e ehecucion di locual ta yama e "bestuurlijke handhaving."

Te na e momentonan aki por bisa cu varios compania ta wordo controla pa gobierno, sea pa cumplimento di labor, sea pa tuma trahadonan ilegal, sea pa por ehempel pa no cumplimento di SVB y AZV, inspeccion di labor awor aki ta bayendo den e direccion pa na momento cu no ta cumpli cu leynan laboral, bo por wordo multa pa esaki. Esaki ta a maneho di "bestuurlijke handhaving", cu e inspector nobo lo mester bay guia henter su team pa por ehecuta.

E lo trece cun'e cumplimento di nos leynan laboral y proteccion di nos trahadonan.

Na momento cu no cumpli cu leynan laboral di Aruba, por ehempel cumpliendo cu pago di sueldo minimo of duna e cantidad di vakantie cu nan tin derecho riba dje, cumplimento cu e famia na momento di fayecimento of

cualquier aspecto di ley laboral, of un contacto mes, e inspeccion di labor ta bishita e compania y conforme ley tin cu duna tambe tur informacion over na inspectornan di labor y bay over na mira si ta cumpli cu esakinan. Mas

complimento cu nos leynan laboral, ta nifica mas proteccion pa e trahado y ta premira cu den e caso aki un hefe di inspeccion, tin un rol importante den guia henter e team aki pa yega na esaki, e minister a splica. □

Edgar Roelofs:

Mester sinta hunto y discuti pa mira si por wanta e ley di all inclusive

ORANJESTAD - Mirando e intencion di gobierno of miho bisa e minister, mester tin un cool off period, segun Gerente General di Manchebo, Edgar Roelofs. Mester sinta hunto, aunke cu a sinta caba cu gobierno, desde Juli ultimo, caminda cu nan tabata tin un combersacion.

Tin mester di traha hunto pasobra no por ta asina cu hotelnan ta wordo lastima pa motibo di esaki. AHATA ta cla pa sinta cu e minister di Turismo y tene un dialogo habri.

Manchebo ta compronde e urgencia di e minister, pasobra no kier pa henter Palm

Beach bira full all inclusive, pero no mester ta si cu e hotelnan cu tin pa hopi aña, sufri di esaki. Mester sinta hunto y discuti pa mira si por wanta e ley aki y bay bek na mesa y haci mas investigacion. Esaki sigur lo haci daño na Manchebo. Si tin un ocupacion di 95% durante aña y ta kita 30 pa 40% pa motibo di all inclusive, tin solamente 50 of 60% so. E ora tin cu cera e hotel, pasobra no por mancha 72 camber riba un ocupacion abao. Por ofrece solamente full e experiencia cu tur e restaurantnan y mas ammenities, pa motibo cu tin e concepto di all inclusive y pa motibo cu ta ofrece half board na e huespednan, Roelofs a termina. □

CELEBRA DIA DI TATA

CU

SUPER FOOD **Dewar's**

GANA UN HOLOSHI SWISS!

Cu cada compra di e siguiente productionan:

2 Botter di Dewar's 12 di 75cl

- of -

1 Botter di Dewar's 18 di 1 liter.

Scirbi bo informacion personal riba e recibo y deposita esaki den e caha di Dewar's.

John Dewar



www.tropicalbottlingaruba.com | fbc.aruba



N.V. ELMAR:

Extra carga riba kabelnan a laga varios area sin coriente

ORANJESTAD - Dialuna anochi varios area a keda sin coriente y tecnicoan di N.V. ELMAR a traha duro te den oranan di marduga, pa por logra reestablece suministro normal atrobe. Albertico Koolman a splica cu nan tin algun siman caba haciendo mantencion riba algun instalacion di 12 mil volt den e stacionnan.

un ekipo for di servicio ta pone extra carga riba e kabelnan. Esey a pasa e anochi ey ora algun kabel a laga bay. Ta e momento ey a haya yamada y a core sali di biaha pa mira kico a pasa y mientrastanto ta analisa e fayto, a haya un otro "storing" riba dje. Ora cu a purba di reconecta coriente, un otro kabel a wordo afecta, pero esey tambe a keda resolvi basta lihe.

Normalmente e red ta carga cu un 60% pero ora cu saca

Mientrastanto cu ta cabando, a haya e informacion cu un



Pero tin cu bisa cu ora coriente bay e momento ey, ta e ora ey e tecnicoan ta sali pa investiga, haci un inventariacion di material cu nan tin mester y kico nan tin cu haci y no tur ora tin informacion e momento ey pa duna. Hopi biaha ta dificil pa sali di biaha cu informacion pasobra mester verifica debidamente si ta asina pa evita cu ta suministra informacion incorrecto. Nos compania nacional di distribucion di coriente ta consciente cu pa e cliente e

11:00pm cu nan kier sa un minuut despues kico a pasa. Pero esey no por ta e caso como cu e tecnicoan mes tin biaha e ora ey no sa di e fayto. Awendia tin aparatonan moderno cu por determina unda e storingnan ta y determina e areanan cu ta afecta, pero pa sa exactamente e motibo di e storing semper lo dura un par di ora of un dia despues. Ta bon pa enfatisa cu semper tecnicoan ta sali mesora ora di un fayto y ta purba keda cla

Aruba Bank:

Cla pa financia bo auto nobo awe nochi na Auto Nights di Garage Centraal



ORANJESTA- Garage Centraal/GTi ta presenta un otro Auto Nights event, ofreciendo clientenan e oportunidad pa shop na nan gusto pa e auto di nan soño for di 6or te cu 9'or di anochi. Aruba Bank su representantenan lo ta presente pa asisti clientenan y futuro clientenan cu nan financiamiento na un interes atractivo pa nan auto nobo.

Aruba Bank ta presente tur luna na Auto Nights, unda cu nan ta ofreciendo e tarifa di 7.5% (efectivo entre 7.62% y 7.68%) y un oferta di "Cumpra Awo y Paga Despues" di tres luna. Aruba Bank ademas ta ofrece shete aña di financiamiento. E oferta aki ta valido riba compra di autonan nobo. Representantenan di Aruba Bank lo ta disponibel pa contesta tur pregunta "on the spot" y duna clientenan conseho tocante di e compra di nan proximo auto. Un invitacion ta bay na tur cliente existente of esunnan interesa den compra di un auto nobo pa bishita Garage Centraal/GTi diahuebs y papia cu un representante di Aruba Bank pa e oferta special riba bo prestamo pa auto. Pa mas informacion con pa cumpra bo auto awe, bishita: <https://www.arubabank.com/carloan2016/>

auto a ranca un palo di luz den e area di Hooiberg. Pero esey si a tarda basta, pasobra mester a coba, pone palo di luz, mester a hala waya, mester a saca hende pa bay habri magazijn, saca material cu a ocasiona cu a dura te mainta pa por a pone coriente bek eynan. Wanda Broeksema, gerente di e departamento di Relacion cu Cliente, a pidi disculpa un biaha mas pa e faytonan cu tabatin dialuna. Nan tabata fuera di alcance di N.V. ELMAR y ta compronde cu clientenan ta frustra. E ta fastioso pasobra clientenan a keda varios ora sin coriente.



asunto por ta frustrante pasobra nan kier sa e ora ey kico ta pasando, cu si e coriente bay

mas lihe posibel pasobra e ta na interes di e clientenan y N.V. ELMAR tambe.

Resumen di casonan den Corte di Prome Instancia pa awe

Orario	Sospechoso	Acto Castigabel
08.30	E.O.F.Q.	Q. ta wordo acusa pa posesion di cocaina y marihuana riba 9 di februari 2014.
08.30	J.I.W.	W. ta wordo acusa pa posesion di un sker riba caminda publico riba 2 di mei 2015. El a wordo acusa pa posesion di marihuana riba e mesun dia.
08.30	M.M.M.	M. ta wordo acusa pa posesion di un cuchiu riba caminda publico riba 9 di mei 2015.
08.30	P.M.I.	I. ta wordo acusa pa posesion di marihuana riba 9 di mei 2015.
08.30	B.R.W.v.A.	V.A. ta wordo acusa pa posesion di un cuchiu di cushina riba caminda publico riba 9 di mei 2015.
08.30	K.D.F.	F. ta wordo acusa pa posesion di marihuana riba 9 di mei 2015.
08.30	S.B.W.	W. ta wordo acusa pa posesion pa marihuana riba 9 di mei 2015.
08.30	R.J.V.H.	H. ta wordo acusa pa posesion di un cuchiu riba caminda publico 9 di mei 2015.
08.30	J.A.C.V.	C.V. ta wordo acusa di posesion di un cuchiu riba caminda publico riba 23 di mei 2015. E ta wordo acusa pa posesion di marihuana riba e mesun dia
08.30	J.S.H.	H. ta wordo acusa pa posesion di un of mas arma riba caminda publico riba 23 di mei 2015. E ta wordo acusa pa posesion di marihuana riba e mesun dia.
08.30	R.R.M.	M. ta wordo acusa di posesion di marihuana riba 23 di mei 2015.
08.30	C.J.C.	C. ta wordo acusa pa posesion di marihuana riba 23 di mei 2015.
08.30	C.R.C.	C. ta wordo acusa pa posesion di marihuana y cocaina riba 23 di mei 2015.
08.30	J.H.	H. ta wordo acusa pa posesion di un cuchiu riba caminda publico 24 di mei 2015
08.30	J.C.d.I.R.	D.I.R. ta wordo acusa pa posesion di cocaina riba 23 di mei 2015.
08.30	J.P.	P. ta wordo acusa pa posesion di marihuana riba 23 di mei 2015

Dama a resulta herida den un accidente

PALM BEACH - Algo pasa di 8'or di anochi a sosode un accidente otro banda di caminda na Solemare Restaurant na Palm Beach.

Un Mitsubishi Outlander blanco numera A-32081 bayendo direccion pabou y un Toyota Rav4 color cora A-28566 cu tambe tabata bayendo den mes un direccion no a paga tino y a dal tras di e Outlander blanco. E dama di e Rav4 a fractura su pia y a dal su cabes.

Patruxa di Noord a presenta na e sitio pa asina tuma tur informacion di e suceso y a pidi presencia di ambulance. Paramediconan a duna asistencia medico na e victima y despues a transporte pa hospital.



Accidente cu basta daño material



WASHINGTON - Algo despues di 6'or di atardi a pasa un accidente na Washington, net dilanti di Conar.

Na yegada di patruxa nan a bin topa cu un Nissan Versa color cora A-21302 y polis a wordo informa cu e chauffeur no a paga tino cu tabata tin un Nissan Almera A-24750 color di oro cu tabata bayendo direccion nort. Esaki tabata tin como resultado un accidente.

Daño material ta basta grandi. No tabata tin herido.



Homber bebi a cay kap cabes



ORANJESTAD - Tabata algo pasa di 9'or di anochi cu patruxa di Playa a wordo manda na Scopetstraat.

Na yegada di patruxa nan a bin topa cu e recidivista di fam Willems benta abou banda di un palo di luz. El a cay y a kap su cabes. Polis a bay atende cu e victima y a bin nota cu e ta bou di influencia di alcohol.

Polis a pidi asistencia di ambulance. Na yegada di ambu-



lance paramediconan a duna asistencia medico na Willems y despues a hib'e su cas.

FREE BODY SCULPTING ADVICE

Are you ready for an unforgettable summer vacation ?

TUMESCENT LIPOSUCTION IS A SAFE TECHNIQUE TO PERMANENTLY REMOVE UNWANTED EXCESS FAT DEPOSITS AND CREATE WITH OR WITHOUT FAT TRANSFER A MORE ATTRACTIVE BODY CONTOUR.



BEFORE



AFTER

Power Assisted Liposuction (PAL) the most advanced technology for bodysculpting & **Kuma Body Shape II**, a non-surgical technique for bodyshaping and cellulite removal

ALSO AVAILABLE.

Call **Kokonasi** for confidential evaluation

Tel: (297) 583 - 5993

Harold Narain M.D., F.A.C.O.G.

Cumana 92, Oranjestad, Aruba.

www.kokonasi.com

RIJLES

STUDIANTE
20% OFF
DISCOUNT

5943263 / 5826732 **HERMUS**
Rijschool NV.
www.hermusrijsschoolnv.com
SIVIDI 1-C Oranjestad ARUBA

Protesta na Boneiro ta haya sosten di Corsou y Statia

KRALENDIJK – Un solo skerpi cu un krans rond di dje ta sali riba Boneiro durante e protesta: Nunca Aubert Wiels no a mira algo asina y e ta impresionado. E ruman homber di e politico asesina Helmin Wiels dialuna merdia ta na Boneiro pa sostene James Finies y su lucha contra Hulanda.

Finies y su partidistanan di Nos Ke Boneiro Bek tur dialuna merdia ta protesta dilanti di e edificio di Rijksdienst Caribisch Nederland. E biaha aki el a haya sosten di su co luchadonan di Corsou y Statia Aubert Wiels, Clyde van Putten y Charles Woodley.

65 Porshento di pueblo Boneriano no ta di acuerdo cu e manera cu actualmente ta checuta e laso directo cu Hulanda. Pero segun Finies



ta manera Den Haag no ta tende esaki. Wiels ta di acuerdo cun'e: "Ta Hulanda ta pone regla aki. Esey no ta bon. Boneiro mester ta liber mescos cu Corsou. Ta ruman nos ta. Nos mester sostene otro".

Trinta di mei
E siman aki e manifestacion a

cay riba 30 di mei. Riba e dia ey 47 aña pasa tabatin disturbio na Corsou despues di weganan di trahadonan di Shell, bou di direccion di Wilson 'Papa' Godett. Un parti di centro di Punda y Otrobanda a kima y a cay dos morto. Ta pa e motibo aki tambe cu politiconan Boneriano tin mie-

do di disturbio.

Gezaghebber suplente Evelina Betancourt-Anthony den un carta habri ta apela pa no copia asuntonan di pasado, sino pa busca dialogo. "Den e intercambio di pensamiento nos ta haya e caminda pa alcanza tur loke nos ke, conta cu esaki ta productivo y den interes di un y tur", el a laga sa.

Algun polis tabata supervisa e manifestantenan cu a acudi na cantidadnan grandi. Nan ta hopi mas cu riba e dialuna nan anterior, pero na final ta un borch grandi cu e lema 'Papa Godett, we'll never forget' ta conmemora 30 di mei.

Referendum

Bou di e bresmentonan, banda di Aubert Wiels, tabatin e politiconan di Statia Clyde van Putten y Charles Woodley di e partido di gobi-

erno Progresivo Labour Party (PLP). Mescos cu na december na Boneiro, Sint Eustatius na 2014 cu un referendum a sondea opinion di pueblo tocante e estructura estatal actual. A sali cu na Statia tambe e malcontento bou di pueblo ta grandi.

"Actualmente ta pio cu bou di Antia Hulandes", Van Putten ta bisa. Mi a caba di core pasa den Kralendijk y tabata manera ta den un pueblo Hulandes mi tabata core. Loke a sobra ainda di Boneiro mester keda pa Bonerianonan".

Cooperacion Van Putten no ke pa riba su isla nombra Hulandes mas den posesion importante. "PLP y Nos Ke Boneiro Bek di Finies awor lo traha hunto", Van Putten ta bisa. "No ta un lucha facil, pero nos ta determinando pa lucha pa libertad di nos pueblo".

IPKO ta habri cu dialogo tocante cambio di clima



DEN HAAG – E apertura di e Deliberacion Interparlamentario di Reino (IPKO) awe pa un gran parti tabata trata di cambio di clima. Pa promebiaha e topico aki tabata riba agenda durante e deliberacion anual entre parlamentario di e cuater paisnan di Reino.

Aruba tin e ambicionnan di mas grandi: nan ke traha energia 100 porshento CO2 neutral na 2020.

Segun e miembro di parlamento René Herdê (Aruba) ta puramente un necesidad. "Aumento di un par di centimeter (di superficie di lama, PH) ya caba ta un menasa directo pa nos economia turistico", Herdê ta bisa. "Nos ta importa mas cu 350 miyon

florin pa aña na energia. Esey ta di mas."

Maneho di energia

Segun Glenn Sulvaran (Corsou) area Caribense ta masha adecua pa tene of haci estudionan piloto tocante generacion di formanan nobo di energia duradero. Pero Corsou ainda no a stipula un maneho di energia; Aruba y Sint Maarten si.

Sulvaran ke pa tur delegacion insisti cerca nan gobierno pa determina un strategia y registra esaki den un documento basico.

Ta e intencion pa cada pais scoge un mandatario cu ta responsabel pa e metanan di clima di e pais concerni. Ainda e partidonan no sa con despues mester sincronisa esaki atrobe riba nivel di Reino.

Diputado Hellburg-Makaai:

A entrega permit di construccion pa EuroParcs por cuminsa construi Resort Bonaire

KRALENDIJK - Dentro di poco e compania Hulandes Europeo EuroParcs lo cuminsa cu construccion di un proyecto hotelero bou di e nomber Resort Bonaire.

Recientemente representantenan di e compania mencionada a haci un bishita cerca diputado Sra. Rolanda Hellburg-Makaai den cua nan a duna un presentacion di un proyecto pa construi un hotel aki na Boneiro. E hotel aki lo tin e nomber Resort Bonaire.

EuroParcs ta un empresa cu ya pa algun tempo caba ta establece na Hulanda, Apeldoorn pa ta exacto y ta doño di ocho 'resort' den varios parti na Hulanda. EuroParcs a mustra interes pa construi e asina yama casnan recreativo, unda por acomoda turistanan



aki na Boneiro y a cuminsa cu e tramitenan pa concretisa esaki.

E proyecto aki ta Costa alrededor di binti (20) miyon euro cu lo keda financia totalmente pa EuroParcs. Basa riba sondeonan haci, ta calcula cu e proyecto aki lo por atrae mas of menos setenta

mil turista pa aña riba nos isla. Esaki sigur lo ta un inyeccion enorme den economia di Boneiro.

Di acuerdo cu diputado Sra. Hellburg-Makaai, esaki lo crea cuponan di trabou pa nos hendenan local, teniendo na cuenta cu e compania a duna di conoce cu ta mas tanto hende local lo forma parti di e proyecto den su totalidad.

Na final di e presentacion, diputado Sra. Rolanda Hellburg-Makaai a desea e grupo di inversionista tur clase di exito y a duna di conoce cu gobierno di Boneiro ta sostene e iniciativa totalmente. Mas despues diputado mes a entrega e permit di construccion.

Cu esaki EuroParcs ta cla pa cuminsa cu construccion di Resort Bonaire.



Minister Eugene Rhuggenaath:

A lansa awe e website di Transnational Education (TNE)

KRALENDIJK - E lansa-mento a tuma luga den un esfera ameno memey di tur e invitadonan cu ta representa e diferente institutonan, studiantenan, ministerionan y departamentonan di Gobierno.

Ministerio di Desaroyo Economico tin como tarea importante pa desaroya crecemento Economico duradero. E maneho di Transnational Education (TNE) a wordo aproba na aña 2011 pa Consejo di Minister y ta den su fase di implementacion. E maneho di TNE lo conduci pa atrae mas inversion for di exterior y esaki lo trece un crecemento di nos economia. Tambe e maneho lo contribui na e desaroyo di e economia di conocemento.

E meta principal di e proyecto di TNE ta pa atrae institutonan for di exterior cu ke bin establece nan mes aki nan. E

institutonan aki lo atrae na nan turno studiantenan for di den exterior. E sector di TNE ta birando un sector hopi lucrativo cu ta genera hopi divisa.

E estudiante lo por trece nan famianan y amistadnan na Corsou y esaki lo beneficia e sector di turismo (spin-off). Anual tin 300-400 estudiante na Corsou cu ta haci uzo di e oportunidad di bay studia den exterior y esaki ta ocasiona na su turno "brain drain". E "brain drain" aki ta wordo mitiga pa atrae institutonan cu ta bini akinan e.o. den forma di un "dependance of branch campus" y cu lo atrae estudiante for di den exterior y tambe lo brinda oportunidad na estudiante nan local pa sigui un estudio na Corsou ("brain gain").

Aparte di e beneficiacion economico tin tambe esunnan social manera vivienda y bida

social bou di e studiantenan. Mayoria estudiante ta biba y move den nos centro di ciudad y esaki lo trece mas bida den nos centro di ciudad. Di e forma aki centro di Ciudad lo transforma Corsou den un economia mas vibrando. Cu lansa-mento di e website TNE e peticion di e institutonan lo wordo centralisa cual ta pone cu e proceso di aplicacion lo bay cana mas lihe. Tambe e website ta duna tur informacion importante na e institutonan y studiantenan potencial cu ke bini aki na Corsou. E intencion ta pa riba termino cortico promove e website aki via di media nan social manera entre otro, mobile apps, Twitter y Facebook.

A lanta un comision di TNE cu representantenan di e diferente ministerionan di Gobierno cu lo atende e diferente aplicacionnan riba tereno economico, social, salubridad y fiscal na un manera mas acelera. □

Control riba barconan di fruta



WILLEMSTAD - Team di Duana di Punda a tene un control pisa riba barconan di fruta na Sha Kapriles-kade. A pone tur capitán y tripulante para na banda y duaneronan a controla tur barco di forma riguroso. Tambe Duana a controla barconan na "Grote

Werf".

Un biaha mas a bolbe confiscar varios carton di sigaria ilegal, pildernan cu no mag drenta Corsou y varios articulo mas. Tambe Duana y Emigracion a detene algun persona cu no tabata dispone di nan documentonan na ordo. □

WE HAVE **GREAT DEALS** ACROSS THE RANGE

SAVE BIG ON YOUR FAVORITE SUZUKI!



SUZUKI

Way of Life!



2016 VITARA | AWG 47,000



2016 Ciaz | AWG 37,500



Ultimate Automobiles
Address: Sabana Blanco 35, Oranjestad, Aruba
Opening Hours: Mon-Fri 9am-12pm 1:30pm-5:30pm / Sat 9am-1pm
Tel: (+297)583-9800 • Fax: (+297)583-9660
E-mail: info@ultimatearuba.com
www.suzukicaribbean.com • facebook.com/SuzukiAruba



SAVE WITH SUZUKI

Audrey Croes-Lacle:

Comercio pa medio di aumento di" online shopping "y benta ilegal di producto ta perdiendo entrada

ORANJESTAD - Recientemente a tuma luga un presentacion ofreci pa Minister di Husticia, mr. Drs. Arthur Dowers y Cuerpo Policial pa cual a invita un grupo grandi di partnernan. E presentacion a inclui entre otro un discusion amplio encuanto di cifranan di criminalidad, estadistica di solucion di crimen, y puntonan di interes comun cu ta toca e cartera di husticia y e trabao general di Cuerpo Policial.

Audrey Croes-Lacle, anteriormente e Presidente di MAMBO y fundado di "Adopt-An-Addict", a splica cu su interes ta un parti pa cu e fundacion, pero tambe ta keda e hecho cu e ta activo den comercio y tabata hopi interesa den e informacion relaciona na negoshinan en general y e area di Caya Grandi.

Frecuentemente, aunke e ta referi un parti di e yamada nan pa e organizacion nobo, ainda e ta ricibi hopi yamada encuanto di e situacion di centro di ciudad di Oranjestad.

Audrey Croes-Lacle a comparti e opinion cu e otro partnernan cu e tipo di reunionnan aki ta importante, y por a mira cu tin cierto duda di parti di partnernan den cierto



numbernan y diferencianan entre numbernan y tabata un oportunidad excelente pa discuti e puntonan aki y haya contesta riba preguntanan di biaha. El a agrega cu e explicacion tabata relativamente bon.

E tendencia di 2016 a cambia comparando cu e otro añanan, y esaki ta algo preocupante, Audrey Croes-Lacle a expresa. E ta di opinion cu mas cu nunca antes accionnan di "Community Watch" ta bira mas importante, no solamente den cada bario, pero pa comercio tambe. Hende mester ta mas cauteloso cu antes, el a

subraya. Ta sinti si cu den e area di hotel e problematica ta resalta mas. E turista hoben cu ta bin Aruba y ta busca pa cumpra droga, cual tin tambe su consecuencianan, ta entre e factornan cu ta aumenta e preocupacion, el a agrega.

Audrey Croes-Lacle a menciona e discusion encuanto di medionan social, unda cu "mal noticia" naturalmente ta plama mas lihe cu e cosnan bon. Ta keda "feed" hende cu cosnan negativo, y ta crea e percepcion cu tur cos ta malo, pero ta interesante pa compara Aruba cu otro destinacion manera Bermuda – di cual hopi hende ta kere cu e

isla ta safe, pero e realidad ta otro, incluyendo cifranan di mortalidad cu tin su rais den criminalidad ta hopi halto. Ta informacion cu kisas ta sorprendente, pero e ta bon pa comparti como cu asina cada persona ta haya mas interes den haci su mesun investigacion, segun e comerciante.

El a comenta cu autoridadnan berdad a logra kita lotenan grandi di droga for di caya, pero droga y adiccion ta un asunto cu comunidad mes tambe mester traha riba dje. "Mi ta kere cu enseñansa ta e cos cu por haci nos mundo y nos pueblo cambia...Educacion ta e ciencia tras di un comunidad saludabel," Croes-Lacle a subraya.

Den su trabao cu Adopt-An-Addict, e ta topa cu hopi dropout, y mayornan cu ta acerca e fundacion pasobra nan ta luchando cu e asunto aki cu nan yiunan. Ta un hecho cu e adicto cu ta den rehabilitacion mester di e confiansa di comunidad pa por resocialisa su mes, pero tin retonan cu por ehempel personanan cu ta keda psicotico y no por hiba nan traha unda cu ta, no den cas di hende y tampoco den negoshi, Croes-Lacle a splica. Ademá tin e situacion real di un recesion economico mundial, y un aumento den online shopping den mercado na Aruba; pues comercio ta den un "deep jam".

Un punto di atencion inte-

resante menciona pa e comerciante, ta e benta ilegal di producto y servicionan di parti di Venezolanonan bishitando nos isla. No solamente e personanan ta bin Aruba y bende productonan, pero tambe nan ta bin pa keda pa algun luna pa por ehempel cuida hende grandi na cas of ofrece otro servicio cual usualmente ta wordo ofreci door di personanan local.

E conclusion ta cu no solamente comercio pa medio di aumento di online shopping y benta ilegal di producto ta perdiendo entrada, pero e persona local ta perdiendo cuponan di trabao tambe, Audrey Croes-Lacle a conclui. Comercio di mes ta wak su situacion; y actualmente no ta den e posicion pa tuma mucho riesgo pa tuma cu alquier hende na trabao. No solamente negoshinan ta cerrando, pero ademá nan tin menos empleado, y no por tuma un ex adicto na trabao unda cu nan mester ta constantemente supervisando nan manera personal di siguridad of polis.

Adopt-An-Addict tin 13 persona den rehab na Moko 28, unda cu nan ta pasando den nan proceso di resocializacion, Audrey Croes-Lacle ta splica. E fundacion ta yudando nan haya trabao cu no ta envolver mercancia of placa, manera haci cura limpi. □

AHATA :

Contento cu 25 agente policial lo a bay riba caya pa asina yuda aumenta visibilidad

ORANJESTAD - Aruba Hotel and Tourism Association (AHATA) ta mira solamente beneficio den nan reunionnan regular cu Cuerpo Policial.

E asociacion a reuni apenas dos siman pasa cu Minister di Husticia tambe y despues mas recientemente a participa na un reunion cu un grupo mas grandi di partnernan, unda cu Minister Arthur Dowers y Cuerpo Policial a presenta e ultimo estadisticonan di criminalidad y solucion di crimen, y a discuti un cantidad di punto mas encuanto di criminalidad na Aruba en general.

CEO di AHATA Jim Hepple a laga sa despues di e reunion cu participantenan a aprecia masha cu Minister Dowers y comisario di polis ta compartiendo informacion cu e partnernan. E reunionnan regular entre autoridadnan cu AHATA ta, ademá, hopi util y aprecia, segun e gerente.

"Semper ta util pa tin un impresion di locual ta tumando luga den nos comunidad," Hepple a agrega. Tabata hopi bon pa ricibi e biaha aki tambe un splicacion di e teoria basico cu tin tras di e forma cu e plannan ta wordo hinca den otro. Hepple a splica cu durante di e reunionnan cu Cuerpo Policial nan ta discuti

topiconan cu ta concerni tanto e bishitante como e residente di Aruba. Un topico cu no a wordo menciona e biaha aki, pero ta birando mas importante ta cu un tercer parti di bishitantenan no ta scoge pa keda den un hotel of timeshare mas, pero ta huur casnan priva rond Aruba. E bishitantenan ta keda den tur skina di Aruba, y esaki sigur tambe ta contribui na cambia e forma cu e trabao di polis ta keda realisa.

Tanto e Minister como e Comisario a subraya e responsabilidad di cada persona den nos comunidad pa ta involvi y comprometi cu basicamente "ta e miho ciu-

dadano cu e por ta", y asina contribui na siguridad na Aruba, Hepple a comenta. El a bisa cu a atende retonan cu Aruba ta confronta, incluyendo esunnan relaciona na e problemanan na Venezuela, cual ta wordo hopi discuti y pa cual Polis y husticia en general a laga sa cu tin plannan di contingencia caba pa eventual situacionnan cu por presenta. Esaki ta promove un sentimento di tranquilidad, como cu ta esencial pa tin planificacion pa cu kico por, mester y lo pasa.

AHATA ta contento cu e manera con Polis ta reacciona riba nan preocupacionnan, y



tin un relacion estrecho cu, particularmente e departamento di Noord y esun di Oranjestad, Jim Hepple a bisa, añadiendo cu nan ta hopi contento cu 25 agente policial na augustus lo a bay riba caya pa asina yuda aumenta visibilidad. □

Fundacion Hende Muhe den Dificultad a haya un auto nobo for di Garage Centraal Aruba

ORANJESTAD – Ayera **Garage Centraal Aruba** tabatin e privilegio di por a haci un tremendo donacion na **Fundacion Hende Muhe den Dificultad**, den forma di un **Hyundai Grand i10 nobo**.

Como parti di e comunidad Arubano, **Garage Centraal Aruba** ta reconoce e problema presente den nos comunidad relaciona cu maltrato di hende muhe y e consecuen-

cianan cu esaki ta trece pa nos comunidad. Esaki ta un problema cu no solamente ta afecta e hende muhe, pero su yiunan tambe.

Ta asina cu e **Fundacion** tabata buscando un auto confiable pa cumpli cu funcionnan crucial pa nan funcion y ora nan a acerca **Garage Centraal Aruba** inicialmente nan a pidi pa un descuento. Gerencia di **Garage Centraal Aruba** a reconoce e importancia di

e labor crucial cu e auto aki lo cumpli cun'e y e decision a wordo tuma di ofrece e **Hyundai Grand i10** nobo na e fundacion sin ningun costo pa nan.

Fundacion Hende Muhe den Dificultad lo haci uzo di e auto aki pa pasa busca esunnan cu mester ayudo di e fundacion aki, sea pasobra nan tin cu bay busca conseho legal of pasobra nan ta bou riesgo inminente di wordo maltrata.

Nan ta wordo hiba unda cu nan mester, manera centro di cuida medico unda nan por deal cu nan herida. Y hopi biaha e damanan aki ta compaña pa nan yiunan, cual tambe lo mester wordo transporta algun caminda, manera nan scol.



Esaki no ta e prome biaha cu **Garage Centraal** a haci un donacion asina. Cantidad di otro institucionnan, for di **Donkey Sanctuary** te cu **Atelier 89 of SV Estrella** a yega di haya autonan di **Garage Centraal Aruba**. Y esey ta banda di donacionnan den efectivo of infraestructura haci na

fundacionnan manera **Casa Cuna**, **Imeldahof of Clown Doctors**. Gerencia di **Garage Centraal Aruba** ta reconoce e papel cu tur compania por cumpli pa facilita e labor importante di esunnan cu ta traha duro, hopi biaha cu poco recursonan, na beneficio di nos pais. □

Seminar pa e secreto pa maximalisa bo digestion



ORANJESTAD - Riba **7 di juni** **Dokter Nicholas Kelly** di **Barbados** lo bishita **Aruba** pa splica e importancia di **digestion y metabolismo** pa nos salud durante un **seminario** sumamente interesante den **Hyatt Regency ballroom**.

Na aña 1999, dokter Kelly a habri e prome tienda di **Nature's Discount**. E tiendanan su popularidad a expande rapidamente cu 18 tienda na 10 diferente isla den Caribe.

Durante e proceso aki, dokter Kelly a studia **Naturopatia** na **Trinity College of Natural Health** y a gana varios cualificacionnan importante na otro scolnan, incluyendo diferente nivelnan den medicina Natural manera "Certified Natural Health Practitioner".

Na aña 2000, dokter Kelly a cuminsa cu "E Centro di Medicina Natural" combi-

nando den un forma unico remedinan tradicional y natural bao di un solo dak.

Dokter Kelly lo splica durante e charla e aspectonan importante di nos digestion y con esaki por afecta nos salud. Tambe e ta splica cu tur loke nos ta come ta wordo absorba den nos sistema y p'esey ta importante pa come saludabel pa nos sistema por absorba e nutricionnan necesario. Manera Dokter Kelly ta enfatisa "we are what we eat".

Nos mester cuminsa bira mas critico y pone mas atencion na loke nos ta come y procesa den nos sistema digestivo. P'esey mes, durante e charla, aki Dokter Kelly lo splica con y kico nos mester come pa por ta mas saludabel.

Entrada ta unicamente 12 florin y 16 cen y ticket lo ta obtenibel na tur e tiendanan di **Nature's Discount**. E seminar lo ta na **Hyatt Regency ballroom** riba 7 di juni. □

Pa nos mundo y pa

ABO



Celebrando RBC Blue Water Day

Awa ta un di e recursonan mas precioso na mundo, fundamental pa bida riba nos planeta. Awor, mas cu nunca, proteha un parti asina vital di nos existencia ta un responsabilidad cu nos tin no solamente pa nos, pero tambe pe proximo generacionnan. Laga nos tur haci nos parti – **RBC** y **ABO** – pa conserva e recurso esencial aki cu ta **AWA**.

The **RBC Blue Water Project™** cu a wordo lansa na 2007, ta un compromiso di caridad global di **\$50 miyon Canades** pa yuda provee acceso na awa limpi pa landa, bebe y pisca, pa awe y futuro generacionnan.

Haya sa mas con pa crea un futuro cu awa limpi na rbc.com/bluewater

It's All About You



RBC
Blue Water
Project™

Aruba Softball Bond:

Campeonato ta wordo dedica Minguel Tromp y Emelina Loopstok Koolman

ORANJESTAD- Campeonato HEINEKEN di Aruba Softball Bond ta inicia diabierna awor 3 di Juni y ta wordo dedica na dos baluarte Sr. Minguel Victor Tromp nasi 29 September 1943 y Sra. Emelina Loopstok Koolman.

Awe nos ta presenta e curriculum vitae di Sr. Minguel Tromp miho conoci como Coach Minguel. Minguel ta felizmente casa cu Filomena Tromp Hernandez di cual matrimonio a florece 2 yiu esta Susanne y Emmazira. Minguel un welo orguyoso di su nietonan Emmazira Kelly y Yanuel Kelly. Minguel a inicia haciendo deporte na school Frère Gerardus y den bario di Ponton hunto cu famia y bisña. Minguel como deportista a hunga Futbol, Baseball, Volleyball y Pingpong

Futbol:

Durante aña 1955-1972 a hunga futbol cu diferente ekipo entre otro RCA Jrs, Tropical y RCA. Na 1972 a retira como miembro di AVB hungando den division di honor pa RCA.

Softball:

Minguel su pasion sin embargo a resulta di ta e deporte di softball. Na 1960 pa prome biaha Minguel a hunga bou di maneho di Miguel Barrera(q.e.p.d) na veld di Madiki awe conoci como veld di River Plate.

Na 1962 Minguel a hunga su prome wega internacional cu e ekipo Huventud Christian na veld di Caribe vs un ekipo di Maracaibo. Na 1963 Minguel ta bira miembro di Aruba Softball Bond cu Santa Fe S.T. kende despues a bira Pieter Schoen y mas despues Sibonne y ta cuminsa melita den campeonato.

Na 1965 Minguel ta representa Aruba den seleccion na St Croix hungando den campeonato Centro Americano y Del Caribe. Aki Minguel a cera conoci cu e pitcheo windmill Fast Pitch y a haya e amor pa specialisa su mes den e parti aki. Determina pa bira un di e miho pitchernan di fast pitch di Aruba Minguel a lanta propio organisacion di softball "Mosaico Sta Elena" cu ayudo di Ripoldo Croes.

Desde 1967 pa 1977 riba invitacion di Ildo Cabo Quijote Minguel a bira miembro di Casa Haime como



pitcher di fast pitch e tempo aya bou maneho di Pantin Guerrero(q.e.p.d). Cu excepcion di aña 1973 Minguel a picha tur wega pa Casa Haime Ballantine incluyendo play-off.

Den e span di 10 aña aki Casa Haime a konkista 8 titulo di campeon y 5 di nan den forma consecutivo y hasta un di nan invicto. Minguel Tromp tin titulo di Champion pitcher na 1967 hungando pa ekipo di Edilio Martinus (q.e.p.d) na Lago Sport Park. Dia 29 di September 1968 Minguel ta pone riba su record su prome victoria internacional pitchando pa Asociacion di Umpire bou maneho di Pantin Geurrero (q.e.p.d).

Minguel Tromp a forma parti di seleccion tanto como hungado y Coach: Na 1968 cu Antillas Centro Americano y a 1970 cu seleccion di Aruba vs Curaçao. Na 1970 tambe a biaha pa Curaçao cu seleccion di Antillas hungando un Centro Americano y Del Caribe.

Na 1973 a melita den seleccion di Antias hungando Juegos Pan Americano y na 1976 a hunga cu Antias Juegos Centro Americano na Mexico. Na 1977 Minguel a retira pero despues di motivacion di Ramon Sharpe el a regresa na 1979 adkiriendo un pitcheo nobo esta e famoso "knuckle ball". A join Mansur Softball Club den B Klas y a titula campeon, a subi pa A-Klas y ta titula campeon subiendo AA titulado sub campeon perdiendo contra Casa Haime.

Minguel ta konkista Champion pitcher den B Klas y

A Klas lansando un no hit no run na 1981 y un perfect game 5 di februari 1981. Na aña 1986 pa 1990 Minguel ta regresa cas esta Casa Haime Ballantine titulado campeon na 1986 ganando Warawara Joeys den final ganando tur 4 wega di e best out of 7. Na 1990 den e ultimo aña cu Minguel a tira den campeonato oficial di Aruba Softball Bond despues di 28 aña ta retira cu un record e aña ey di 3-1.

1973 - 2007; Ademá di a participa den campeonatonan di ASB, Minguel tabata miembro/ hungado di White Label Sluggers (awe Bambino Florsheim) y den epoca di fastpitch windmill, hunto cu Pedro (Shon Papa de Windt) tabata gana mayoria di we-

ganan. White Label Sluggers a hunga varios weganan internacional, tanto na Aruba como den exterior y mayoria di e weganan cu Minguel picha a termina como pitcher ganando. Minguel Tromp, como pitcher modified tabata miembro / hungador di ACI, Kibaima SBT, Ponton Stars, Muebleria Tu Hogar, Sonesta Resorts, Tropical Bottling Co., Balashi Co., Boogaloo, Botica Central y White Label Sluggers (Bambino Forsheim)

Na December di aña 2007 despues di 48 aña den uniform di softball, Minguel Tromp ta colga su glove y sapatonan di bala y ta retira oficialmente como hungado. Minguel como Coach tambe tin un historia masha am-

plio representando Aruba na multiple ocasion konkistando masha hopi titulo. Aruba Bank Lady Tigers ta un ehempel di exito tras di exito di Coach Minguel cu un cantidad di titulo di campeon y sub campeon den ultimo añanan. Na un otro ocasion lo amplia historia di Minguel Tromp como coach.

Aruba Softball Bond ta gradici Minguel pa su amor pasion y dedicacion na e deporte di softball y ta sigur cu esaki lo ta muestra y ehemplo cu lo sirbi como motivacion y inspiracion pa nos talentonan na caminda. Campeonato Heineken 2016 di Aruba Softball Bond merecidamente lo wordo dedica na honor di Minguel Victor Tromp. □

Copa Noord:

College USA lo enfrenta Aruba Bank Lady Tigers

MONSERAT - Diadomingo awor 5 di Juni cuminsando desde 10am weganan di Copa Noord lo continua drentando su di 5 siman riba veld di Monserat na Noord. Bad Boys e organisadonan di 2016 tin un bunita torneo cual ta canando hopi smooth.

Cuminsando pa 10am Royal Power lo enfrenta Montanja Braves, 1130am Boegoeroei vs Tanki Leendert Giants, 1pm Mariners vs Redskins, 230pm Calabas Blue Jays vs Super Plus y finalmente pa 4pm un ekipo femenino di USA esta College USA kendenan ta na Aruba lo midi forsa vs Aruba Bank Lady Tigers campeon 2015 di Aruba den un wega di fast pitch pa pone un showdown den curason di Noord durante Copa Noord 2016 cerando e atardi di 5 di juni.

Ambiente ta den man di DJ Alvin All the Way



mientras bar y cushina ta bon surti manera Bad Boys so por. Productonan di Tropical Bottling manera Chill, Coca Cola y Powerade ta bon friu pa kita e cansancio ora mester. Pueblo di Aruba ta keda cordialmente invita pa bishita veld di Monserat diadomingo awor unda e ambiente total di distrito di Noord ta bay ta enfocando su mes. Copa Noord drentando luna di juni ta bay ta as hot cu nunca. No laga nan conta bo. Wak pa bo t'ey. □

Resultado di atletanan den Try-Out di hisamento di peso

ORANJESTAD - Diasabra 29 di mei 2016, Aruba Amateur Weightlifting Association a tene nan try-out di hisamento di peso. Esaki ta pa test e atletanan si tin progreso den nan entrenamiento.

E competencia aki a tuma lugar den Theo Bareño Gym den Compleho Deportivo Frans Figaroa na Noord.

Den e try-out aki tin atletanan cu a participa pa prome biaha y tambe varios di e atletanan a logra kibra nan propio record personal. Tambe nos por a mira atletanan cu tin talento y den futuro lo representa Aruba den competencianan den exterior.

Aki ta sigui e resultadonan den categoria di femenino y masculino. Den categoria fe-

menino di 58kg Candy Croes ta snatch 40kg, clean & jerk 53kg y total di 93kg. Den categoria 63kg Astrid Blank ta hisa pa prome biaha ta logra den snatch 30kg, clean & jerk 35kg pa un total di 65kg.

Den e categoria 69kg tabata tin 4 hisado, Rachella Thiel ta snatch 40kg, clean & jerk 53kg pa un total di 93kg, Shaendeem Dijkhoff den mesun categoria ta snatch 30kg, clean & jerk 40kg pa un total di 70kg, Nicole Dijkhoff ta logra snatch 20kg, clean & jerk 33kg pa un total di 55kg, Nicole tambe ta kibra su record personal cu 12kg y Penka Koolman ta snatch 20kg, clean & jerk 30kg pa un total di 50kg. Den categoria 75kg tabata tin dos hisado aki Maria-Isabel Croes ta snatch 40kg, clean & jerk 55kg pa un total 95kg cu e total aki

Maria-Isabel ta kibra su record personal cu 9kg y Marcela Benavides ta logra snatch 33kg, clean & jerk 45 pa un total di 78kg. Den categoria di mas cu 75kg Briggite Valencia ta snatch 30kg, clean & jerk 53kg pa un total di 83kg.

Den categoria 56kg masculino youth, Jeremi Dijkhoff ta participa pa prome biaha ta logra den snatch 18kg, clean & jerk 27kg pa un total di 45kg. Den categoria 62kg Zymion Loopstok ta snatch 60kg, clean & jerk 85kg y total 145kg.

Den categoria di 85kg tabata tin tres hisado aki James Polanco ta logra snatch 115kg, clean & jerk 150kg pa un total di 265kg, Americo Thijzen ta snatch 85kg, clean & jerk 110kg y total di 195kg cu esaki Americo ta logra di kibra

su record personal cu 5kg y den mes un categoria Santiago Bueno ta snatch 70kg, clean & jerk 90kg pa un total di 160kg.

Den categoria di 94kg tabata tin dos hisado, Carlyle Martinus ta logra snatch 90kg, clean & jerk 115kg pa un total di 205kg cu esaki Carlyle ta logra kibra su record personal cu 17kg y Virgil Lisper cu tambe ta bin prome biaha den accion ta logra den su hisadanan den snatch 80kg, clean & jerk 110kg pa un total di 190kg.

Den master categoria di 105kg tabata tin dos hisado, Edsel Vos ta snatch 80kg, clean & jerk 100kg pa un total di 180kg y Derrol Pietersz ta snatch 70kg, clean & jerk 100kg pa un total 170kg y cu

e total aki Derrol ta kibra su record personal cu 11kg, por ultimo den categoria di mas cu 105kg Joel Kuiperi cu a logra gana medaya di Brons den e Campeonato Panamericano Hubenil na Cartagena den luna di mei tambe a participa y ta logra den snatch 130kg, clean & jerk 155kg pa un total di 285kg.

Aruba Amateur Weightlifting Association kier a manda palabra di pabien na tur e atletanan cu a logra kibra nan record personal y na esun nan cu ta participa pa prome biaha den e try-out aki y ta gradici Muscles & Lungs Crossfitt, A297 Crossfit y TNT Gym pa nan participacion, trainernan y tambe tur e boluntarionan cu a yuda den e try-out aki. Riba e potretnan por wak e atletanan den accion. □

Subway ta presenta premiere di 'Finding Dory' dia 18 di juni

ORANJESTAD - Subway un biaha mas ta introduci un campaña emocionante pa esunnan mas chikito di cas. Diasabra 18 di juni proximo, tur mucha lo tin oportunidad pa presencia e Subway Movie Premiere di e pelicula tan anticipa 'Finding Dory' cu ta di dos parti di e tan popular 'Finding Nemo.'

For di awe 2 di juni 2016 cu cada compra di un Kids Meal na cualkier di nos tiendanan Subway, bo ta bin na remarca pa cumpra un entrada pa e Subway Premiere Event di 'Finding Dory' pa solamente 5 florin.

Aña pasa Subway a haci un campaña similar cu tabata un exito rotundo y entradanan a bay manera pan cayente. Pa medio di e campananan aki, Subway ta duna bek na comunidad pagando e diferencia di e prijs regular pa un entrada na Cinemas. Mayor nan por spaar hopi cu e oportunidad aki.

P'esey mes, probecta di e campaña excepcional aki mientras cu bo ta cumpra un Kids Meal pa bo yiu cu ta bin acompaña pa un gadget masha great mes di e pelicula di momento Finding Dory! Tin 6 di e gadgetnan aki pues sigur lo algo pa

e mucha lo bay gusta sigur y lo kier colecciona. Bo yiu ta come saludabel, e ta haya un gadget super great di Disney su pelicula "Finding Dory" y fuera di esey, e tin chens pa atende e evento di Subway pa solamente 5 florin. Kico mas bo por pidi pe? Probecha awe mes!

Si como mayor bo ta desea di compañía bo yiu na e Subway Movie Premiere, Subway ta haci esey facil y atractivo pa bo. Djis cumpra bo combo di pan, salada, flatbread of wrap den combinacion cu un Kids Meal y asina bo tambe ta haya bo entrada pa e premiere di 'Finding Dory' pa unicamente 5 florin.

Subway ta bay tin 4 funcion special di e pelicula riba diasabra 18 di juni. Si bo ta desea di bay den grupo, wak bon e orario di bo funcion riba bo ticket. E promocion aki ta valido y disponibel na cualkier di nos 7 localidad na Subway CuraCabay, Subway Santa Cruz, Subway Paradera, Subway Palm Beach, Subway Alhambra, Subway Seaport y Subway Dakota. Probecha paso e cantidad di entrada ta limita!

Keda altanto di tur e promocionnan di Subway atravez di nos facebook page: SUBWAY ARUBA. Corda cu cualkier momento ta perfecto pa malcria bo mes! □

ONLY: \$5.99 P.P.

Diasabra 18 di juni 2016
The Cinemas, Paseo Herencia

CUMpra CUALKIER COMBO COMBINA CU UN KIDS' PAK Y RICIBI BO TICKET PA E 'RED CARPET EVENT DI DISNEY-PIXARS' FINDING DORY MOVIE PRESENTA PA SUBWAY PA SOLAMENTE AFL 5.99 P.P.

Subway fresh fit for kids

WHILE SUPPLIES LAST.

Cura Cabai - Dakota - Santa Cruz
Paradera - Seaport - Alhambra - Palm Beach

Inscripcion ta habri pa “Tropic Alé Youth Soccer Camp 2016”

ORANJESTAD - Despues cu na juli 2015 a organisa e grandioso camp di futbol pa muchanan di 6 pa 12 aña, e aña aki un bes mas e coachnan a bini hunto pa asina brinda muchanan e oportunidad di sea siña hunga futbol of mehora nan tecnica.

Cu sosten di Compra NV cu su producto di calidad Tropic Alé, Malta Balashi, Sport Caribe y Aruba Legends Soccer Academy e prome siman di vakantie grandi, 11 pa 15 di juli den Centro Deportivo Guillermo Prospero Trinidad, muchanan di 6 pa 12 aña lo por practica futbol den un dushi ambiente, sano, sigur y bou guia di coachnan certifica pa KNVB/FIFA.

Inscripcion ta habri diasabra awo 4 di juni 5or pa 7or di atardi na Hamaka Sidewalk Cafe. Pa solamente Awg 175,00 e mucha lo ricibi cinco dia di camp, set completo uniform, evaluacion, medaya, algo pa refresca y fruta. Orario di camp mes ta 9:00 am pa 2:00 pm.

Ta pidi tur interesado pa yega Hamaka diasabra awo

pasobra cuponan ta limita, pa asina por mantene nivel y calidad di e camp.

Aña pasa a yega e maximo di



cupo den apenas algun dia. Duna e mucha oportunidad

di gosa su vakantie, haci deporte y biba saludabel. □



Copa Noord:

Royal Power ta tumba sub campeon di Copa ABC 1-0

CALBAS- Diadomingo ultimo Copa Noord a continua riba veld di Calabas.

Un torneo modifica hopi popular na Aruba cual sigur ta cosecha su exito



aña tras di aña.

Diadomingo sinembargo tabata tin diferente wega pero un wega interesante ta e wega entre Royal Power un ekipo hopi rehobenese kendenan mester a midi forza contra un ekipo trabuco esta Redskins kendenan a logra nan prome titulo di Campeon Copa Noord den historia na 2015 y ta defendiendo esaki den 2016 pero alabes a caba di regresa di Corsou cu un titulo di Sub Campeon di Copa ABC y ta te cu diadomingo ultimo nan tabata invicto.

Royal Power un ekipo di un trayectorio hopi largo cu multiple titulo di campeon den entre otro Copa Noord y ta un ekipo cu a rehobenese hopi ultimo añanan a wordo un poco balota. Arjen Mathilda a inicia pa Redskins mien-

tras cu Royal Power a benta su unico cabay bieu cu a keda den candela esta Alvaro Barrios. Mester bisa cu ambos pitcher a lansa un tremendo partido mientras e ofensivo di Royal Power a tuma mas riesgo hungando mas hit and run y dado momento Jomark Flanegin ta Sali di robo pa segunda catcher Jair Thompson ta zwaai e bala den center unda Jomark inteligente ta pasa un pasa drelando safe di cabes na tercera.

Kenny Hart kende ten a e momento nan ey ta batiendo 7 y 6 den Copa Noord ta conecta un line drive pa Center y asina ta empua Jomark riba un pisa y core pa home cual por cierto ta resulta e unico careda pa gana e wega. Redskins a purba bons bek den bom di 5 inning momento cu Ruiz ta habri cu

doblete pero e toro di cura Alvaro Barrios ta preta brasa siguiente un strategia cual tabata parti di e plan desde inicio di e wega pa retira e otro batiadonan a paso de conga y ta cera e inning cabando asina cu tur speransa.

Finalmente mester bisa cu tabata un tremendo partido pa fanaticada por a gosa di dje comiendo huña cada rato mirando bunita accionnan riba tereno. Royal Power 1 careda, 4 hit 0 eror. Redskins 0 careda, 3 hit, 1 eror. Pa Royal Power a destaca na bate Dayson Croes 2-1, Luis Pelayo 1-1, Jomark Flanegin 2-1 y Jimmy Tromp 3-1. Pa Redskins Derward Ruiz a bay 3-2 y Jair Thompson di 3-1. Diadomingo awor cuminando pa 10 am Copa Noord 2016 ta continua riba veld di Monserat. □

CLASIFICADO

en cooperashon cu **ARUBAdeal.com**
One happy marketplace



Pone clasificado den e secshon aki?
Bai riba www.arubadeal.com/pap/user/login
Completamente gratis!

Bo kier wak e portret? Bai riba Arubadeal.com y jena e 'Quick code'.

Auto & Acesoio

Ta bende un Chevrolet Equinox (2008) den bon condicion Yama 5970178 | Afl. 23000.00 | Quick Code: 018477 |

BYD F-3 2012 blanco tinted sunroof airco 52mil y pico km cori . interesado por yama na 5933401 | Bendi | Tel. 5933401 | Quick Code: 018468 |

Ta bender un trailer pa carga sushi | Afl. 2650.00 | Tel. 7447854 | Quick Code: 014035 |

Equus 3160 Innova, Live Data Scanner pa troubleshoot auto nan desde 1996. | Afl. 525.00 | Tel. 7447854 | Quick Code: 018986 |

Mucha

Stroller | Afl. 30.00 | Tel. 5616062 | Quick Code: 011808 |

Stroller pa baby. 70 florin | Bon calidad. | Afl. 70.00 | Tel. 5616062 | Quick Code: 011807 |

Wega di baby | Afl. 25.00 | Tel. 5616062 | Quick Code: 011811 |

Brommer pa baby cu musica y luz | Afl. 100.00 | Tel. 5616062 | Quick Code: 019300 |

box pa baby hopi bon condicion | Ganga | Tel. 5601261 | Quick Code: 019215 |

Anuncio & Aviso

Les di Ingles, Papiamento y Spaño | | Ganga | Tel. 6000543 | Quick Code: 019351 |

Mi tin un directv di Colombia 200 canal, | Ganga | Tel. 5684748 | Quick Code: 018419 |

Paña & Moda

Nike nobo | Bende tenis nike nobo ganga | Afl. 100.00 | Tel. 7454191 | Quick Code: 018518 |

Cas & Decoracion

Diferente fans cu luz mi tin 7 | Afl. 25.00 | Tel. 5616062 | Quick Code: 019299 | Reki pa buki y otro uso |

Afl. 25.00 | Tel. 5616062 | Quick Code: 019298 |

Mi tin mas cu 100 glas bloki diferente style 3guil-ders pa cada un | Afl. 3.00 | Tel. 5616062 | Quick Code: 019301 |

Cashi cu 3 lachi | Afl. 25.00 | Tel. 5616062 | Quick Code: 019297 |

Ta bende un kitchen cabinet di puro palo | Ta bende un Kitchen Cabinet di puro palo, yama na 600-54-10 | Afl. 2000.00 | Quick Code: 019286 |

Sofa :Hancho: 3 pia Largo: seccion 1 ; 2 pia 45. Seccion 3; 4 pia 45. Seccion memey: 4 pia 3. Lazy chair: Hancho: 2 pia 6 Largo: 4 pia 9 |

Afl. 500.00 | Tel. 5933518 | Quick Code: 019246 |

Residencia

Ta huur 1 camber den apartamento COMPARTI | Bario Solito-Oranjestad-Inclui Awa,Gas y Cable y Wi-Fi sin Airco, Coriente exclui,Pa un Persona Afl.350,00 (Cabayero), Ta consisti sin mueble. cushina, sala y baño comparti (Mester ta Legal cu trabou contract pa luna NO DEPOSIT) CEL 5634459 | Afl. 350.00 | Tel. 5634459 | Quick Code: 016789 |

Computer & Telecomunicacion

Diferente wega di game boy | Afl. 50.00 | Tel. 7373343 | Quick Code: 019252 |

Candelario A. S. D. - Booshi - Wever (UPP):

Mas problema na horizonte den e proyecto di renobacion/expansion di hospital?

ORANJESTAD - Di un fuente fidedigno, UPP a bin comprende cu a surgi problema grandi den e top di hospital, e minister y su muchanan manda Gino Goeloe y Edwin Tromp pa loke ta toca e proyecto di renobacion/expansion di nos hospital.

No ta un secreto cu desde un comienso UPP a bin ta denuncia e forma con a tuma e decision pa otorga e proyecto biyonario aki na un compania cu un track record cuestionabel, y cu envolvimento directo di e compania di arkitecto corrupto Bermello. Tambe UPP a denuncia e rol di SOGA/AIB, principalmente e forma di procede di Sr. Frensel Giel y John Hodgson, entorno e proyecto aki.

E inicio di combersacionnan entorno e estado di e edificio di HOH ta data for di tempo cu mi persona tabata encarga cu salubridad.

Sr. Frensel Giel (AIB) e tempo ey a traha un rapport na unda a desconsheha construccion di e hospital na e sitio actual y a sugeri construccion di un hospital completamente nobo mas den centro di nos

Isla. Gobierno a cambia na 2009, y igualmente e consejo di Sr. Giel tambe, pasobra diripiente SI su persona no a mira mas inconveniencia pa construccion y renobacion di hospital na e sitio actual.

E diferencia sinembargo tabata e prijs.

Mientras cu Sr. Giel a calcula esaki na alrededor di 217 milyon florin pa un hospital completamente nobo y cu ekiponan nobo y tur esaki incluyendo PAAZ, awor aki e la bira casi un biyon florin, y ainda falta, y esaki SIN cu tur ekipo ta nobo, y sin cu PAAZ tabata forma parti di e renobacion.

Ta kico a pasa? Aki e proverbio: "Money talks, walks"? ta conta??

E siguiente combersacion pa construccion/renobacion di e edificio actual a cuminsa casi 5 aña pasa y construccion a start mas di un aña pasa.

E proyecto - contrario na loke ta tumando luga na Corsou na unda si ta cuestiona e forma con e construccion ta tumando luga y ta exige transparencia - aki na Aruba e gobierno no ta perde ningun oportunidad pa gaba con



e proyecto ta progresa, pero no ta muestra ningun clase di transparencia pa loke ta toca e problemanan manera e sala di operacion y otro problemanan cu nos a bin ta señala for di basta tempo caba, na unda Bermello ta esun cu ta haci y ta deshaci, y ningun hende ta pare. E lo tin tur hende culpa pa keda keto?

Awor aki nos a wordo informa cu tin problema serio entre e minister, su dos muchanan manda den Raad van Toezicht y e Comision di Construcccion di hospital cu ta cay bou di encargo di e director financiero di hospital. Nos no a ricibi ainda e detaye di e conflicto, pero loke

ta remarcabel, ta cu despues di tanto aña ta surgi un problema entre e partnernan importante di e proyecto aki. Of ta nan ta e unico cu ta trata di cuestiona e forma con Bermello ta funcionando?

Y aki en bes cu minister mira cu ta e bienestar di Aruba e Comision di Construcccion ta purba di sirbi, e minister aki ta contra nan y ta exige di nan pa no mete mas den e proyecto aki. Dicon? Ta mas "meerwerk" mester bin??

UPP ta urgi tur esnan envolvi pa exige claridad y transparencia, pasobra ya caba Aruba a wordo perhudica pa e suma

cu e hospital aki lo bay costa, sin cu a tene cuenta cu e "extranan" cu posiblemente e arkitecto lo kier bay impone riba gobierno.

UPP no tin confianza ni den e minister, ni den e checutivonan di AIB, ni den SOGA, y sigur no den e Infrateam, ni tampoco den e dos muchanan manda di e minister.

Nan lo mester bay carga e consecuencia di nan envolvimento den e proyecto aki cu tin tur ingredientenan pa ser considera como un proyecto corrupto, mescos cu e proyecto di Racetrack, na unda tin varios politico activo tabata envolvi cu te hasta a traiciona nos Pais testiguando na favor di Bermello, djis pa faborece Bermello.

Ta p'esey partidonan politico ta kedando keto asina? Nan tambe debe Bermello??

Ta p'esey UPP ta exige un investigacion profundo riba e proyecto aki.

Unda sindicatonan ta keda? Ta placa di boso miembronan ta coriendo peliger.

Na varios ocasion UPP a pidi pa e sindicatonan reacciona, pero envano. Ainda no ta laat. □

Elton Lioe-A-Tjam (ABO):

Poniendo educacion tambe na rudia, pa un 'IT-Centrum'

ORANJESTAD - Pueblo por ripara cu e campaña electoral a cuminsa. Gobierno a cuminsa anuncia y inicia varios proyectonan miyonario pa susha wowo di pueblo. Semper e mesun rutina y semper e mesun cantaleta. Durante e prome tres añanan di gobernacion, e interes di e partido na mando (y esunnan liga na dje) ta wordo sirbi. Mientras den e añan prome cu eleccion, campaña ta wordo haci cu placa di pueblo cu proyectonan miyonario, cu tampoco ta na bienestar di pueblo pero atrobe ta sirbi solo e interes di e partido (y esunnan liga na dje). Ultimo añanan varios campaña a wordo gana uzando placa di pueblo, pa despues di eleccion legalisa esaki den parlamento, manera e partido a logra haya un mayoría. Esaki ta un echo contra ley y castigabel, pero ningun musca ta tribi di denuncia esaki y tampoco ministerio publico kier investiga esaki.

Hopi biaha bo ta tende 'argumentacion/hustificacion' hopi dom pa hustifica proyectonan miyonario cu no tin sentido ni prioridad, Pero pueblo ta acepta esaki pasobra 'un mandatario cu vision' a bis'e y cu e ta muestra 'bunita'. Pa no lubida e 'bo ta wak unda bo placa ta bay'. Cu pueblo por mira algun adorno y decoracion, esey no kiermen cu pueblo a 'wak unda su placa a bay'.

Tur e proyectonan aki, nunca tabata presupuesta, tur ta 'over-budgeted' y ningun ta representa e balor/costo real. Y a pesar cu mundialmente e ta conoci cu den proyectonan di infraestructura semper tin hopi corrupcion, aki na Aruba esaki ta wordo acepta como normal.

Un otro 'argumentacion/hustificacion' hopi uza, ta esun di 'pa hopi añan no a wordo inverti den infraestructura y den edificionan'. P'esey miyones mester wordo inverti awor. Pregunta: Ken a goberna Aruba durante e periodo cu 'no a wordo inverti'? Pues, ken ta esun culpabel di e deterioro structural? Exacto, e mesun personanan cu ta grita awendia cu nada a wordo haci pa 'añanan largo'.

Awor cu placa a caba, pero e campaña tradicional di susha wowo di pueblo cu proyecto ta sinonimo cu 'bon gobernacion' tin cu sigui, ata e minister di Enseñansa tambe a descubri e instrumento dudoso di Private Public Partnership (PPP). Parce cu e minister tampoco kier realisa cu e forma di financiamiento aki, no ta na beneficio pa pueblo, cu asina parlamento no tin casi ningun control financiero pa 25-30 añan, cu e forma di financiamiento aki ta pone mas debe riba e futuro generacionnan y cu recientemente e gremionan a pidi pa investiga tur PPP-proyecto cu a wordo implementa e ultimo añanan aki na Aruba.

E 'argumentacion/hustifica-

cion' di e minister cu '84 edificio cu ta wordo uza pa scol, mayoría ta entre 40 pa 60 añan bieu y nunca a ricibi un renobacion amplio' (Bon Dia, 30 Mei 2016), ta muestra claramente con diferente gobierno intencionalmente no a haci nan trabou y a crea e situacion deplorable aki, pa tin awe e 'excus politico' valido pa fia miyones. Durante 7 añan largo, gobierno tabata mas ocupa di bende pueblo cu verfmiento, pone aircu y awendia 'solar panels', tabata 'inversion' den enseñansa. Cu cada añan e nivel di educacion tabata bahando, cu salarionan miyonario tabata wordo paga na diferente rectornan na Colegio of cu ainda ta esunnan di Colegio ta dicidi ken ta drenta Colegio y ken no, esaki no tabata importante pa e mandatario. E minister di Enseñansa tabata mas ocupa cu sacamento di potret banda di scolnan cu ta tuma 100 añan pa wordo renoba, mientras miyones tabata wordo paga pa huur otro edificionan pa ubica e scol mientrastanto. Awor den un añan electoral, e minister di Enseñansa a 'descubri' cu '70% di e 84 edificionan mester di un renobacion grandi' y p'esey e ta 'studiando' e plannan cu ta 'inclui tambe sistema di alarma y instalacion di camara pa tur scol, cual ta wordo monitor for di un centro nobo cu lo bira e IT Centrum pa tur na Aruba', cu lo costa entre 250-300 miyon florin (Bon Dia, 30 Mei 2016).

Unda nos a wak y tende algo parecido anteriormente?



Ah si, algun ehempel: e dos proyectonan di camaranan di seguridad banda di hotelnan (uno di hopi añan pasa y uno mas recien). E proyecto di camara banda di e luznan di trafico. E IT proyecto miyonario di e departamento di impuesto cu no tin un fin di termina of tampoco cu ta funciona. Pero keto bay miyones ta wordo paga na 'consultants' y tur hende ta keda keto, incluso parlamento. Tambe e 'argumentacion/hustificacion' di e minister di Enseñansa cu: 'Un condicion clave lo ta cu e PPP lo solamente cubri gastonan relaciona cu e inversion, pero no lo cambia ken ta e doño di e edificio', tambe ta un locura y un forma di manipula y mal informa pueblo. E minister di Infraestructura tambe a uza

e 'argumentacion/hustificacion' aki ora e la 'YUK' pueblo un debe adicional di casi 1.6 biyon florin pa su cabay di campaña 'Camindanan Scur'. Interesante pa tende e opinion di su colega, e minister di Husticia (ex-mandatario di Enseñansa) y di e presidente di Parlamentario (tambe un ex-mandatario di Enseñansa) riba e asunto cu 70% di e edificionan ta den un mal estado, p'esey awor tin cu privatisa enseñansa pa haya un 'IT-Centrum' pa vigila studentenan.

Tristo pa mira cu atrobe nada a wordo siña di e pasado y keto bay e enfasis ta wordo poni riba show, populismo y decoracion pa probecho politico, en bes di riba e mucha y su educador. □

Evelyn Wever-Croes (MEP):

Banco Central ta pidi cautela cu e tema di 'all inclusive'

ORANJESTAD - Parlamentarionan di MEP ta reuniendo den ultimo simannan cu varios instituto riba desaroyo economico den nos pais.

Diamars ultimo, lider di MEP sra Evelyn Wever-Croes y parlamentarionan Sra. Xiomara Ruiz-Maduro, sr. Dangui Oduber y sr. Guillfred Besaril a reuni

cu ehecutivonan di Banco Central riba diferente topico.

E topico di financia publico a haya hopi atencion, specialmente desde cu Banco Central a publica un deficit financiero pa 2015, cual tabata dobel di e cifra cu gobierno a duna CAFT.

Banco Central a muestra kico por ta e diferencianan, pero a indica cu ainda tin un investigacion andando pa haya sa mas sigur kico e diferencianan ta. Echo ta si cu e diferencia mas grandi ta sinta den e decisionnan cu gobierno na fin di añan cu mester a wordo

haci lihe. Locual ta mas lamentabel ta cu minister Bermudez, en bes di duna claridad, a scoge pa desacredita Banco Central.

Un otro tema cu a wordo discuti tabata e tema di 'all inclusive'. Mirando e forma con minister Otmar Oduber a cuminsa un guerra den prensa contra e hotelnan, fraccion di MEP a cuminsa e caminda di dialogo y ta busca forma pa yega na un solucion.

Un di e puntonan crucial y mas problematico den e ley di 'all inclusive' manera cu minister Otmar Oduber a manda

Parlamento, ta e echo cu no tin un investigacion haci na Aruba riba 'all inclusive'.

"Nos ta satisfecho di tende cu Banco Central ta trahando riba esey y nos ta kere cu e investigacion ey lo yuda sigur den un solucion.

Nos tur ta di acuerdo cu nos no kier mas 'all inclusive' na Aruba, pero nos tur ta di acuerdo tambe cu e ley manera cu e ta awor, no ta e forma con pa haci'e.

Nos reunion cu Banco Central a bay hopi bon y nos ta gradici ehecutivonan di Banco pa e informacion brinda", segun lider di MEP. □



Elton Lioe-A-Tjam (ABO):

‘Que hubo’ si wordo inverti den e estudiante, en bes di un ‘IT-monitor Centrum’?

ORANJESTAD - Cu pueblo mester tin respet pa un gobernante, esey ta obvio, logico y necesario pa e sociedad funciona bon. Pero igual ta conta cu e gobernante tin cu ta serio, integro y capaz pa sirbi e sociedad su interes y no su propio interes. E no por ta cu e gobernante conscientemente ta keda sin haci su trabou, pa asina debilita structural e funcionamiento di e sociedad cu despues uza e debilitacion intencional como un argumento pa hinca e pueblo den mas debe. Esaki ta un acto di mala fe y contra tur bon etica. Tampoco ta berdad cu pueblo tin cu acepta tur locual e gobernante ta bisa, como e berdad pasobra e ta e autoridad maximo. Mayoría biahá, e gobernante no tin un formación of algun conocimiento di e materia y pa haci’e mas pio, tampoco e gobernante kier scucha opinionnan di profesionan cu si tin e conocimiento den e materia.

E no ta un secreto publico cu cada aña e nivel di nos educación ta bahando. Y en bes cu algo structural wordo haci pa solución e decadencia aki, gobierno semper ta bin cu mil y un comisión pa ‘studia’ e situación atrobe y asina laga pueblo kere cu atención ta wordo duna na e problemática. Tristo si pa mira cu cada biahá pueblo ta acepta esaki. Ta kisas pasobra cu e gobernante ‘todo poderoso’ a bin cu e idea di un comisión, mientras cu en realidad nada ta wordo solución? Tur aña e mesun problemanan y tur aña y mesun ‘solucionnan’.

Pues ta difícil pa no pensa si esaki no ta wordo haci intencionalmente, pa asina cada generación e pueblo bira mas bobo y dependiente di e clase político tradicional. Un pueblo cu un nivel di educación abou, no por discuti sano y tampoco riba topico. Un pueblo cu un nivel di educación abou, semper lo tuma decisionnan basa riba emocionnan y no riba lógica.

Un pueblo cu un nivel di educación abou, semper lo keda dependiente di otro hende (kisas stranheronan) y nunca lo ta liber pa pensa y yuda su mes.

Den e contexto aki, ta unda algun político tradicional ta abusa. Algun aña pasa, dos campaña miyonario a wordo ehecuta pa regala muchanan di scol, un computer (Si, mi sa cu hopi hende y politiconan tradicional a lubida riba esaki). Gobierno a bende esaki manera e salbacion pa subi e nivel di educación.

En realidad e tabata un campaña político, uzando atrobe miyones di placa di pueblo pa gana un elección. Locual gobierno a lubida di splica pueblo cuanto miyones e dos campaña a costa pueblo y si realmente e nivel di educación a subi. Mientrastanto nos tur sa cu e nivel a keda baha, pero asina mes e politiconan tradicional a sigui bende pueblo cuanto miyones a wordo presupuesta pa educación sin bisa algo di e calidad.



Awor e mandatario actual di Enseñansa, kier bende pueblo e idea cu un ‘IT-Centrum’ central cu lo monitor scolnan cu camara, lo ta parti di e solución pa modernisa nos sistema educacional (Bon Dia, 30 di mei 2016). Despues cu a bende pueblo añanan largo cu verfmento y pone airoco tabata ‘inverti’ den enseñansa, awor un ‘IT-Centrum’ pa monitor e scolnan a bira e inversión ‘salbabida’ pa solución e problemanan den enseñansa.

Pa nos di partido ABO, esaki ta nada cu un otro campaña electoral populista pa privilegia un otro compañía liga cu

hopi miyones. Un proyecto asina no tin prioridad y tampoco e lo yuda subi e nivel di educación.

‘Que hubo’, si e mandatario corda cu e estudiante ta esun central? ‘Que hubo’, si e mandatario corda cu mester inverti den e educadornan en bes di proyectonan miyonario cu no tin prioridad?

‘Que hubo’, si e mandatario pone e interes general na prome luga en bes di su propio interes personal? Ki día mandatarionan lo pone e ser humano central en bes di placa y campaña político? □

Minister Alex Schwengle:

MFA ta un proyecto den pueblo, pa pueblo y caminda hendenan di pueblo ta traha

ORANJESTAD - Mes-cos cu hopi habitante di e bario di Savaneta, Minister di Salud Publico, Cuido di nos Grandinan y Deporte, minister Alex Schwengle tabata presente na develo di borchí y inicio di construcción di MFA. Ademas di expresa cu e ta hopi contento di

wak cu Savaneta ta cuminsa haya e atención cu e merece, Minister Schwengle ya ta cuminsa pensa di ki manera e tambe por aporta na e servicio y posibilidad pa e bario traves di e **Facilidad Multifuncional (MFA)**.

“Como Minister di Deporte

mi lo zorg pa bin cu apar-tonan deportivo pa e MFA. Nos mester bay regla esey ainda den curso di e aña aki pa otro aña,” a bisa splicando cu esaki no ta solamente na MFA di Savaneta, pero na Centro di Bario di Savaneta. Minister Schwengle a argumenta cu “mester bin un paso mi ta kere cu nos mester

sigui pusha pa nos pueblo cana mas y bay haci un tiki mas, no solamente pa nan peso, pero principalmente pa drecha nan condicionnan cardiovascular.”

Minister Dr. Schwengle ta elogia e vision di Prome Minister Mike Eman pa bin cu un facilidad multifuncional den cada distrito. “MFA ta un centro pa pueblo y mi ta encanta e concepto cu Mike Eman a bin cun’e unda cu bo ta pone un centro multifuncional den pueblo y pa pueblo y unda bo ta laga e hendenan di pueblo mes traha den cada MFA. Mi ta kere esey ta di balora.”

E ta felicita pueblo di Savaneta y ta kere cu lo ta un proyecto hopi bunita. Tambe a probecha pa pidi su conciudadanonan di e bario pa carga un poco pasenshi, pa motibo di e stof aworaki dor di e construcción, pero segun Minis-

ter Dr. Schwengle, esaki ta e dolornan cu bo ta pasa aden ora bo ta haci un trabou grandi asina. “Dios duna cu tur cos bay bon, pa otro aña e lo ta cla.”

Por ultimo el a gradici Minister President pa e proyecto, como e motor mas grandi cu ta pusha su creación, pero tambe a gradici e arquitecto Serge Ivar Thijsen, SOGA tur cu ta contribuyendo pa haci e proyecto aki un realidad. □



Evelyn Wever-Croes(MEP):

MEP ta para pa integridad den gobernacion

ORANJESTAD – Partido MEP desde mei 2014 a prepara un nota “INTEGRIDAD”. Integridad ta algo cu bo tin of bo no tin! Integridad ta ora bo ta haci lo corecto, te hasta ora ningun hende ta wak. Pa nos di MEP integridad ta crucial den gobernacion. Casonan manera Strawberry-gate, Laina-gate, Kico Gomez-gate, Bushiri-gate, Insure-To-Study-gate, Eva Maria-gate Rincon-gate y tur e negoshinan cu tereno a trece duda serio den integridad di gobernantenan di Aruba, no solamente cerca nos, sino tambe cerca politiconan den Reino. Mientras cu demas paisnan den Reino tin leyman pa garantisa integridad den gobernacion, Aruba ta e unico cu no tin esakinan. E plan di MEP pa crea un gobierno basa riba integridad ta basa riba algun proposicion concreto:

Ley di financiamiento di partidonan politico

Nos di MEP ya pa algun aña ta bogando pa bin cu e ley di financiamiento di partidonan politico, pa asina evita cu

placa di baho mundo ta wordo uza pa hiba campaña electoral. Si nos mira e ultimo campaña electoral nos sa cu ta hopi miyones a wordo hinca den campaña pa partido AVP, sin embargo ningun hende sa di unda tur e miyones nan ey a bin, en todo caso no di aki na Aruba mes. E cantidad di materialnan di campaña, e cantidad di fiesta y hasta carnaval cu a wordo organisa, tur ta lanta dudanan serio di e procedencia di e placa. Na otro paisnan den Reino esaki no ta posibel, y partidonan politico mester publica fondonan cu nan haya. Ta aki na Aruba so e fiesta ta continua.

Screenmento di ministernan

Otro areglo cu nos tin cu mehora ta e forma con ta screen politiconan. Si futuro ministernan mester a pasa e screenmento manera na Hulanda, lo e gabinete actual no ta consisti di e mesun hendenan. Hecho ta cu Gobernador no ta hunga un papel crucial mas den screenmento di gobernantenan, y esey mester cambia. Pasobra ta asina so nos por garantisa gobernantenan integro y evita tanto scandal den gobernacion.

Ombudsman

Otro ley cu mester bin cu urgencia ta esun di Ombudsman, pa asina tin un defensor di pueblo, pa garantisa integridad riba tur nivel. Un Ombudsman lo atende cu kehonan di ciudadanonan riba actuacion no integro di gobernantenan. E ley aki, acompaña pa uno di ‘klokenluidersregeling’, mester brinda proteccion na esnan cu ta denuncia corrupcion den gobierno.

Codigo di conducta

Tambe nos di MEP ta insisti pa bin cu un Codigo di Conducta pa minister y parlamentarionan pa asina evita cualkier impresion cu un minister ta paga fabornan politico na esnan cu a financia su campaña. Na Aruba nos a nota cu regularmente gobernantenan ta wordo menciona den escandalonan, un tras di otro, pa faborece amigonan. E casonan di Bushiri-gate, Strawberry-gate, seguro di estudiante Insure-To-Study y e fiesta di permiso, sin papia mes di negoshi cu tereno tur ta escandalonan, cu veredictonan di huesnan imparcial cu ta papia palabra cla: gober-



nantenan ta actua na forma irregular.

Esaki ta e plan di MEP cu nos a presenta na e reunionnan di IPKO varios biaha caba, pero cu lamentablemente no ta haya atencion na Aruba mes. Danki na e presion cu MEP ta eherce, tin poco movicion di parti di parlamentarionan di AVP, pero nada a concretisa ainda den ley. Nos lo bolbe subraya e necesidad grandi cu

tin na nos pais pa bin cu e ley y reglanan aki, y nos lo ilustra esaki a base di veredictonan di ultimo añanan, den cual huesnan imparcial a dicta cu e ministernan por wordo cuestiona den nan forma di tuma decision. Nos ta convenci cu e plan di MEP lo garantisa integridad den gobernacion bek, y lo libra nos pais di e escandalonan cu nos pais ta pasando aden. □

Prome Minister Mike Eman:

Contento y gradici na tur esnan involvi den futuro MFA Savaneta



ORANJESTAD – Enfoke di Minister President Mike Eman tabata mas riba e satisfaccion y oportunidadnan cu MFA ta representa pa e bario y tur esnan involvi, na momento cu a devela e borchi simbolizando inicio di construccion na Savaneta. El a felicita for di Minister Schwengle y miembronan di oficina di MFA, te na arkitekto, trahadonan di Hulpbestuurskantoor y naturalmente tur e habitantenan di Savaneta y bisindario. E di tres edificio multifuncional ta bay keda cla na mei 2017 y pa semper lo cambia positivamente e servicio publico cu henter e bario ta ricibi.

“Curason ta bati un tiki mas duro pa motibo cu e ta un yiu di Savaneta y e ta sinti cu esaki ta un proyecto cu sigur sigur lo yuda e servicio na Savaneta y e atencion pa nos ciudadanonan,” Premier Eman a bisa di su colega Schwengle momentonan despues cu e

ultimo aki tambe a hiba palabra na e acto di develo di e borchi.

Dirigiendo su mes na empleadonan di Hulpbestuurskantoor Savaneta, Prome Minister a bisa: “Pabien! Esaki ta bay bira boso cas nobo caminda tanto e acomodacion unda boso ta bay traha ta bay ta mas atractivo y tambe pa e clientenan cu ta bin, ta bay ta un facilidad cu ta duna e atencion cu e clientenan merece.”

Minister President Eman a duna un palabra di pabien na ir. Ivar Thijzen, tambe un yiu di Savaneta y yiu di Servito Thijzen, kende a diseña e bunita edificio. Dichosamente a resulta cu e contratista cu a gana e destaho publico pa construccion di e proyecto, tambe tin lasonan estrecho cu e bario di Savaneta. “Custom Constructors di Sr. Javier Larmonie. Nos ta hopi orguyoso cu ta un famia cu tambe ta hopi conecta cu Savaneta y esaki ta haci cu Savaneta ta hopi presente den e

proyecto.”

Prome Minister tin un ekipo cu e ta gradici consistiendo di Omar Harms, Sr. Paalman y otro miembronan di MFA cu ta trahando hopi duro pa e proyecto a bira un realidad. Esey ta inclui tambe Jamil Werleman, sin laga afo Anky Vrolijk kende a hunga un papel importante prome cu a asumi responsabilidad nobo den museonan di Aruba. “Hunto nos a pone schouder bou di e un vision pa crea un miho calidad di bida den nos barionan y awe nos ta para na otro inicio di esaki,” Premier Eman a comenta.

Finalmente, pero no menos importante, e mandatario a expresa su sincero pabien na pueblo di Savaneta y na Aruba henter pasobra e facilidadnan aki ta bay crea un espacio hopi comodo pa esnan cu ta busca servicio di Hulpbestuurskantoor, ademas di otro entidadnan. “Nos ta hopi orguyoso. Danki na tur esnan cu a traha riba dje. Aruba pabien, Savaneta pabien!” □

Dangui Oduber (MEP):

Pueblo ta puntra ki consecuencia tin pa loke a sosode den Parlamento

ORANJESTAD - E pregunta cu te dia di awe, un siman despues di e acto bergonsoso den parlamento ta, ki consecuencia e acto aki pa parlamentarionan envolvi?

Den casonan normal na momento cu un trahadonan ta agredi otro fisicamente na pia di trabou, e consecucionan ta, sea e trahado(nan) ta wordo geschors of ta wordo retira di biaha.

Siman pasa den parlamento a tuma luga un acto sumamente bergonsoso y en bes cu tin consecuencia pa e comportacion y acto aki ta parce mas bien cu AVP kier tur hende lubida e suceso y kier pa nan get away cu solamente un disculpa.

Pueblo ta exige di AVP pa tuma accion y no lo acepta un disculpa. Ta casi hilarico pa tende con minister De Meza kier pidi disculpa na pueblo pa algo cu parlamentarionan di AVP a haci. Unda e parlamentarionan di AVP mes a keda? Nos por a scucha varios declaracion di miembronan di AVP, uno mas brucha cu otro, pero echo ta cu tur a confirma cu golpi a cay den sala di parlamento.

Loke si nos ta lamenta profundamente ta cu fraccion di AVP, ni Mike Eman ni ningun minister di gabinete Mike Eman 2 a condena e hecho cu Sr. Dammers a pone man riba un hende muhe. Ningun di nan a bisa cu loke Sr. Dam-



mers a haci ta robes sino mas bien tur kier laba man y tira culpa riba tur 2. Cu e actitud aki partido AVP ta aproba violencia contra hende muhe y esaki ta algo di lamenta. Den ningun situacion, un hende homber mester mishi cu un dama. E no mester ni dal e, ni pusha y ni mishi cun'e. Den e caso lamentabel cu a sosode den parlamento tur testigo a

confirma cu tawata tin dalmento.

Parlamento di Aruba ta e organo di mas halto di nos pais y nos mester fungi como ehempel pa comunidad. Na momento cu algo asina bergonsoso ta sosode den sala di Parlamento y no tin consecuencia pa e comportacion aki, nos ta manda e señal robes pa comunidad. Hamas y nunca por ta business as usual den Parlamento. Mesos ta e caso ora cual kier otro trahado ta agredi otro na pia trabou tin consecuencia pe, mescos mester ta conta pa parlamentarionan.

Den e caso aki pueblo ta exige claridad y mester wordo informa kico ta e pasonan cu lo

wordo tuma contra esnan envolvi. Keda keto no ta un opcion. Pidi disculpa na pueblo no ta aceptabel. Partido AVP kier hustifica algo hopi grave y kier haci manera loke a sosode no ta nada grave sino mas bien un simpel incidente.

E no ta un simpel incidente pasobra aki ta trata di un pelea cu agresion fisico entre presidente di parlamento y vice president di parlamento. En todo caso, si AVP kier hinca e caso aki den "doofpot" fraccion di MEP sigur no lo haci esaki. Nos ta exige clarificacion pa nos y pa pueblo. No por ta asina cu partido AVP kier laba man y kier culpa tur 2 parlamentario y asina aprobando violencia contra hende muhe! □

Xiomara Maduro (MEP):

Minister Bermudez ta falta Banco Central respet den e asunto di diferencia di deficit pa 2015



ORANJESTAD - Ta tilda Banco Central di ta produci cifranan cu no tin un base legal niun meta comun. Te ainda no tin un claridad riba e diferencia entre e cifra di deficit presenta pa Gabinete Eman y e esun presenta pa Banco Central pa e mesun año.

Den cuadro di esaki nos a manda pregunta oficial pa Minister Bermudez pidiendo un splicacion. Banda di esaki nos a reuni cu Banco Central tambe pa scucha nan splicacion riba e diferencia grandi di e deficit di 2015 pa nos Pais. Locual a resalta di e contestanan di Minister Bermudez ta cu e mandatario ta falta Banco Central respet. Minister Bermudez ta tilda Banco Central di ta produci cifranan cu no tin base legal ni meta comun.

Gobierno y Banco Central ta keda mantene nan cifra

Minister Bermudez den su contesta na Parlamento ta keda insisti cu e cifranan di Gobierno ta esnan corecto y cu ta Banco Central ta esun cu mester splica ta dicon nan ta publica un deficit cu ta dobel mas grandi. Pa e motibo aki nos a reuni e siman aki tambe cu Banco Central na unda nos a haya un splicacion di e diferencia y na unda Banco Central a indica dicon nan ta keda mantene nan cifra di deficit na 201,7 miyon en bes di e deficit di 98,1 miyon cu Gobierno ta presenta. Banco Central a indica cu pronto nan lo bay publica un splicacion di e diferencia aki.

Falta di respet pa Banco Central


Remarcabel ta cu Minister Bermudez den su contesta

riba nos preguntanan oficial riba e diferencia di deficit pa 2015 ta falta Banco Central respet, bisando cu ta obvio cu e cifranan di Banco Central no tin base legal ni un meta comun. Un contesta asina di un Minister di Finanzas den

direccion di e Banco Central ta un falta di respet grandi. Pasobra tur tempo ta Banco Central su cifranan ta wordo uza pa instancianan internacional manera Standard & Poor's, Fitch, IMF, World Bank etc etc. E ta un bofta den cara di e profesionalnan di Banco Central si nan ta wordo tilda di ta produci cifra riba nos finanzas publico sin un base legal. Banda di esaki pa Minister Bermudez bisa cu cifranan di Banco Central no ta sirbi un meta comun, ta un falta di respet a un mas grandi, ya cu Banco Central su trabou ta pa percura pa nos florin no perde su balor y na nos opinion no tin un meta mas comun cu esey.

Tur cu ta cuestiona ta wordo desacredita

E diferencia grandi den cifra pa e deficit di 2015 ta prueba con Gabinete Eman keto bay ta keda haci triki cu nos finanzas publico. Ta hustamente e trikinan aki ta locual ta perhudica nos Pais y pone nos bou di e supervision financiero di CAFT. Mas lamentabel ta cu Minister Bermudez, kende ta e candidato favorito di AVP pa e funcion di Gobernador di nos Pais, ta presta su mes pa falta respet na un instituto asina importante manera e Banco Central di nos Pais. E ta un berguensa cu ta muestra Pueblo e modus operandi di e Gobierno aki. Nan kier desacredita tur cu ta cuestionnan, en bes di realisa cu nan ta haciendo cosnan robes cu mester wordo coregi pa asina no perhudica nos Pais. □



Bombero:

Cursistanan a ricibi diploma di curso “Comunicacion pa Operador ”



ORANJESTAD - Recientemente a tuma luga entregamento di diploma di e curso di “Comunicacion pa Operador”, cu a tuma luga na e facilidad di Brandweer situa na Tanki Flip.

Tur 19 participante na e curso aki a ricibi nan diploma. Comandante di Cuerpo di Bombero, Ing. Edward de Cuba a splica cu e curso no solamente ta haci e persona mas profesional, pero ta pensa riba otro topiconan ora cu ta papiando cu un hende, ora cu ta purbando di saca informacion di e persona otro banda di telefon. Ta spera cu por haci e trabao mas efectivo e momento eynan y hopi biha un tiki mas amical pe cliente, pa esun cu ta yamando.

E curso no ta bay especificamente pa e yamadanan,



pasobra ta duna e curso aki interno. Ta bay mas bien pa profesionalisa y amplia e conocimiento di e centralista cu e ta wak e momento eynan un

Tur e partinan ey a wordo combina hunto, pa haci'e un

tiki mas amplio. Comandante Ing. Edward de Cuba a splica cu ta purba cada biaha crece y bay dilanti. Ki innovacion cu tin, brand-



cu no ta simplemente atende un telefon cu ta yamada pa oficina. E ta un stap mas ariba e trabao di con pa atende cu e hende, pa compronde tambe kico pa haci y si e ta un yamada fuera di normal.

Laureen Eman ta docente di e curso di alarma central. Enseñansa pa Empleo a acerca su persona pa e curso, e prome paso tabata pa a reuni cu bombero. A mira nan oficina, observa un tiki kico nan ta



ta bira un tiki onsportief, te hasta bo por cuminsa insulta hende mientras nan ta haciendo nan trabao. Por ultimo Eman a enfatisa cu mas miho bo por duna informacion, mas miho bo por wordo yuda.

Cuerpo di Bombero Aruba ta existi desde aña 1976, como un departamento independiente. Prome cu esey e tabata parti di e trabounan di Polis. Awendia e ta conta cu 160 empleado, di cual



haci, scucha di nan mes kico e trabao ta encera y a base di esey a tuma mas o menos 2 pa 3 siman pa busca tur informacion pa por traha e curso na algo cu pa nan ta util. Tabatin 3 dama y 16 cabayero cu a participa den e curso specialmente pa Alarma Central. Hopi biaha ta bay un tiki den panico, ta lubida hopi cos, bo

112 ta traha activamente cu combatimento di candela. E empleadonan ta parti den 3 diferente post, situa na San Nicolas, na Aeropuerto y na Tanki Flip. Pa aña nan ta responde na mas o menos 1600 aviso, cu ta varia entre combatimento di candela, rescate, yudansa special y trabounan na aeropuerto. □



Central di Alarma di Brandweer ta haya hopi yamada pa dia. E ta varia di un yamada pa sa ken ta e dokter of botica na warda te na casonan hopi serio pa salba bida di hende.

tiki mas amplio cu su trabao so. Un persona cu ta yama ta duna su informacion, pero pa wak un tiki mas leu di unda e persona su preocupacion ta bin, kico por haci cun'e durante e yamada, pa calm'e.

weer kier tin'e eyden. Ta bon no solamente pa e trahado so, pero bon pa ora di atende e yamada y atende pueblo tambe. Ta bay un tiki mas leu pasobra ta traha den brandweer y por haya cierto yamadanan



Parlamentarionan a bishita e Centro di Siguridad Nacional di Cyber na den Haag



DEN HAAG, HULANDA- Durante e reunionan di IPKO e parlamentarionan di fraccion di AVP y e delegacionnan a haci un bishita na e Centro di Siguridad Nacional

di Cyber.

Aki a ser ricibi y a haya diferente presentacion di e director y directora suplente Sra. P. Zorko y Directorado General di Rechtspleging y Recht-



shandhaving tambe a duna un presentacion. Ademas tambe otro colaborado.

Segun Sra. Zorka ta di importancia cu paisnan ta habri pa trece siguridad ciberneti-

co en bista cu dia pa dia tin mas hackers den sistemanan. Companianan y clientenan di awendia ta exige siguridad y confianza. Den e centro ta ofrece e siguridad dor di investigacion pa preveni y drecha si tin peliger pa e sistema. Aki ta traha internacional y tambe cu proyectonan public-private.

importancia y hecho ta cu mirando e tipo di crimen nan aki ta aumentando tanto riba tereno di gambling, benta di droga, etc. ta necesario pa atende cu e tipo di crimen aki na un forma profesional.

Aunke ya caba nos tin cierto legislacion ta necesario cambianan den legislacion y tambe lo tin cu check ki



Ora ta trata crimen cibernetico ta importante cu tin expertonan cu por yuda cu-erpo policial investiga esaki pa yega na resultado. Cooperacion internacional ta di

tratadonan lo tin cu ser firma entre paisnan pa sosten y intercambio. Despues di e spli-cacionnan Parlamentarionan a haya un recorrido na e centro di crisis. □

B&P Interface Training: Curso “Supervision Profesional Avansa”

ORANJESTAD – Recientemente un 1 grupo di 13 participante for di e sector priva, a sigui e curso di B&P/ Interface Training and Consultancy tocante “Supervision Profesional Avansa”.

E obhetivo di e curso intensivo aki di 6 dia, tabata pa ad-kiri conocimiento importante di supervision y pa ricibi e herment nan necesario con pa supervisa trabao. Tambe pa siña con pa fortalece e efectividad di supervision pa asina crea un team coopera-

tivo cu ta produci na trabao.

Topico nan cu a wordo presenta durante e curso aki ta : Comunicacion Efectivo, Instrui y Coach di personal, Duna Guia efectivo y motiva bo personal, Resuelve Conflicto y Negocia Efectivo, Soluciona Problema y Tuma Decision Efectivo y Pone-mento di Meta. E curso tabata intensivo y practico na manera cu ora e cursista yega su trabou e por aplica loke e la siña mes ora. E curso a wordo presenta door di Sra. Drs. Ina Croes, Trainer Cer-

tifica den servicio di B&P/ Interface Aruba.

Esnan cu a gradua ta: Mario J. Becker, Winifrida Rasmijn, Franklin Tromp, Alexandra

Baptiste, Stefany Plaza, Jose R. Gonzalez Capellan, Jonathan Martinez, Enmanuel Antonio, Andre Geerman, Lionel J.T. Wever, Caron de Kort, Ruberdino Roos y An-

gella Farro. B & P Interface Aruba Training & Consultancy kier a extende un palabra di felicitacion na tur e gradua-donan y desea nan hopi exito den nan carera profesional. □



Orario nobo di Corte Cumun di Husticia

ORANJESTAD – Corte Comun di Husticia ta informa pueblo di Aruba di e orario nobo di su loket.

E loket ta habri pa publico desde 8’or di mainta te cu 12’or di merdia y di 1’or y mey di merdia te cu 4’or di atardi.

Desde 1 di juni 2016 e loket lo ta cera pa publico entre 12’or pa 1’or y mey merdia.



Paardenbaaistraat 10, Oranjestad, Aruba Tel.: (297)5257555

www.lottoaruba.com

Resultado di Sorteo 1 Juni 2016 Anochi

CATACHI
Sorteo # 5885
7798
3218
7427
BIG 4
Sorteo # 4929
6522
ZODIAC
Sorteo # 3688
1221
Virgo
KORSOU
Sorteo # 1376
1569
6834
6937

LOTTO 5	08-15-21-30-34
Sorteo # 1696	Joker 4 Letter G
0 x Jackpot	
0 x Match 4+	
3 x Match 4	
114 x Afl. 12,00	270.000,-

LOTTO DIA	04-05-09-15-19
Sorteo # 3717	Proximo Jackpot
0 x Jackpot	
6 x Match 4	
193 x Afl. 8,00	104.000,-

MEGA	
Sorteo #	Mega Ball
0 x Jackpot	Proximo Jackpot
0 x match 4	
0 x Afl. 500,00	
0 x Afl 50,00	
0 x Afl.15,00	250.000,-

MEGA PLUS	Afl. 100.000,-
------------------	-----------------------



Bo cadena di numbernan di suerte ta duna e number di awe

DIARIO

2390, 4326, 5090

SUPER 4

5146

SMARTPLAY 3693, 7531, 2149
DAILY 1356, 1043, 9045
FLAMINGO 7000, 4049, 8791



Paardenbaaistraat 10, Oranjestad, Aruba Tel.: (297)5257555

www.lottoaruba.com

Resultado di Sorteo 1 Juni 2016 Merdia

CATACHI
Sorteo # 1519
4572
9282
5209
BIG 4
Sorteo # 1519
5582
ZODIAC
Sorteo # 1519
2945
Libra
KORSOU
Sorteo #

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	260.000,-

LOTTO DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	99.000,-

MEGA	
Sorteo #	Mega Ball
0 x Jackpot	Proximo Jackpot
0 x match 4	
0 x Afl. 500,00	
0 x Afl 50,00	
0 x Afl.15,00	250.000,-

MEGA PLUS	Afl. 100.000,-
------------------	-----------------------



Aries

Problemanan di pasado ta keda supera. Explota bo encantonan personal y lo bo triunfa den tur loke bo propone realisa. Den e etapa posterior lo bo dal pasonan concreto. Number di suerte pa awe: 12, 21, 37 y 41.



Tauro

Un hende ta sinti su mes fuertemente atraí na bo. Algo cu tabata un ilusion lo bay converti den un realidad, incluso por bay tin compromisonan serio, matrimonio. Number di suerte pa awe: 3, 17, 45 y 56.



Geminis

Evita enfrentamento personal. No bay laga bo mes envolver of manipula pa otro hende, ya cu durante e dianan aki bo ta den un tono hopi sensibel. Number di suerte pa awe: 16, 28, 31 y 46.



Cancer

Lo yega un placa ora cu menos bo ta spera. E aura cu awo ta envolver bo ta hopi positivo. Si bo tabata tin duda riba bo bida amoroso, trankilo, awa ta recuperando su nivel. Number di suerte pa awe: 4, 14, 22 y 36.



Leo

Sali di cas. Amor y fortuna ta spera bo. Tin cierto asunto entre bo mannan cu tin hopi posibilidad di ta productivo si bo pone energia positivo cu bo sa pone den bo trabao. Number di suerte pa awe: 1, 32, 47 y 53.



Virgo

Lo habri dilanti di bo un ciclo di oportunidad. Si awo bo ta cambiando bo bida cu otro pareha y bo ta sinti bo mes, bo por causa problema si bo pone atencion na e situacion inespera ey. Number di suerte pa awe: 3, 22, 43 y 47.



Libra

No haci pura na momento di duna e "sí". Tin cambio cu ora nan yega den bo bida, ta causa cierto inestabilidad y miedo, pero den bo caso bo tin cu probecha manera un les. Number di suerte pa awe: 13, 23, 31 y 40.



Scorpio

Cambianan cu bo bay haci lo ta bal la pena. Si bo ta sinti bo mes envolver den un tono di tristesa of nostalgia na e momentonan aki lo a yega e ora di sacudi esey di bo bida. Number di suerte pa awe: 16, 24, 35 y 44.



Sagitario

Actua discreto. No lo bay tin problema. Bo dirigente ta demanda hopi sabiduria na momento di tuma decisionnan significativo. Actua cu disposicion y rapidez cu ta caracteriza bo. Number di suerte pa awe:



Capricornio

Lo bo bay topa cu un negoshi cu ta priminti hopi economicamente. Durante e dianan aki, prome cu bo ciclo di cumpleaños, lo bo nota transformacion fuerte rond di bo. Number di suerte pa awe: 3, 13, 20 y 38.



Aquario

Ta Luna Nobo. Un sentimento di amor ta invadi bo. Certo acontecimiento inespera lo forsa cambia e rumbo cu bo a propone pa e proximo fin di siman. Number di suerte pa awe: 8, 11, 29 y 36.



Pisces

Un biahe inespera lo causa hopi alegria. Un amigo por causa bo problemanan economico aunke cu e no ta haci'e di mal intencion. Mantene bo mes atento pa no cay den un situacion malo. Number di suerte pa awe: 18, 20, 37 y 51.

Rene Herde (AVP):

E debate riba e areglo di conflicto pa Reino a yega un punto crucial

DEN HAAG, HULANDA - Diahuebs 2 di juni ta discuti esaki cu parlamentarionan di Aruba, Corsou y Sint Maarten. “Ta desde 2010 nos ta discuti y traha pa yega na un areglo di conflicto pa Reino Hulandes.

E areglo aki mester percura pa ora tin un disputa of desacuerdo entre dos of mas pais di Reino, cu esaki no ta bira un pleito manera a sosode den pasado, pero cu mescos cu un corte ta laga huesnan dicidi ken tin rason. Na 2010 colega Juan David y ami a entrega un mocion den reunion di parlamento Hulandes. Den e mocion aki a bisa cu mester bin un areglo y a describi kico e meta di e areglo meste ta. Tambe a adopta un amienda di fraccion di MEP pa haci un



areglo algo cu mester crea.”

2016

Seis aña despues y hopi estudio, trabou y esfuerso, tin dos areglo den forma di con-

cepto di ley riba mesa. Uno di Minister Plasterk di Hulanda y uno di e parlamentonan di Aruba, Corsou y Sint Maarten. E pregunta ta kico ta bay sosode awor. Rene

Herde: “Awor e discusion y e trabou pa yega na un areglo di conflicto a yega un punto crucial.

No ta cuestion mas si ta bini un areglo. E pregunta ta con e areglo lo ta, con lihe ta bin cun’e y si e ta cuadra cu e criterionan cu e parlamentonan a aproba aña pasa. Aña pasa a bisa cu e areglo di conflicto mester wordo checuta door di un corte independiente, e mester duna veredictonan final y e mester atende cu diferencianan di opinion legal riba e Statuto di Reino.

E concepto di ley cu e parlamentonan di Aruba, Corsou y Sint Maarten a presenta ta cumpli completamente cu e criterionan cu a aproba aña pasa. E proposicion di minister Plasterk no ta cumpli cu e

exigencianan ey. E discusion ta awor anto, kico bo ta haci cu e concepto di ley cu no ta cumpli cu e exigencianan cu hunto nos a aproba. Mañan nos ta bay wak kico e delegacion di parlamento di Hulanda ta bay bisa. E tres parlamentonan di Aruba, Corsou y Sint Maarten ta para uni pa crea un areglo di conflicto manera nan a presenta, pasobra esey si ta cuadra cu e exigencianan cu a fiha.

Awor no tin caminda bek pa pospone of nenga un areglo di conflicto. Ta dilanti so nos por bay y crea un areglo cu ta preveni of soluciona conflicto den forma decisivo y imparcial. Nos ta optimista pa mañan y pa e areglo cu ta bay crea.” Asina Rene Herde a declara for di Den Haag, Hulanda. □

Minister Paul Croes:

Ta considera YMCA un fundacion ehemplar

ORANJESTAD - YMCA recientemente a celebra nan 60 aña di existencia cu un celebracion di diamanta.

E organisacion aki ta uno funda a aña 1956 cu e meta principal pa yuda y guia nos muchanan despues di scol.

Minister Croes ta referi su mes na YMCA como un organisacion cu ta partner social como cu henter gobierno ta traha pa crea lidernan den nos sociedad y YMCA cu nan proyectonan positivo y nan impulsanan pa nos muchanan ta yuda na logra esaki.



YMCA ta un fundacion cu ta wordo subsidia pa un parti pa gobierno y den esaki Minister Paul Croes ta bisa cu e compromiso ey traha cu YMCA ta continua mirando cu YMCA mester ta un ehempel tambe pa otro fundacionnan.

E ta un fundacion ehemplar como cu e ta un fundacion cu ta cumpli cu tur criterio pa por ricibi e subsidio cu nan tin derecho riba dje.

Banda di esaki YMCA ta participa na diferente proyecto

social, cual p.e. YMCA ta participa tambe na e proyecto Feria Social cu tambe ta un proyecto cu ta cay bou ministerio di Asuntonan Social pa cual ta considera YMCA un partner importante.

Pa finalisa Minister ta conclui y ta pone enfasis un biha mas cu YMCA a bira basicamente un di dos cas pa e muchanan y cu tur e guia cu nan ta ricibi, Minister ta sigur cu nos lo mira hopi exito sali for di e organisacion. □



Dimas:

Nos tin un sistema nobo pa comunica resultado di peticion

ORANJESTAD - Desde 1 di juni 2016 Dimas a cuminsa avisa su clientenan via e-mail ora cu tin algo cla pa nan pasa busca esaki na Dimas.

Esaki por ta un carta pidiendo documentonan adicional of un VTA, un permiso temporario, un permiso pa tempo indefini, declaracion, nega-

cion etc.

Desde aña 2007 Dimas a cuminsa emiti su decisionnan pa medio di un carta sigura via post. Ora cu a muda pa su edificio nobo na Paardenbaastraat, Dimas a cuminsa yama e clientenan pa bin eynan pa busca esaki. Pa garantiza cu por dreña den contact mas sigur cu e cliente pa avisa cu tin algo cla pe na Dimas,

Dimas lo no comunica cu cliente mas via yamada telefonico, pero via e-mail.

E e-mail adres cu lo bay uza ta esun cu e cliente mes a uza ora di traha cita pa bin entrega su peticion na Dimas. Via e e-mail ey e lo ricibi su contesta. E ta hopi importante pa e cliente tin un propio e-mail adres pa asina Dimas por co-

munica cun’e directamente.

Dimas ta recorda tur su clientenan cu e trahamento di cita ta online riba nos website www.dimasaruba.com. E ta gratis y ta 24/7 accesibel via bo computer, bo tablet of bo smart phone.

Desde 1 di juni 2016, Dimas a introduci tambe cita pa tur

servicio y productonan cu e meta pa mehora e experiencia y servicio. E cliente por bin tranquil na e dia y orario cu a bock online y sin perde tempo wordo atendi pa personal di Dimas.

Dimas ta pidi tur su clientenan pa tene bon cuenta cu e cambionan aki riba mencion. □

CLASIFICADO ECONOMICO

PERSONAL GRATIS MAX 20 PALABRA - TA ACEPTA AVISO FOR DI 9:00 AM - 4:00 PM
PASA LAGA BO AVISO NA OFICINA DI BON DIA ARUBA WESTRAAT #22

TA HUUR

Appartement grandi di 33m2 pa 1 of 2 persona, na San Miguel, Noord 5 minuut di tur Hotel
Tel. 592-2688

TA BENDE

Plachi di glas 2 1/2 meter x1 meter x 8mm
Kozijn di ceder lessenaar Fl. 25
Kashi di paña Fl.50
Tel. 561-7112 / 567-6844
Joe

TA HUUR

Semana 34 La Cabana Beach and Raquet Club
25 Agst - 1 Sept.
para 4 personas.
Bloque C - Apto. 311
Tel. 0058 414 6457772
0058 414 063 6219
E-mail
darwinrichard501@hotmail.com

TA BENDE

un cas plus 1 apto na Caya Magasina, Brazil
Afls. 190.000 yama
Tel. 592-9966

TA BENDE

Cashi di cushina di plywood 3/4, top graniet, un cashi ariba di plywood 3/4 den bon condicion prijs pa nan 2
Awg.1.250
Tel. 661-2081

SERVICIO PUBLICO

un señora responsable ta busca trabou di cas ta strica, laba, cushina, wak pa hende grandi y mucha
Tel. 641-2615

SERVICIO PUBLICO

Ta busca trabou pa cuida mucha of hende grandi y tambe ta haci trabou di cas
Tel. 748-2588

FOR SALE

House Esmeralda 780 mts2 3 bdr, 3 baths, kitchen, living room, dinning room, marmol floor. By owner \$350.000
Awg 630.000
Tel. 600-5393

TA HUUR

1 di juni cas na Savaneta ariba caminda grandi, 2 camber, 2 airco, 2 baño, cushina, lugar pa parkeer, cura cu mata dilanti. Ideal pa pareha of pa oficina.
Afls. 975 p.l. Dep Fls. 1.450
Interesadonan serio yama
Tel. 585-1582

TA BENDE

Cas situa na Socotorolaan 25, 3 camber cu closet, 2 baño, sala comedor, cushina, porch, cura. Central pa tur caminda .
Prijs taxatie rapport
Awg. 278.000
Prijs pidi den man
Awg. 225.000
Tel. 593-0909

SERVICIO PUBLICO

Ta busca trabou pa traha na cas den tur ramo. Un señora serio y responsabel. Por ta part time of full time. Pa cuida mucha of hende grandi. Pa info.
Tel. 567-7663 / 641-2615

FOR SALE

Toyota Yaris 2004 Autom/ Beige caba di aña su full service Radio/ no airco.
Aw.4.500
Tel. 594-5108

FOR SALE Lasmachine marka Lincoln

450-SEA riba wiel variable voltage.
DC-ARC welding power source 110-220 coriente
Por yama
Tel. 563-3583

FOR RENT

OFFICE

in the Mainstreet
Caya Betico Croes 19-21
Calypso Bldg 2nd Floor
Elevator Operated, Air-condition
5 Office Spaces
For information
Call 582-3142
Meredith

SERVICIO PUBLICO

I'm looking for a job as a waiter or any restaurant no matter what position
Tel. 740-6116

TA BENDE

Un cas grandi 1200m cu espacio na banda apart. banda di caminda grandi di Tanki Leendert pa Oranjestad, bon pa negoshi, oficina, dokter, etc
Tel. 560-8929

SERVICIO PUBLICO

Professional Photographers

Photo shoot in Aruba weddings, couple, corporate event, senior, new born and more call us:
Tel. 749-2533
730-5695

LOOKING FOR

persons to work on a marketing project doing survey. Need persons that can speak Spanish or English. Applicants must be available all day, be responsible & outgoing. Company will train. Please send resumes to
cportella@hoperesearchgroup.com

TA BUSCA

Pizzeria search for employ with or without kitchen experience. Please Call to
+297-6608637

TA OFRECE

Servicio de limpieza en general, pintura, chapi, plomeria, construccion y renovacion.
Tel.660-7997
whatsapp+297-660-7997
+58424-6628183

SERVICIO PUBLICO

Construction ta pega blokkie, pleister, plafond, mosaico, azulejo, vloer dak, cura, plafond bow dak, cas completo, nos ta arubiano y cu bon prijs
Tel. 661-2081

TA BENDE

un Mazda 323 - 2001 automatic Fls.4.500 bon condicion
Interesa yama
Tel. 564-0397 / 564-0397

TA HUUR

cas 2 camber cu baño c/u amoblado bon prijs, no mascota, no mucha chikito
TA BENDE
matanan di fruta, sorsaca, papaya, mango, nan ta grandi. Dulce di papaya
Tel. 594-9069

TA BUSCA

Trabou di cas of oficina- Restaurant
Tel:641-9217 of 600-1491

TA BUSCA

Trabou den cualkier area. tambe si bo mester persona pa decoracion pa Recibimento, bruid, 15 aña, cualkier fiesta of evento por yama
Tel:641-9217 of 600-1491

SERVICIO PUBLICO

Ta duna bijles di ajedrez Tambe ta yuda muchanan di basis school secundario cu huisjwerk den materianan cu ta dificil
Tel:568-9748 / 600-0678

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!!



Yena aki bao e siguiente informacion:

Telefoon

Number Completo:

Adres di Entrega:

Adres di Cobranza:

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no.: 33266.8
- ☐ Paga Aruba Bank ABO ONLINE
- ☐ Paga CMB ONLINE
- ☐ Personal na oficina di Bon Dia Aruba.
- ☐ Pone den Box
- ☐ Tira den Cura

Pago Adelanta:

☐ 3 Luna ☐ 6 Luna ☐ 1 aña

Yama na telefoon: 582-7800 of manda via fax: 582-7044
www.bondia.com

Miembronan di OPPA a socialisa cu otro pa medio di arte di mosaik



ORANJESTAD – Un bi-aha mas, fundacion OPPA a organisa un bunita actividad pa nan miembronan den Centro di Nos Grandi na Jaburibari.

Sra. Maria Kuiperi kende ta miembro di e Comision di Actividad di OPPA a declara na Bon Dia Aruba cu nan a bin cu e tayer di mosaik organisa pa sra. Enrika Werleman, ya cu e idea tras di e tayer aki ta pa nan miembronan socialisa cu otro pa medio di arte. Den e tayer aki a participa activamente un

grupo di 20 persona.

Durante henter aña nan ta organisa diferente actividad. Entrante luna di juni nan tin un seso sport den Club San Martin. Na luna di augustus, fundacion OPPA ta bisti di gala pasobra nan tin nan aniversario anual.

Na luna di september nan tin plania un charla y na october nan tin un caminata den e rooinan pa nos grandinan y na luna di december nan ta organisa nan tradicional cena di Pasco.



Sra. Kuiperi a bisa cu nan ta activadnan cu e miembronan di OPPA ta gusta haci y nan ta hopi entusiasma. E tayer aki di mosaik tabatin mas presencia di ser femenino, pero nan ta premira cu den nan proximo actividad di seso sport nan ta haya mas hendenan masculino ta bin. El a pidi tur miembro di OPPA pa cada bes cu nan ta organisa un actividad pa nan, caminda nan ta informa pa medio di un comunicado di prensa, pa please participa pasobra e ta yuda pa nan bin hunto. □

Minister Oduber a ricibi oficialmente e guia di maneho pa monumentonan di nos isla

ORANJESTAD - Pa hopi tempo ta reina un confusion of falta di informacion encuanto e importancia y balor di nos monumentonan. Nos Monumentonan ta nos herencia material cu tin un balor unico pa nos cultura. Minister Otmar Oduber a tuma e pasonan pa traha hunto cu expertonan for di Corsou y tambe Monumentenbureau, pa stipula un maneho y crea transparencia den e proceso pa maneha nos monumentonan.

Sra. Indra Zaandam, consehero di Ministerio di Cultura, ta expresa sentimentonan di orguyo pa mira descripcion di nos monumentonan den e “Monumentenhandboek”. A categorisa e monumentonan den dos. Monumento di categoria “A” y monumento di categoria “B”. Pa locual ta trata categoria “A” ta monumentonan cu tin un balor sumamente halto y “B” ta monumentonan importante pero diferente balor.

Importante ta cu awor cu e “Monumentenhandboek” a keda completa, tin informacion disponibel pa cu maneho di monumento. Partner-

nan manera companianan di construccion, awor tin un guia di kico si mag y kico no mag pero mas cu tur cos e balor di monumento.

Expertonan cu a traha riba e maneho aki ta orguyoso di por a forma parti di e proceso aki. Ambos a traha tanto na Corsou como tambe na Boneiro y ta bisa cu nan ta impresiona cu e monumentonan cu nan a topa cu nan aki na Aruba. Nan a topa cu monumentonan di por ehempel ‘Art Deco’ cual no tin na Corsou.

Sra. Zaandam ta splica cu e importancia ta cu pa motibo di traha e transparencia den maneho di monumentonan, mas hende por compronde e proceso y nan lo ta mas familiarisa cu e maneho y lo kier ta mas involvi den e proceso. “Salvaguardia nos herencia material den e caso aki ta un elemento cardinal. Cu un guia estableci por incentiva hopi mas partner den esaki, na bienestar di Aruba su Cultura,” Indra Zaandam a bisa. Na Corsou por ehempel ta profila y mercadea su mes

den e aspecto di balor monumental. E casnan di diferente color cu ta reconoci pa ta un característica di e isla. Aruba tambe lo por profila su mes den un forma nobo. Indra Zaandam ta comenta: nos por mercadea Aruba a traves di un ‘hidden gem’, un manera nobo di profila nos isla a base di nos monumentonan. Actualmente tin hopi doñonan priva di monumentonan, kendenan den algun caso pa falta di informacion no tabata sa cu nan tin un monumento den nan posicion.

Cu e “Monumentenhandboek” awor ta facilita e informacion con pa restaura y cuida un monumento debidamente. E consehero di Minister Oduber ta mustra riba e echo cu banda cu un monumento tin balor historico e tin un balor economico tambe. Na Hulanda por ehempel, pa cada euro inverti den un monumento, su balor ta triplica. Hunto cu “Monumentenhandboek” awor ta trahando tambe cu otro departamentonan di Gobierno pa incentiva propietarioonan di monumentonan promedio di por ehempel un “belasting aftrek” of tambe un “kwijschelding di overdracht belasting,” Sra. Zaandam ta sigui comenta. Ta trahando duro riba e paso grandi aki pa incentiva hendenan cu tin monumento of ta interesa den monumento pa por bira doño di un herencia asina importante pa nos pais. “Monumentenhandboek” ta un proyecto cu a carga sosten financiero di ATA y AIB Bank, cual ta demostra un otro bunita colaboracion di sector publico y priva trahando hunto na bienestar di Cultura di Aruba. □



Post Aruba ta participa na “World Stamp Show”

ORANJESTAD - Post Aruba N.V. ta participando na e exposicion di stampia mundial na New York. Vivian Alberto, Manager di e departamento Filatelico ta representando nos compania nacional di Post durante e evento cu a cuminsa dia 28 di mei y cu ta sigui te dia 3 di juni den “Jacob Javits Convention

Center”.

Durante e exposicion mundial coleccionistanan for di rond mundo ta atendiendo e “World Stamp Show” pa cumpra stampianan y otro productonan filatelico di nan escogencia. E ta un evento hopi grandi y masha gusta.

Post Aruba ta hopi contento

pa e oportunidad, unda ta bende y specialmente mercaea su productonan den exterior. Stampianan ta refleha diferente tema educacional di un pais.

Ta invita henter nos isla pa bishita e oficinanan postal pa mas informacion di con por forma parti di e famia filatelico. □



RBC Royal Bank a bira sponsor di Aruba Reef Care Project

RBC lo tene un “Clean Water Awareness week”

ORANJESTAD - Tur aña RBC Royal Bank ta celebra Blue Water Day den luna di juni como parti di nan compromiso multi-anual pa conserva awa limpi na mundo.

Durante un conferencia di prensa, Sra. Mirjam Auwerda-Jansen, Area Vice President Personal Banking conhuntamente cu Sra. Rose-Ann Ruiz-Woorts, Assistant Manager Marketing di prensa a lansa RBC Blue Water Project 2016! Tambe tabata presente Sr. Castro Perez di Aruba Reef Care Project.

“Awe cu hopi orguyo, nos di RBC ta lansa nos proyecto di Blue Water pa aña 2016”, Sra. Auwerda-Jansen a declara dilanti miembronan di prensa presente. El a bisa cu e entidad bancario aki den tur parti di mundo ta celebra e Blue Water Day na e luna aki como parti di nan compromiso pa conserva awa limpi na mundo.

Durante e conferencia aki a splica cu añanan anterior RBC a haci entre otro presentacionnan na scolnan, competencianan di sea pin-

tamento of potretnan, etc... pa celebra Blue Water Day cu nos comunidad y pa crea un impresion duradero den mente di nos hendenan, pero cu e aña aki RBC a scoge pa haci algo diferente.

Campaña di conscientisacion

Sra. Ruiz-Woorts a splica cu durante un siman largo, cuminsando dia 1 di juni te cu 7 di juni, RBC lo tene un “Clean Water Awareness week” na tur su branchnan.

Cada branch lo tin su propio booth cu lo tin informacion di entre otro: RBC Blue Water Project, con pa spaar awa na bo propio cas, ki bo por haci pa tene nos beach y lamanan limpi, ki Aruba Reef Care Project ta, e importancia di awa limpi y mucho mas! Tambe tur cliente cu bishita RBC su branchnan por haya chens di gana un boter di awa di RBC contestando un di e preguntanan corectamente durante nan “Water Trivia Challenge” ne booth.

Ademas manera ta custumber RBC un biaha mas orguyosamente ta forma parti di e beach clean-up mas grandi na

Aruba: The Aruba Reef Care Project. Un organisacion cu ta traha pa conscientisa Aruba di nos medio ambiente y proteccion di bida maritimo di Aruba.

Donacion na Aruba Reef Care

Durante e conferencia di prensa Sr. Castro Perez di Aruba Reef Care Project tambe splica un tiki di e organizacion y di tur e trabounan cu nan a haci durante e ultimo 22 añanan. Tambe a menciona nan ideanan cu nan tin pa cu 2016 pa asina incentiva mas persona participa den e

bunita proyecto aki.

RBC ta consciente di importancia di un medio ambiente limpi pa awe y pa siglonan cu ta bini y ta p’esey den cuadro di e programa anual di RBC Blue Water Project RBC ta keda aporta na Aruba Reef Care Project.

E biaha aki Sr. Castro a ricibi un cheque di RBC su sponsorship cu e bunita suma di Afl. 3500. RBC como un di e patrocinadonan grandi di e proyecto aki kier a encurashar henter comunidad di Aruba pa nan participa como boluntario. □



ACE Firm Engineering ta organisando su di dos Safety Seminar

ORANJESTAD - E Safety Seminar lo tuma lugha riba 2 di juni 2016 na Renaissance Convention Center. Cu un programacion basta extenso, e lo ta di 8’or di mainta te cu 4’or di atardi. Ta bay tin oradornan local como internacional.

Brad Gardner y su casa Do-

lores ta un pareha Mericano renombra, cu ta duna charlanan di motivacion basa ariba siguridad den trabou. Brad a perde su man drechi den un accidente na trabou, algo cu no mester a sucede.

E pareha ta papia di nan experencianan cu e meta pa purba conscientisa hende,

pa asina trata di preveni accidente. Cu nan charlanan nan a inspira miles di trahadonan di tur nivel, pa visualisa di un manera nobo e importancia di siguridad den trabou.

Esaki lo yuda haci e implementacion di programa, proceso y procedura di siguridad den trabou mas facil y efici-

ente. Yudando di purba cambia e cultura di siguridad den trabou.

ACE Firm Engineering su orador local lo papia di e tema “Safety starts at design”. DTI (Dienst Technische Inspectie) su tema lo trata di “Safety Inspector”. Sra. Carolina Lopez-Paz lo amplia tocante

“Safety Legal Framework” y por ultimo MedWorks su orador lo duna tur detaye tocante “Protect your Health and Safety”.

Pa reservacion por pasa na nan oficina na Zuidstraat 1-A of por yama na 584-4414 of 562-4914. Nan ta entrega tambe. □



Ganadonan di rifa organisa pa fundacion Dominicana Arubanse Juan Pablo Duarte



ORANJESTAD - Presidente di fundacion Dominicana Arubanse Juan Pablo Duarte, Sr. Winston Tavaréz, ta informa riba resultado di nan rifa cu tombola den forma di recaudacion di fondo cu nan a realisa diadomingo ultimo.

E fondo produci pa e rifa aki cu a tuma luga riba Dia di Mama Dominicano, lo yuda e fundacion pa cumpli cu cierto obligacion financiero, entre nan e pago di huur y servicionan basico di nan sede actual.

E rifa tabatin un balor di 5 florin y Sr. Tavaréz a gradici tur hende cu a colabora cu e rifa aki cu a tuma luga dia 29 di mei.

“Nos kier yega na un bunita suma pa asina nos lo por sigui funciona”, el a yega di bisa na Bon Dia Aruba.

E rifa ta consisti di cuater tremendo premio: 1 premio: Un ticket ida y buelta pa Republica Dominicana via Pawa Dominicana. 2 premio: Un fin di siman na Riu Hotel. 3 premio: Un laptop y di cuater premio: Un compra pa balor di 150 florin den comestibel.

Resultado di e rifa
E ganado di e prome premio: Esperanza Paniagua, Nr. 6904.



E ganado di e segundo premio: Carlos Quandt (Madi-ki), Nr. 2594

E ganado di e tercer premio: Minerva, Santa Cruz, Nr. 2, Ticket Nr. 0174.

E ganado di e cuater premio: Zulema, cel 5617803/7444858, Nr. 587.

“Danki na tur hende cu ta confia den e Fundacion Dominicana Arubanse Juan Pablo Duarte”, Sr. Tavaréz a bisa.

E ganadonan lo por pasa personalmente na nan sede situa na Van Leeuwenhoekstraat #3A, y tambe via cel: 582 5890/cel 5921679. □

B&P/ INTERFACE Aruba N.V.:

Cursistanan cu a finalisa curso pa secretaria cu exito

ORANJESTAD: Un secretaria ta e tarheta y e persona principal, cu hopi responsabilidad y cu hopi trabao. Durante e “Curso Maneho di Secretaria(o)” e participante nan por a siña con pa eherce e tarea nan di un secretaria(o) profesional, e.o. con pa organisa bo mes y bo trabao y mucho mas loke un secretaria profesional mester haci.

E “Curso Maneho di



Secretaria(o)” ta wordo organisa pa B&P/interface Aruba N.V. pa tur secretaria, recepcionista y tur otro persona cu ta haci trabao administrativo cu ta interesa di bira secretaria. Tambe pa tur hende homber cu ta ehecuta e funcion di secretario den un of otro club, sindicato of organisacion.

Ta consehabel ta pa sigui e curso di Assistant Administrativo prome pa

despues sigui cu e curso di Secretaria(o).

E curso a wordo presenta pa B&P/interface Aruba. E cursistanan cu a ricibi certificado ta: Gwendoline Oduber, Elvia Quandus, Angele Croes, Ismary Jacobs, Angeline de Smit, Yenny Estrada, Viviana Montaña Higueta y Shaquianne Paesch. Un palabra di felicitacion ta bay na tur esnan cu a pasa pa e test final y cu a ricibi nan certificado. □

Papa

Feliz dia cu Bon Dia Aruba

Number: _____

Adress: _____

Tel: _____ email: _____

Yama y entrega e formulario aki na oficina di Bon Dia Aruba, Weststraat #22 prome cu dia 17 di Juni, 2016. Tur formulario lo wordo poni den tombola y dia 17 di Juni 2016 lo saca e feliz ganador

Pastoor Marcel Balootje: Tipnan pa matrimonio y famia



ORANJESTAD - Gloria na Dios, E merece tur honor y gloria, nos a drenta luna di Juni cual ta muestra cu ta di 6 luna di aña nos a drenta, corda cu Dios tin hopi bendicion pa bo ainda, pa locual ta trata aña 2016. Especialmente laga nos recorda bo riba 3 di September 2016.

E dia di Alabansa, E dia di celebracion, E dia di goso, e momentonan inolvidabel cual nos lo pasa hunto den nos Fundraising Breakfast All you can Eat, den Renaissance Convention Center hunto cu Ingrid Rosario y su banda, gosando den presencia di Dios, for di 8am te 12or di merdia. Hunto cu nos salmistanan local, cu lo pone nan curason disponibel, pa alaba y glorifica nos Dios todo poderoso.

Anochi nos lo ta den Aruba Entertainment Center, caminda Aruba completo, hunto cu Curaçao, y otro isla y paisnan cu lo t'ey presente, lo alaba y glorifica e precioso nomber di nos Dios. Tur cos ta cana bon pa e dia aki, y cu poder y gracia di Dios e lo ta un gran bendicion pa Aruba. Nos sa sigur cu e presencia di Dios lo derama riba e isla aki. Señor ta bon y misericordia t'ey pa Semper. Corda skirbi



nos na horebrhema@gmail.com of yama of manda un mensahe na 5677234, pa bo reserva bo mesa, of carchi pa tur dos e actividad aki tanto e Breakfast como e Concierto.

Den tur e preparacion aki nos ta trahando tambe imprenta di e buki "Kico tin tras di tralie" cual lo ta un gran bendicion pa cada cas di famia na Aruba, treciendo un cambio den pensamiento di nos muchanan, nos hobennan, y henter Famia. Pero tambe nos kier recorda y gradici pa bo ofrenda of donacion pa nos por continua cu e trabaonan ministerial, riba nos Savings Account 101.601.809 t.a.v Stichting Mount Horeb Ministries, asina bo por yuda nos pa nos por yuda otronan. Danki y Dios bendiciona bo ricamente.

Tipnan pa matrimonio

Tur pareha riba nos isla mester cuminsa haci oracion hunto, pasobra esey ta boluntad, di Dios, esey ta demostra cu nos ta somete na Dios, nos lasonan matrimonial ta bira mas fuerte. Nos yiunan lo tin un ehempel pa sigui. Ora un pareha ta uni den oracion, e palabra di Dios ta cumpli espiritualmente nan dos lo ta un den presencia di Dios, mescos cu nan ta den nan relacion intimo. Ora un pareha ta den oracion nan peticion ta subi na cielo cu un holo fragante, Dios ta mira nan curason, E ta scucha y contesta oracion. Peseu nos mester urgi tur pareha pa cuminsa haci oracion hunto, pa hunto nan por para firme contra e trampanan di e enemigo, y asina reprende e enemigo for di nan bida nan cas y nan Famia.

No duna e diabel chens cuminsa awe mes, y duna Dios tur e gloria.

Saca tur locual ta pornografia for di bo cas

Aruba tin un cifra hopi halto di divorcio, y mayoria ta causa pa adulterio, y hopi di e casonan aki ta bini di pornografia.

Tin hende ta kere cu nan mester di algo extra ora nan tin relacion cu nan pareha, pasobra esey ta trece mas ambiente, wel al contrario esey ta entrada di satanas den bo hogar y bo relacion.

Nos mente ta keda yena cu vulgaridad sexual, cual ta hiba na e caminda di busca satisfaccion pafo di cas, cu tur e consecucionan cu por tuma luga y hiba na kiebro di matrimonio, hopi biaha den e pelicula ey tin cierto cos ta tuma luga cual un hende decente no por cumpli cu e demanda ey, y asina e derumbe matrimonial ta cuminsa, esaki ta pone hende busca refugio den brasa di by side of drenta den prostitucion.

Pornografia no ta bon pa bo matrimonio, y e por cay den man di bo yiunan cual pa motibo di nan edad e por causa daño y por hinca nan den un situacion di cuminsa haci algo prome cu nan tempo. Dunando abo como mayor mas dolor ainda. Cera canalnan di t.v., etc. Amistad toxico.

Kico ta nifica toxico, e ta algo cu ta haci bo daño, por ehempel gas ta toxico, clorox ta toxico, esaki ta cosnan cu por kita bo bida, si bo no bay cu cuidao. Anto mescos asina tin hende cu ta presenta den nos bida matrimonial cu menos bon pensamiento.

Hende nan envidioso, jalosers, cu ta desea pa dañu, cu ta wolf den paña di carne, esaki ta tanto hende homber como hende muhe, cu ta bini cu boca dushi, pero e plan ta pa destrui, cu ta bin invita hende pa Sali, tur weekend, bay Happy Hour, ban fiesta, laga nos yiu na keda hunto, ta muchanan ta, asina nos por bay gosa te marduga. Amistadnan asina cu ta kita bo hasta for di porta di Iglesia, cu pa tur cos nan tin un reemplazo, tur ora nan tin programa, pa ta riba caya.

Nan ta manera klinkers nan no por kita for dia caya. E tipo di amistadnan aki ta malo pa tur matrimonio, asina un Amistad ta pone bo constantemente ta bandona bo cas pa haci cos di bon bida riba caya, e no ta bon pa bo



matrimonio, asina un hende ta bin bo cas tur ora pa haci reunion, y bisa bo kico hende ta papia di bo ta pasobra e mes ta papia riba bo. Pa bo propio felicidad matrimonial bo mester habri bo wowo, e persona por ta famia, of un hende masha yega, y tene masha cuidao di anda cu hende cu aparta for di Señor, pa asina bay mundo bek, pasobra si bo sigui nan paso, lo bo come mesun cuminda cu nan ta come, esey ta e cuminda di rebeldia. Habri wowo awe mes y wak bon, cual ta bo amistadnan. Esaki ta conta pa homber y muhe. Boso yiunan ta boso tesoro.

No papia nada cu bo yiu, cual bo no ta desea pa e bira, no yama bo yiu ladron, sinberguensa, homosexual, prostituta, pasobra tur e cos ey ta den boca di hende, pero ningun di nan ta nos deseo pa nos yiunan. Lanta bo yiunan den respet y disciplina di Señor. Stima bo yiunan y duna nan tur amor necesario, pasobra caminda bo no ta spera e enemigo ta drenta, y ta haci daño na bida di bo yiu. Mescos cu un mucha ta stima, ta facil pa e wordo rechasa. Wak bon cu ken y na unda bo ta laga bo yiunan keda. Pasobra ora daño wordo haci ta laat caba. Tin hopi caso di abuso sexual di mucha, cual ta mayornan mes a habri porta. Por ehempel e asunto di muchanan keda na cas di hende pasa weekend of pasa vakantie, confiando den hendenan cu mente putri.

Nos tin cu preveni tur manera pa nos yiunan no cay den man di e malvado y esey solamente por sosode cu yudansa di Dios Todopoderoso, y nos wowo bon habri.

Nos tur por yuda baha criminalidad.

Hopi di e maldad cu ta sosode den e ultimo tempo aki riba nos isla por wordo preveni, den cada cas di famia. Pasobra educacion ta cuminsa na cas, y no na scol. Ta imposibel pa nos yiunan ta tur siman riba caya, ta dificil, pa nos no sa na unda nos yiunan ta. Bo a yega di mira mucha drenta auto glas scur, sin su mayornan sa ken ta den auto. Bo a yega di mira mayornan siña nan yiu bebe, manera esey ta un obligacion.

Bo a yega di mira un mayor baha un mucha na fiesta y bise, wak cu ken bo ta bini cas, esey ta nifica cu e mucha a keda pa su propio cuenta. Tur locual nos ta skirbi aki ta locual ta sosode tur siman. Y como mayor nos por evita. Na unda un mucha ta haya cen tur siman pa e sali si su mayornan no dune. Con por ta cu e mucha tin un telefon di 900 florin, y e no ta traha, ni tampoco su mayornan no a dune cen pa e cumpre.

Tin cosnan cu ta fuerte pa bisa, pero si bo ta un mayor y bo ta na altura cu bo yiu tin arma di candela, y bo sa cu e no tin permiso pa esey, pasobra gobierno no ta duna permiso pa mucha carga arma, awel bise hiba su arma pa polis, y si e no kier tende avisa polis abo, pasobra, ora bo yiu tin arma den cas ta peliger pa henter Famia, e mucha mes y comunidad completo. Pa mas informacion skirbi nos na horebrhema@gmail.com of manda un mensahe pa peticion di oracion na 5677234. Te otro siman cu Dios kier, Dios bendiciona bo ricamente.

PRIJS DI DOLLAR INTERNACIONAL

US Dollar▲	1.00 USD▲▼
Argentine Peso	13.967500
Australian Dollar	1.379951
Bahraini Dinar	0.377030
Botswana Pula	11.204611
Brazilian Real	3.601858
British Pound	0.694219
Bruneian Dollar	1.377829
Bulgarian Lev	1.750430
Canadian Dollar	1.308892
Chilean Peso	692.718410
Chinese Yuan Renminbi	6.575271
Colombian Peso	3115.803168
Croatian Kuna	6.724441
Czech Koruna	24.201631
Danish Krone	6.661100
Emirati Dirham	3.673000
Euro	0.895452
Hong Kong Dollar	7.771309
Hungarian Forint	280.764894
Icelandic Krona	124.075000
Indian Rupee	67.490361
Indonesian Rupiah	13680.037346
Iranian Rial	30472.500006
Israeli Shekel	3.854718
Japanese Yen	109.509060
Kazakhstani Tenge	337.049988
Kuwaiti Dinar	0.302225
Latvian Lat	0.629323
Libyan Dinar	1.374000
Lithuanian Litas	3.091815
Malaysian Ringgit	4.156493
Mauritian Rupee	35.050000
Mexican Peso	18.530788
Nepalese Rupee	107.875912
New Zealand Dollar	1.468853
Norwegian Krone	8.310273
Omani Rial	0.385000
Pakistani Rupee	104.750000



BOTICA NA WARDA

Oranjestad: Kibrahacha Tel:
582-2007
San Nicolas: San Nicolas
Tel: 584-5712

DOKTER NA WARDA

Oranjestad
Dr. D. de Cuba
Tel. 583-9195

San Nicolas
Dr. Vis
Tel: 584-9700

Schedule di crucero

Dia:	Fecha:	Crucero:	Yegada:	Salida:
Diahuebs	2 juni	Adventure of the Seas	07.00	18.00
Diamars	7 juni	Carnival Valor	13.00	23.00
Diahuebs	9 juni	Carnival Splendor	08.00	16.00
Diahuebs	16 juni	Adventure of the Seas	07.00	18.00
Diahuebs	23 juni	Carnival Splendor	07.00	16.00
Diamars	28 juni	Carnival Valor	13.00	23.00
Diaranson	29 juni	Adventure of the Seas	08.00	23.00

Por favor tene na cuenta cu e schedule crucero por cambia

SERVICO DI TAXI

Aruba Transfer Tour & Taxi C.A.
Pos Abao #41
P.O.Box 723 Aruba
Tel: 582-2116 / 582-2010
Fax: 583-6988
Taxi Adres Service (24h)
L.G. Smith Blvd. #234
Oranjestad Aruba
Tel: 587-5900
Fax: 587-1928
E-Mail: tas@setarnet.aw



Centrale Bank van Aruba Daily Exchange Rates - 06/01/2016

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.34	1.36	1.38
CHF	179.81	180.53	181.33
GBP	2.51	2.56	2.62
JPY	161.56	163.03	164.67
EUR	197.21	199.01	201.01
DKK	25.77	26.49	27.29
NOK	20.37	21.09	21.89
SEK	20.43	21.15	21.95

For amounts up to Afl. 100,000

EMERGENCIA 911

Polis

Oranjestad	100
San Nicolas	104
Santa Cruz	105
Noord	107

Tip Line	11141
Brandweer	115
Ambulance	911
Hospital	527-4000
Centro Medico	523-8833
Warda Costa	913
Seguridad Naccional	11911

Botica

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Cervicio Noord	586-4606

Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupiaal	583-8560

Utilidad

Setar	117
Web	525-4600
Elmar	523-7147

Funeraria

Aurora	588-6699
Ad Patres	584-2299
The Olive Tree	584-8888





They are Looking For a FUR-EVER Home.

Savannah and her son are together and currently live in San Nicolas with their adoption mom, Martine. They are inseparable and belong together. Both of them were saved from a shower of boiling water. Two other siblings did not survive unfortunately. They both have a beautiful furr that is well taken care of and are calm in their coping. Savannah is grey with white and son is black and white. They are looking for a new home with a special cat lover.

More info call: 593-6601 (Foster mom) or 593-4384 (ARA).

www.animalrightsaruba.com

Animal Care Clinic:
582-8382

Contreras Veterinary Services:
587-0917 / 593-0404

Veterinary Services:
585-0400 (Pick up of injured animals)

Cas Animal & Ambulance:
742-8732

Veterinaire Kliniek Wayaca:
582-1720 / 593-0603

Serlimar:
584-5080 (Pick up dead animals)


Ideanan pa recicla



BON DIA *Aruba*

Si bo ta bebe no

STUUR

FUNDACIONNAN

Cas Di Cultura
Vondellaan 2 Aruba
297-582-1010

F A D A
Campanastraat 5 Aruba
297-583-2999
297-583-9610

F A V I
Primavera 233 Aruba
297-582-5051
297-582-5222

F E P O
Engelandstraat 15 Aruba
297-583-1016
297-583-6607

Fundacion Autismo Aruba
Irenestraat 21 Aruba
297-588-1179

Fundacion Pa Nos Muchanan
Cumana 2 Aruba
297-583-4247

Fundacion Tel Pa Hubentud
Wilhelminastraat 19 Aruba
297-588-6138

Koningin Wilhelmina Fonds
Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Ned Rode Kruis
Perdo Gallegostraat 14 Aruba
297-588-3376

Famia Planea (SBVO)
Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi
George Madurostraat 34
297-582-0088

Y M C A
Calbasstraat 1 Aruba
297-582-3072



Bo kier duna un puppy un hogar?
Yama awo! Aruba Animal Shelter 582-1623 Wayaca 128B
Donacion Aruba Animal Shelter – Bank account RBC Royal
Bank 7700000032451794

Caribbean Cinemas
caribbeancinemas.com/aruba f Caribbean Cinemas Aruba

MEGAPLEX 8
JUNE 2 - 8


me before you EMILIA CLARKE SAM CLAFIN MON 4:20 6:45 9:10 FRI 4:20 6:45 9:10 11:35 SAT 1:55 4:20 6:45 9:10 11:35 SUN & HOL 1:55 4:20 6:45 9:10 PG-13	BASTILLE DAY IDRIS ELBA RICHARD MADDEN WITH DUTCH SUBTITLES MON 5:00 7:20 9:40 FRI 5:00 7:20 9:40 12:00 SAT 2:40 5:00 7:20 9:40 12:00 SUN & HOL 2:40 5:00 7:20 9:40
3D NEW THIS WEEK PG-13	NINJA TURTLES MEGAN FOX WILL ARNETT PREMIUM LARGE FORMAT AUDITORIUM 3D VERSION MON-FRI 4:20 6:50 SAT, SUN & HOL 1:30 4:20 6:50 FRI SAT 9:20 11:40 MON-THURS 5:30 8:00 FRI 5:30 8:00 11:30 SAT 3:00 5:30 8:00 11:30 SUN & HOL 3:00 5:30 8:00
ALICE THROUGH THE LOOKING GLASS MIA WASIKOWSKA JOHNNY DEPP MON-THUR 4:10 6:35 9:00 FRI 4:10 6:35 9:00 11:25 SAT 1:50 4:10 6:35 9:00 11:25 SUN & HOL 1:50 4:10 6:35 9:00	X-MEN APOCALYPSE JAMES McAVOY MICHAEL FASSBENDER WITH SPANISH SUBTITLES 3D VERSION MON-FRI 6:15 9:15 SAT, SUN & HOL 3:15 6:15 9:15 3D VERSION MON-THUR 5:00 8:05 FRI 5:00 8:05 11:10 SAT 2:05 5:00 8:05 11:10 SUN & HOL 2:05 5:00 8:05
THE ANGRY BIRDS MOVIE JASON SUDEIKIS JOSH GAD WITH SPANISH SUBTITLES MON-FRI 5:00 7:15 SAT, SUN & HOL 2:45 5:00 7:15	NEIGHBORS SORORITY RISING CHLOE GRACE MORETZ ZAC EFFRON MON-THURS 9:30 FRI-SAT 9:30 11:40 SUN & HOL 9:30

STARTING JUNE 9 | **WARCRAFT** • **NOW YOU SEE ME 2** • **THE CONJURING 2**

Palm Beach Plaza | Aruba | 586-0074 Download our NEW APP

Available on the App Store | GET IT ON Google play

Breng het kerstkransje naar de muis



Con pa traha bo mesun chili polvo



Ingredientenan

- 1 telep di paprika polvo
- 2 telep di comino polvo
- 1 telep di cayena peper polvo
- 1 telep di oregano polvo

• 2 telep di conoflok polvo

\Preparacion

Mescla tur e ingredientenan aki bon den otro y cla bo Chili Polvo ta. Nunca mas lo bo cumpre na un supermarket.

		1			8		
	3		2		5		9
2		8		1		6	5
	5		4		6		1
		4		9		7	
	6		3		8		2
7		3		6		5	4
	4		8		3		7
		9			2		

Sudoku BON DIA, train bo mente

Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio. Pa resolve bo ta pone number den cada cuadra di tal forma cu cada rij crusa of bay abou tin e number un solo biaha.

Tambe den cada cuadra chikito compara cu esun mas grandi tambe tin e numbernan 1 te cu 9.

E number tampoco no por ripiti den e cuadra chikito. Trahando cu e numbranan cu tin poni caba ta yuda bo yega na e solucion. □



Galiña Maroco



Ingredientenan:

- 1 galiña henter corta na bloki
- 2 tenchi di conoflok, corta chikito
- 2 taki di selder corta na bloki
- 1 siboyo corta na bloki
- 1 bleki di tomati corta den bloki
- 10 pruin sin simia
- 1 bouillon di galiña (mita liter awa)
- 1 telep di canela
- 2 wortel corta mas o menos 1 cm diki
- 1 telep di puiro di paprika cora

- 1 1/2 telep di comino
- 1 telep di puiro di oregano

- Juice di un lamunchi
- 1/2 telep di puiro di turmeric

Preparacion:

- Sasona e galiña cu salo y peper.

- Den wea di hero hasa e galiña den azeta di oleifi te ora e ta casi cla.

- Saca e galiña for di e wea y pone un banda. Den mes wea agrega un tiki azeta di oleifi mas y hasa e siboyo, conoflok, wortel y selder te ora e siboyo bira transparente.

- Agrega e juice di lamunchi, comino, turmeric, oregano, paprika y canela den e wea.

- Añadi e bleki tomati y bouillon na e wea.

- Lage cushina pa 10 minuut y agrega e galiña.

- Lage cushina pa 15 minuut mas.

Bon probecho.





Frisian Flag ta celebra cu pueblo di Aruba

ORANJESTAD- Desde 2001 e organisacion di FAO (Food and Agriculture Organisation of the United Nations), a introduci un dia special pa celebra lechi y conhuntamente rond mundo nan ta celebra "World Milk Day" riba prome di Juni cu diferente actividad na unda ta educa riba nutricion y e beneficio cu ta bin ora bo tin un dieta rico den lechi.

Desde dialuna e team di Frisian Flag tabata hopi activo bishitando diferente scol basico y supermercado pa comparti cu e muchanan di Aruba y asina cuminsa e gran celebracion cu ta culmina diasabra awor, 4 di juni den Caya Betico Croes di 10am pa 5pm.

Durante e evento aki tur mucha di Aruba ta bon bini y lo disfruta di e Holland Fun Farm di Frisian Flag cu lo wordo



instala. Esaki ta un "Farm" cu lo brinda un experiencia specialmente diseña pa educa un mucha den un manera dibertido, riba e proceso cu lechi ta pasa den dje, pa asina nos tur por disfruta di un dushi glas di lechi. Muchanan lo tin chens pa siña con ta chicha lechi di un baca y lo tin un competencia di pinta y hopi wega cu oportunidad pa gana diferente premio. Lo tin dos Frisian Flag Dino Jump pa e muchanan por disfruta y lo tin oportunidad pa saca potret pa asina recorda e dia.

Adicionalmente



si bo cumpra cualkier producto di Frisian Flag e siman aki na bo supermercado

preferi y trece bo recibo durante e evento bo ta gana premio instantaneo cu e ruleta di premio.

Bin cu e famia pa asina pasa un rato agradabel cu e chikitin di cas y disfruta di e dia di lechi cu Frisian Flag. Pa mas informacion for bishita e pagina di Facebook di Compra Ltd. ☐



Bunita proyecto pa muchanan di Sint Franciscus College



ORANJESTAD - For di algun siman caba nos Departamento di Agricultura, Cria y Pesca Santa Rosa a wordo acerca pa Sra. Marelene v/d Linde, kende ta den su tercer aña di su estudio como docente na IPA (Instituto Pedagógico Arubano). Juffrouw v/d Linde su tarea tabata pa por realiza un proyecto pa cu e alumnonan na e scol cu e ta stage.

Tabata algun siman di pre-

paracion di parti di Marelene v/d Linde caminda e muchanan a cera conoci cu e matanan cu nan mester a bay planta den e proyecto aki.

Un total di 22 alumno cu a wordo parti den grupo di dos pa asina nan planta e matanan, cu nan mes a scoge esun di nan preferencia. E matanan tabata, Sorsaca, Tamarein, Mahawa, Moringa, Granatapfel, Palo di Bonchi, Druif Surinam, Druif di Lama, Foyo di Cruz, Wayaca y Apelsina. Gordura pa e matanan tambe

a wordo prepara pa asina keda realiza dialuna ultimo na dicho scol.

For di mainta trempa Sr. Esy Dirks y Randy Maduro di Santa Rosa tabata presente pa asina hunto cu e alumnonan di 3de klas realiza nan proyecto. A duna un splicacion prome na e muchanan di kico ta e secuencia cu mester wordo haci prome cu planta e matanan. A haci un prome demostracion cu ponemento di gordura, sigui con ta saca e mata for di e pochi sin haci

mucho daño na e raisnan di e mata. Despues e muchanan mes a sigui planta nan mata bou guia di esnan di Santa Rosa.

Tabata un mainta masha placentero cu e muchanan caminda cada un parti den grupo di dos a percura pa planta nan mata. Un gradicimento ta bay na Sr. Hubert Hart y su team cu a percura pa coba e buracan pa por a planta e matanan asina mes cu tabata tin varios otro trabou pendiente y asina mes a haci un

gran esfuerzo pa e keda realisa.

Un danki tambe ta bay pa Sra. Marelene v/d Linde ken a corda riba Santa Rosa pa realiza su proyecto. Sigur ta uno hopi importante pa e alumnonan por a siña y experiencia un poco mas di kico ta planta un mata y mas ainda su beneficiarian.

Pabien muchanan cu boso proyecto y awo, “man na obra” pa e matanan por wordo muha, “corda sin awa no tin bida”. □

Gran bataya di seso sport na club Primavera!

ORANJESTAD - E bataya di Seso Sport di diasabra 4 di juni binidero na Club Primavera ta priminti di bira un berdadero show down.

Ya caba tin varios team cu via Whatsapp 564-9838, a confirma di lo bay ta presente, di cual tin di nan cu tin basta tempo sin bataya pero lo ta bek den ring diasabra awor.

E evento lo cuminsa cu inscripcion pa 7:30 PM y despues lo cuminsa full swing pa 8:00 PM. Ta suplica tur team pa ta tempran pa asina por cuminsa na tempo. Teamnan mag di consisti di un maximo di 6 persona pa team, y inscripcion lo ta un "tientje per person".

Club Primavera ta den full preparacion pa su gran dia nacional, dia di Portugal, dia

de Camões, y esey kiermen cu lo ta bay tin e bar y cushina gestock cu pasaboca Portugues, y mas cu logico, e grill grandi pafo lo ta pata cu e famoso Spetada Portugues. No perde e chens aki y reserva bo Spetada pa den half time por re fuel e cerebro na ordo.

Via nos tin entendi cu tin varios team cla pa bin reta e campeon actual, e flamante team femenino The Pow-

erpuff Girls, kende nan den nan ultimo presentacion a berdaderamente sa di "bari" e otro teamnan fei mesa. Teamnan manera de Wijze Oma's, Raspa Coco, No Problem, Gaña Sa, Clark's Gang, y AHHH, ya caba ta "on"! Tambe nos por compronde cu e eterno rivalnan di Hofi Prikichi, The Saints, y Old Par tambe ta ocupa cu "line up" nan hungadonan.

Pues shonnan e anochi aki ta mustra hot.

Bo sa kico ta un bola do caco? Bo sa kico ta un pisang goreng? Bo sa kico Boko Haram kiermen? Bo sa pa kico Fugu ta peligroso? No? Wel bin diasabra awor 4 di juni na Club Primavera pa 8'or di anochi y presencia otro candeloso bataya di Seso Sport. E sopi ta na candela. □

Lesnan di salsa y bachata na Centro di Barrio Playa Pabao

PLAYA PABAO - Directiva di Centro di Barrio Playa Pabao ta participa na e bario di Playa Pabao y Aruba en general cu lo cuminsa cu lesnan di baile salsa y bachata den nan Centro.

E prome les lo tuma luga diamars 7 di juni y lo ta di 7'or te cu 8'or di anochi. Lo cobra e suma di 60 florin pa luna. Inscripcion ta tuma luga na Centro di Barrio Playa Pabao 8'or te cu 12'or di mainta y di 3'or pa 6'or di merdia.

Mester menciona cu e cuponan ta limita. Lesnan ta wordo duna pa Jayson Kock.

Kende ta Jayson Kock?

Jayson a nace na Aruba riba 12 di maart na aña 1983.

Na final di 1997, Jayson a baila cu e grupo di ballet Folclorico Nacional. E bailenan cu a wordo baila ta wals, bailenan folclorico di Mexico, Cumbia y Tambu.

Na 1998, na edad di 18 aña, el a cuminsa baila salsa na e scol di baile Pachanga. Cu e grupo di baile "Pachangueiros" ela baile como "back-up" pa Chichi Peralta.

Na fin di 2003 Jayson a biba pa 3 luna na Cuba. Eynan el a siña e bailenan Guaguanco

basico y Afro Cuban basico.

Na final di 2005 Jayson tabata docente invita na e scol di baile Northwest na Lancashire Preston, UK. Eynan el a duna les di Cuban Salsa, LA style y Puerto Rican style como docente. Su Especialidad ta un "mix" di e 3 estilonan aki.

Otro luganan cu Jayson a duna les di salsa y bachata of a traha como DJ ta: Manchester City Center (Monty's gym, Aquatic Center, Restaurant Copacabana, La Tasca), Backpool (salsa workshop y salsa show) Leeds (bar/pub Manchester University),

Lancashire, Essex y Bolton.

Na Aruba Jayson a duna show y tayer di salsa na diferente hotel entre otro Marriott, Divi All Inclusive, La Cabana y Costa Linda. Tambe Jayson a participa na diferente competencia di salsa. Den 2003 el a participa na e competencia di Cuba's Salsa y el a termina na di dos luga.

Na 2005 el a participa na e competencia nacional di salsa y a termina na di prome luga. Den e mesun aña, Jayson a participa na e competencia mundial di salsa organisa pa IDO (International Dance Organization) y aki el a termina na di 6 luga.

Na 2006 Jayson a participa na e competencia Nacional di Salsa na UK y a termina na di dos luga.

Na 2007 el a participa na competencia mundial di bachata organisa na Swisa, caminda el a termina na di shete luga.

Desde 2007 e ta duna les priva di bachata y tayer na diferente hotel y como reemplazante na Pachanga.

Cu hopi entusiasmo Jayson ta cuminsa duna les na Centro di Barrio Playa Pabao y e ta sigur di por siña esunnan cu ta participa e bailenan di bachata y salsa. □

Fayo for di man di N.V. ELMAR a causa interrupcion di coriente

ORANJESTAD - "Nos ta lamenta e situacion cu a presenta antayera nochi, cu den su mayoria no tabata den nos man of cu nos por a controla", asina Wanda Broeksema di N.V. ELMAR a duna di conoce.

E ta referi na e fayó cu a presenta y cu a conduci cu varios area tabata sin coriente. El a sigura cu e tecniconan di e compania di distribucion di coriente a traha den forma incansabel pa por logra reconecta clientenan mas lihe posibel. E situacion tabata mas fastioso pasobra tabata den marduga.

E prome fayó a presenta rond di 11:00pm den area di Ponton, ora cu diripiente coriente a bay. Pa 11:39pm a reconecta e prome area bek cu coriente, sigui pa 12:39am y e ultimo grupo a haya coriente rond di 2:25am. E fayó tabata den un kabel grandi cu a laga algun area specifico den Ponton y Oranjestad sin suministro di coriente.

Como si fuera poco, memey di tur e presion pa tecni-

conan logra "isola" e fayó pa por reconecta suministro di coriente, ata rond di 1:06 am ta sosode un accidente di auto na Santa Cruz unda ta ranca un palo di luz cu un kabel "hoogspanninglijn" di coriente, cu consecuencia cu Hooiberg, Santa Cruz y Casibari a keda sin suministro.

Lamentablemente e fayó ey a dura largo pasobra caminda tabata cera, kabel di coriente benta tur caminda y mester a drecha e palo di luz, etc. Parcialmente por a duna coriente na e areanan cu a perde coriente.

Pa publico por compronde bon, ta ora cu coriente a bay 11:00 p.m, ta e ora ey tecni-

conan ta sali pa bay inventarisa e fayó y cuminsa e proceso pa corigi y "isola" den e red di distribucion pa reconecta e areanan afecta. Esey ta haci cu tin biaha tin fayonan cu ta facil pa drecha y otro nan cu ta mas complica, cu ta dura hopi mas pa regla.

"Nos ta consciente di e inconveniencia cu e tipo di

casonan asina tin pa nos clientenan pa cual nos ta pidi disculpa. Fayonan por sosode y ta keda na nos tecniconan pa responde di un forma rapido pero sigur y purba pa reanuda suministro den un tempo record. Tin biaha e ta bay facil, pero tin biaha e fayonan por ta asina compleho cu e ta tuma mas empleado, mas experticio y mas material prome cu por keda cla", asina Wanda Broeksema a termina bisando.

N.V. ELMAR a celebra 65 aña di existencia na november ultimo y ta conta cu un total di 165 empleado den servicio directo di e compania. Siendo nos compania nacional distribuido di coriente, N.V. ELMAR ta inverti alrededor di 20 miyon florin tur aña den mantencion y actualisacion di su red di electricidad. Cu lansamento di CIS, ta demostra cu no ta dedica atencion solamente na aspectonan tecnico y di infraestructura, sino tambe na e nivel di servicio eficiente y moderno cu ta brinda clientenan diariamente. □



Federacion Liga Mayor di Softball Arubano:

Resultado di campeonato 2016 di fin di siman

ORANJESTAD - Bou di auspicio di Federacion Liga Mayor di Softball Arubano riba e tereno di Flatstone Ballpark na Piedra Plat tawatin continuacion di e di diestres campeonato di softball Liga Mayor.

Pa 09:40 a duna inicio na e prome partido di dia. Aki ta trata partido entre Optica Libra Bulldozer como bishitante enfrentando Astros como team di cas. Tabata Astros cu den bom di inning no. 1, 2 y 3 ta anota 3, 2 y 1 careda respectivamente pa pone e partido comodamente 6 pa 0 na nan fabor.

Den cabes di inning no. 5 Optica Libra ta score un careda, caminda e partido ta bira 6 pa 1. Pero den bom di mesun inning Astros ta score nada mas cu 4 careda pa amplia e score 10 pa 1 na nan fabor. Den cabes di inning no 6 Optica Libra ta score 1 careda. Astros ta amplia e score cu 2 careda mas den bom di inning no. 6 caminda despues di esaki pa motibo di knockout e partido ta termina cu e score di 12 pa 2 na fabor di Astros riba Optica Libra.

Astros tawatin 12 careda, a bati 13 hit y a comete 2 eror. Optica Libra tawatin 2 careda, a bati solamente 4 hit y a comete 2 eror. Miho batiadonon pa Astros tabata Johan Rustenburgh, Rudsel Martina y Johannes Flanegin, tur tres di mil punto cu 3 hit den 3 turno y 1 hit den 1 turno respectivamente. Robert Marsdin cu 2 hit den 3 turno. Pa Optica Libra tabata Jimmy Werleman cu 1 hit den 2 turno. Pitcher ganado tabata Cresencio Irausquin pa Astros, mientras Hubert Perez ta carga e derota pa Optica Libra, hayando relevo den di 5 inning di Gaby Geerman. Ruthsel Martina tabata un homerun den tereno.

E di dos partido di dia a bay entre Boomerang Arubian Garden como ekipo bishitante enfrentando Balashi Sunrise Stingers como ekipo di cas. Tabata den bom di inningnan no. 1, 2, 3 y 4 cu Balashi Sunrise Sting ta reacciona for di tempran di wega anotando respectivamente 3, 1, 1 y 2 careda. Den cabes di inning no. 5 cu Boomerang Aruba Garden ta score nan prome careda, caminda e

score ta bira 7 pa 1 na fabor di Balashi Sunrise Sting. Den bom di inning no. 6 Balashi Sunrise Sting ta amplia e score anotando 1 careda. Den cabes di inning no. 7 Boomerang Aruba Garden ta reacciona fuerte, pero net no suficiente pa empata e partido, caminda nan ta anota 6 careda y par-

3, caminda den bom di inning no. 3 y bom di inning no. 4 cu Kenro Jewelers ta reacciona fuerte anotando no menos cu 5 y 6 careda respectivamente pa pone e partido 11 pa 0 na nan fabor. Den cabes di inning no. 5 Budlight Braves ta anota 1 careda y pa medio di knockout e partido ta termina

LG ta score 1 careda pa corta bentaha. Den cabes di inning no. 2 Kibaima Tot Serv ta score 3 careda, poniendo e score comodamente 8 pa 1 na nan fabor. Aruba Jrs LG ta anota 1 careda den bom di inning no. 3. Den cabes di inning no. 5 Kibaima Tot Serv ta anota 2 careda y den bom


Nos Seguro como team di cas. Tabata San Nicolas Movers Blue Res. den cabes di inning no 1 ta anota 1 careda, pa pone e score 1 pa 0 na nan fabor.

Tawata un partido hopi bon balansa caminda ningun di cos ekiponan tabata baha cabes pa otro y caminda hugadanan bon brinda a sa di mantene e partido te den bom di inning no. 5 1 pa 0. Den bom di inning no. 5 ta Surprise Nos Seguro ta reacciona fuerte mes anotando no menos cu 8 careda pa bulto e score 8 pa 1 na fabor di Surprise Nos Seguro. Despues di esaki pa motibo di tempo reglamentario e partido ta termina cu e score di 8 pa 1 na fabor di Surprise Nos Seguro riba San Nicolas Movers Blue Residence.

Surprise Nos Seguro tabata 8 careda, a bati 10 hit y a comete 1 eror. Mientras San Nicolas Movers Blue Residence tabata 1 careda, a bati 6 hit y a comete 2 eror. Miho batiado pa Surprise Nos Seguro tabata Leanez di mil punto cu 1 hit den 1 turno, mientras Alfonso Steenen, George Lucas y Patricio Wilsona bati 2 hit den 3 turno.

Pa San Nicolas Movers Blue Residence twt G. Grovell di mil punto cu 2 hit den 2 turno. Mientras Victor Rhoda, Leonard Carti, Ruben Stamper y R. Windfield, tur cuater cu 1 hit den 2 turno. Pitcher ganado pa Jose Vrolijk pa Surprise Nos Seguro, mientras pa San Nicolas Movers Blue Residence tabata B. Wester a carga e derota, hayando relevo di Maduro y Hazel.

Asina Federacion Liga Mayor di Softball Arubano por wak atras riba un bon di tres dia-domingo di campeonato no. 13 (2016) cu tremendo partidonan di softball, na unda club miembronan ta sigui brinda bon partidonan di softball e aña aki. Tabatin un tremendo ambiente di softball na unda tambe DJ Hubert Geerman a sa di entretene e publico presente.

Surprise Nos Seguro a sa di brinda un bon cushina cu cumindanan sabroso y un bar bon surti. Un danki ta bay pa e cuerpo di umpire bou di direccion di Sr. Meulens. Tambe danki ta bay pa scorer Sra. Mila Dirksz. 



tido ta termina cu e score final 8 pa 7 na fabor di Balashi Sunrise Sting riba Boomerang Arubian Garden. Balashi Sunrise Sting tabata 8 careda, a bati 13 hit y a comete 2 eror. Boomerang Arubian Garden a score 7 careda, a bati 10 hit y a comete 4 eror.

Miho batiado pa Balashi Sunrise Sting tabata Richard Gerard, Lacle y Ray Mathilda tur tres di mil punto cu respectivamente 2 hit den 2 turno y 1 hit den 1 turno. Tony Warner y Lucas Wever a bati 2 hit den 3 turno. Pa Boomerang Aruba Garden tabata Vos di mil punto cu 1 hit den 1 turno, mientras Gerald Keteldijk y Amado Rosina ambos cu 2 hit den 3 turno. Pitcher ganado pa Balashi Sunrise Stingers tabata Elvis Maduro, mientras Sieg Albertsz a bay cas cu e derota pa Boomerang Arubian Garden. Ray Mathilda cu un homerun den tereno.

E di tres partido di dia a bay entre Budlight Braves como bishitante enfrentando Kenro Jewelers como ekipo di cas. Tabata un partido hopi bon nivel te cu cabes di inning no.

cu e score di 11 pa 1 na fabor di Kenro Jewelers riba Budlight Braves. Score final 11 pa 1 na fabor di Kenro Jewelers riba Budlight Braves. Kenro Jewelers tabata 11 careda, a bati 11 hit y a comete 1 eror. Mientras Budlight Braves a score 1 careda, a bati 6 hit y a comete 4 eror. Miho batiadonon pa Kenro Jewelers tabata Patrick Werleman di mil punto cu 2 hit den 2 turno. Mientras Ruben Geerman, Nicolaas Thijsen y Frank Kock tur tres cu 2 hit den 3 turno. Pa Budlight Braves tabata Navio Valdez di mil punto cu 1 hit den 1 turno. Mientras Aubrey Maduro, Pablo Paesch y Juan Maduro tur tres cu 1 hit den 2 turno. Pitcher ganado pa Kenro Jewelers tabata Pedro Vrolijk, mientras cu Wilbert Maduro a carga e derota pa Budlight Braves. Ruben Geerman tabata un homerun den tereno.

E di cuater partido di dia a bay entre Kibaima Total Services como bishitante enfrentando Aruba Juniors LG como ekipo di cas. Tabata Kibaima Tot Serv den cabes di inning no. 1 ta score na 5 ocasion. Den bom di inning no 1 Aruba Jrs

LG ta anota 1 careda, mientras pa motibo di un call di umpire Aruba Jrs LG no ta continua cu e partido y e chief umpire ta call off e game. Score final 10 pa 3. Kibaima Tot Services tabata 10 careda, a bati 12 hit y a comete 1 eror.

Aruba Jrs LG a score 3 careda, a bati 9 hit y a comete 3 eror. Miho batiado pa Kibaima Tot Serv tabata Wilfred van der Biezen y Wilfred Ras di mil punto respectivamente cu 3 hit de 3 turno y 1 hit den 1 turno. Mientras Gabriel Dijkhoff a bati 2 hit den 3 turno. Pa Aruba Jrs LG tabata F. A. Mateo y S. H. de la Cruz di mil punto ambos cu 3 hit den 3 turno, mientras Aiky Odor cu 2 hit den 3 turno. Pitcher ganado pa Kibaima Total Services tabata Nelson Perez hanjando relevo di Marco Lino Werleman cen inning no. 5 y pa Aruba Jrs LG tabata J. Martes a bay cas cu e derota hayando relevo di Tirso Abraham den inning no. 2.

E ultimo partido di dia a bay entre San Nicolas Movers Blue Residence como visitante enfrentando Surprise



Señor ta mi wardadó, lo mi no tin falta di nada.
E ta ponemi drumi den lugánan di yerba bèrdè;
E ta hibami kantu di awanan ketu.

E ta restorá mi alma:

Salmo 23: 1-3

Cu inmenso tristesa na nos curazon pero conforme cu Señor su boluntad, nos kier a anun-
cia fayecimento di :

Aurelia Rosita Eleonora-Vrutaal

Mihor conoci como
"Rosa casa di defunto Danny mecanico"
*02-12-1924 - †29-05-2016



Na edad di 91 anja

Na nomber di su:

Yiunan : Oswin y Vivian Eleonora, yiunan y famia na Curaçao
Mayra Eleonora, yiunan y famia na Aruba
Jeanette Eleonora, yiunan y famia na Curaçao
Robert Eleonora, yiunan y famia na Curaçao
Lionel y Fidelia Eleonora , yiunan y famia na Aruba
Eveline y Edyson Ignacio, yiunan y famia na Aruba
Ivette Eleonora , yiunan y famia na Sint Maarten

Manera yiu : Elton Ignacio, yiunan y famia

Nietonan (31) : Eleonora, Bito, Paulina y Ignacio

Rumannan : † Elenita Monte yiunan y famia, Elsa Vrutaal yiunan y famia, Anthonio Vru-
taal yiunan y famia, Elvia Vrutaal yiunan y famia, Claudia Vrutaal yiunan y famia.

Tur su bisa nietona (40) y su tuma nietonan (5), sobrino- y sobrinanan, primo- y pri-
manan, comer y compenán, ihananan y bisñanan na Aruba, Bonaire, Curaçao y Hulanda.
Amiga di cas : Reina de Cuba Un danki special ta bai na: Lilly, Wit Gele Kruis y Dr. Lilly
Beker. Demas famianan: Eleonora, Vrutaal, Bito, Paulina, Ignacio, Mattheeuw, Monte,
Leito, Lucas, Winterdaal, Alberto, Ortega, y tur demas famia na Aruba, Bonaire, Curaçao
y Hulanda. Acto di entierro lo tuma lugar diabierna 3 di juni 2016 pa 4'or di atardi na Misa
San Francisco na Playa y despues lo saliendo pa Santana Catolico na Playa.

E resto mortal di nos defunto stima lo ta reposa for di 2'or di atardi na Misa San Francisco
na Playa. Adres di condolencia : Royal Funeral Home (Cumana #44) , diahuebs 2 di juni
2016 di 7'or pa 9'or di anochi.

Si encase den nos tristeza nos por lubida algun miembro di famia of amistades, nos ta pidi
nos mas sincere disculpa.

Nos ta lamenta cu despues di entierro nos no por ricibi bishita di condolencia na cas.



Tel: 593-0857 / 588-6699 / 560-1403
Fax: 588-6698

Na nomber di su señora stima, Rhona Geerman-
Dabian

Su yiunan; Mirla, Felie y Beatrix

nos ta anuncia fayecimento na Bucaramanga,
Colombia :



sr. Felix Maximiliano Geermen

Cariñosamente yama "Milo"

Acto di entierro lo wordo anuncia despues.



Tel: 593-0857 / 588-6699 / 560-1403
Fax: 588-6698

Gradicimento y invitacion

Nos kier a gradici tur esnan cu a muestra nan atencion y cariño
durante bida y despedida di mi casa, nos tata y abuelo stima:



Johan Martin "Jan" Meelis

Un danki di curason na Dr. Juan de Cuba, personal di
Dr. Horacio Oduber Hospital y Pastoor Stanislau Sekula.

Alaves nos ta invita pa 3 santo sacrificio di misa
cu lo tuma lugar diahuebs 2 di juni, diabierna 3 di juni y
diasabra 4 di juni na Pro Catedral San Francisco de Asis
na Oranjestad pa 7 pm

Edna R. Meelis-Arendsz, yiunan y nietonanc



SETAR ta participa fayecimento di:

Wingsoen Chai

Tata di nos colega
Erwin Chai

trahando como technische medewerker den Verdelers

Acto di entierro lo tuma lugar diasabra dia 4 di juni 2016
di 9or pa 11or di mainta na Misa Santa Teresita despues
pa Santana Central na San Nicolas.

Adres y oportunidad pa condolencia: Ad Patres Funeral Home
diabierna dia 3 di juni 2016 di 7 pa 9 pm.

Gerencia, Staf y Personal di SETAR N.V. ta extende palabranan
di condolencia na Erwin y demas famia.



Pa AVISO den nos Corant

aviso@bondia.com



Tel: 593-0857 / 588-6699 / 560-1403
Fax: 588-6698

Mi tin gana di biba den Bo cas, Señor
Est'un encanto Bo bibá ta,
Oh Señor di universo !
Mi alma ta muri di anhelo pa plenchinan
di tempel di Señor: mi curason,
Si, tur mi ser ta grita di deseo pa Dios bibo.
Salmo 84:1-2

Cu inmenso dolor na nos curazon pero conforme cu boluntad di Dios y agradecido pa tur locual ela brinda nos, nos ta participa fayecimento inespera di nos ruman y omo stima :



Sr. Mario Bertran Geerman

Mihor conoci como "Mai"
*06-09-1936
†30-05-2016

Na number di su

Rumannan:

Sra. Brigida Gamarra Geerman y esposo

Sr. Jose Gamarra y familia

Sr. Luis Geerman y esposa

Sra. Ina Wester Geerman y familia

Sobrina y sobrinonan mescos cu jui:

Sr. Rigoberto Gamarra y esposa

Sra. Gloria Gamarra-Gonzalez
Benitez y familia

Sra. Sherlyn Thode-Gamarra
y esposo Sr. Elvis Thode y familia

ana Sr. Jose Gamarra y esposa Sra. Lili-
Gamarra-Luna Vesga

Sr. Rivelino Gamarra

Swa : Sr. Clemente Angela y familia

Tur su sobrina y sobrinonan y nan familia, sobre sobrina (o) y nan familia. Primo y primanan, ihanan, comer y compernan, amigonan, tur Amistad y conocirnan, staff y personal di Huize Maristella.

Demas familia: Geerman, Rasmijn, Gamarra, Wester, Angela, Angel, Danje, Croes, Thode, Luna Vesga, Gonzalez Benitez, Growell, Britten.

Ta invita pa asisiti na acto di cremacion diahuebs 02 di juni 2016 for di 2'or pa 4'or di atardi na misa Inmaculada Concepcion na Sta. cruz. Despues lo cremeer den seno familiar.

Lo tin oportunidad pa condolencia diarazon 01 juni 2016 for di 7'or pa 9'or di anochi na Macuarima 113-B



Tel: 593-0857 / 588-6699 / 560-1403
Fax: 588-6698

E ta ponemi drumi den lugánan di yerba bèrdè;
E ta hibami kantu di awanan ketu.
E ta restorá mi alma:
Salmo 23: 1-3

Cu inmenso tristesa na nos curazon nos kier anuncia fayecimento di



Sra. Regina Abicaela Schwengle-Gibbs

Mihor conoci como Gala, Tia gala of Oma

Na number di su:

Esposo: Adolfo "Doy" Schwengle

Su mayornan: + Frederick "Ross" "Daddy"

y + Paula Elena "Nena" Gibbs-Tromp

Su Yuinan: Milton y Sandra Schwengle-Estrada Lopez

Stephanie Schwengle

Su nieto/a nan stima: Jaysson Stede, Jairon Stede, Melleny Schwengle,

Chloe Stede y Maja Schwengle

Manera nieto na cas: Duane Amadee

Su ruman nan: Hector Wallace y familia

+ Tecla Gibbs y familia

Anthony "Nino" y Bertha Gibbs-Croes

Hubert "Ipi" Gibbs y familia

Ingrid "Gita" y + Henny v/d Logt-Gibbs y

Eula "Jula" y + Theo Blankenstein-Gibbs

Suegro/a: Dominico y Rosalinda Schwengle

Swa/Cunja nan: + Narcisa "Chichi" y Harry Koolman-Schwengle y familia

+ Fabiola "Fabiola" y + Bian Willems-Schwengle y familia

Agrepino "Pin" y Regina "Ina" Schwengle-Lopez y familia

+ Magdalena "Lena" y Pin Martijn-Schwengle y familia

+ Encarnacion "Kat" Schwengle

Luisa "Wicha" y + Boy Boezem-Schwengle y familia

Susana "Chana" y Ruben Yanez-Schwengle y familia

Esteban "Banchi" y Christina Schwengle-de Cuba y familia

+ Eduardo "Buchi" y Haydee Schwengle-Colina y familia

Leonardo "Dapo" y Elvira Schwengle-Henriquez y familia

Raul y Martha Schwengle-Lopez y familia

+ Bernadina "Dinchi" Schwengle

Lidia Schwengle

Omo y Tanta nan: Juan "Bubu" y Rita Tromp-Croes y familia

Olga y + Silo Odor-Tromp y familia

+ Oscar "Cale" y Maria Tromp-Kock y familia

+ Aura y Elvio "Japi" Rodriguez-Tromp y familia

Luis "Wichi" Arrevalo y familia

+ Gertrude Gibbs y familia

Ernestin Gibbs y familia

Archel Gibbs y familia

Austis Gibbs y familia

Sobrin/a nan, primo/a nan, comer y comper nan, tur amigo nan di cas, su ruman nan di Iglesia Avivamiento, su bon bisin/a nan, tur conocirnan y demas familia: Gibbs, Schwengle, Stede, Hazel, Arevalo, Croes, Wallace, Maduro, Espacia, v/d Logt, Blankenstein, Rodriguez, Odor, Kock, Amedee, Britten, Andal, York, Lejuez, Leo, Paulina, Koolman, Willems, Lopez, Martijn, Boezem, Yanez, de Cuba, Colina, Henriquez, Rafini, Salamatin; Nadal, - Geerman, Werleman, Arends, v/d Linden.

Ta ricibi condolencia: Diahuebs 2 juni 2016 di 7-9or pm na Aurora Funeral Home y acto di entierro lo tuma lugar Diahuebs 3 juni 2016 di 2-4or pm na Aurora Funeral Home Despues pa Santana di gobierno na playa.

Sea asina bon di disculpa nos, si den nos tristesa nos por a lubida un number di familia.

Nos ta lamenta cu despues di entierro nos no por ricibi bishita di condolencia na cas.



Tel: 593-0857 / 588-6699 / 560-1403
Fax: 588-6698

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.



Antony Stenly Dirks

Mihor conoci como "Stenly"
Ex trahador di Brandweer y WEB
*26-09-1961 - †30-05-2016

Na number di su:

Mayornan : Irma Dirks Dabian

† Enrique Dirks

Compañera : Genoveva Koolman y yiu-
unan

Yiunan : Antony Dirks
Anthony Vila

Rumannan : † Roy y esposa Aurora
Dirks-Herrera
Enry y esposa Luzmary
Dirks-Garcia
Lando y esposa Fanny
Diks-Franken
Emerita y Francisco
Weller

Sobrin/a y sobrinanan : Ezzard y Jeanine,
André y Delilah, Howard Leslie, Emanuel,
Iliana y Fathia.

Tanta- y omonan : Vda. Dinichi Kelly y yiu

Vda. Lucy Coll y yiu

Jolanda y Lucio Tromp y yiu

Vda. Elsa Dabian y familia (Hulanda)

Evi y Chichi Dabian y yiu

Violeta y Poy Wester y yiu

Haime y Yvonne Dabian y yiu

Mama di yiu : Trina Irausquin
y familia

Mayra Bergrok y familia

Bisiñanan: Nilo y Maximina, Alfred y
Mariela y jiu, George y Glenda y jiu, Tico
y Maritsa.

Demas Famia: Dirks, Dabian, Villa, Herre-
ra, Garcia, Franken, Koolman, Ras, Libier,
Amaya, Weller, Bergrok, Croes, Irausquin,
Kelly, Zievinger, Coll, Tromp, Maduro,
Geerman, Wester, Lee, Everon,
Paskel, Kock, Roos

Acto di despedida lo tuma lugar na Royal
Funeral Home diahuebs 2 di juni 2016 di
2'or pa 4'or di atardi. Cremacion lo tuma
lugar den ceno familiar.

Nos disculpa si den nos tristesa nos por a
lubida cualkier amigo, conocir of familia.

Trabounan di Green Corridor a yega Pos Chiquito



ORANJESTAD – Proyecto ‘Green Corridor’ ta avansando di un manera sumamente satisfactorio. Manera planea, e prome parti di asfalt a yega Pos Chiquito caba y trabounan den Pos Chiquito mes a cuminsa algun siman atras.

E parti mas complica di e proyecto ta cuminsa na Pos Chiquito caminda por mira basta material y ekipo caba den e area. E brug nobo di Pos Chiquito, cu ta bou construcion caba y manera hopi sa, esun actual ta bay wordo drecha y ta bay tin un caminda pa cana y tambe uno pa core bicicleta.

Den e bario di Pos Chiquito mes, a cuminsa cu e trabou pa construi e dos vianan nobo mientras cu na mesun momento ta trahando riba embeyecemento di e area na banda. Na Pos Chiquito, y Savaneta, e casnan ta construi relativamente leu di e carretera, cual ta permiti automobilistanan subi e carretera na cualkier punto. Esaki ta forma un peligro y e intencion ta cu Green Corridor ta trece un solucion. E intencion ta pa trece mas seguridad pa tanto esnan na pia como tras di stuur den e area aki. Riba e combinacion di fotonan aki por mira con e trabou ta avansando den e bario

di Pos Chiquito y bisindario.



Hoben Inteligente

Bo ta buscando trabou?

Bo ta responsabel, Creativo y ambicioso?

Si ta asina anto nos tambe ta busca bo

Nos tin vacatura pa:

- Personal di benta y Mercadeo
- Personal di redaccion
- Personal di diseño grafico
- Personal Administrativo
- Personal di Secretariado

Solicita na: Caribbean Speed Printers N.V.
Weststraat 22, e mail: Mariette.Engelhart@cspnv.com